

1958/2.



6521/2

1

1958

36

საქართველოს

საქართველო

**შ ი ნ ა ა რ ს ი**

რედაქციისაგან . . . . . 3  
 მისალმებები . . . . . 5  
 ა. მირცხულავა—აჭარა (ლექსი) . . . . . 9  
 ფრ. ხალვაში—ეჰ, ძვირფასო გვებო! ამ  
 ქვეყანაზე, ბაზალეთის ტბა  
 (ლექსები) . . . . . 10  
 პ. ლორია—მამისეული  
 ფესხაცმელი (მოთხრობა) . . . . . 12  
 ნ. მალაფონი—ჩემი სოფელი მამათი,  
 მე და მერცხალი, სად გოგმანობ  
 (ლექსები) . . . . . 17  
 ლ. გოთუა—კუდალა ზაქი  
 (მოთხრობა) . . . . . 19  
 ნ. გვარამია—პირველ აპრილს  
 დაიბადე, განა სულ ასე ვიქნებით,  
 ეძინებათ ხვამლის ნისლებს, თონე,  
 ხაშხაში (ლექსები) . . . . . 25  
 ი. რურუა—წიქარა (მოთხრობა) . . . . . 27  
 შ. რუხვა—მას დავადარე, მე მიყვარს,  
 როცა ზღვაზე ქარია (ლექსები) . . . 35  
 ლ. გელაძე—რალაც კვალი, ღვინის წყარო  
 (ლექსები) . . . . . 37  
 ქ. მუხომია—დილა, ჩემი ეზო (ლექსები) . 39  
 ალ. ჩხაიძე—უძლეველი (მოთხრობა) . 41  
 ნ. ჯალალონი—არსენას საფლავთან  
 (ლექსი) . . . . . 54  
 ბ. სანაღობაძე—რად მეუბნები (ლექსი) . 55  
 ჯ. ჯაყელი—მეორედ შეხვედრა  
 (მოთხრობა) . . . . . 56  
 ს. ახინიანი—ძალის შვილი, არას  
 ვნადვლოვ, არვის ვუხმობ ცრემლით  
 (ლექსები) თარგმნა გ. სალუქვაძემ 61  
 ჯ. ლონღონი—ერთდღიანი გაჩერება  
 (მოთხრობა) ინგლისურიდან თარგმნა  
 გ. მაჭუტაძემ . . . . . 63

7600

**1**

**1958**

ი ა ნ ვ ა რ ი  
თ ე ბ ე რ ვ ა ლ ი

საქ. საბჭო  
საქმის  
საქმის

ი. ცერცვაძე — სამშობლოსათვის  
თავდადებულნი . . . . . 75



**ღლეები და ადამიანები**

გრ. კილაძე — მისი ცხოვრების გზა . . . 78

**კრიტიკა და კუბლიცისტიკა**

ზ. ძუბრიძე — პარტიულობის პრინციპი საბ-  
ჭოთა ლიტერატურის ძირითადი  
პრინციპია . . . . . 80

**კუბლიკაცია**

ლ. ასათიანი — დამავიწყდა... უნდა მეთქვა,  
ვნახე წარსულის ერთი ფურცელი  
(ღექსები) . . . . . 88

**წიგნის თარო**

აღ. ჩავლიევილი — საინტერესო ნაშრომი  
მხატვრულ ლიტერატურაში ხალხთა  
მეგობრობის ასახვის საკითხზე . . 90  
ი. სინბარულიძე — აჭარის მკვიდრი მოსა-  
ხლეობის ანთროპოლოგიისათვის . 92

**სატირა და იუმორი**

აღ. სამსონია — მეზობლები . . . . . 94



რედაქტორი შოთა ქურიძე  
სარედაქციო კოლეგია:  
ბ. ახვლედიანი, ნ. გვარიშვილი, პ. ლორია, გ. სალუქვაძე (პ/მგ მდივანი),  
აღ. ჩავლიევილი, ფრ. ხალვაში.

## რედაქციისაგან

ქართულ საბჭოთა პრესას შეემატა კიდეც ერთი ჟურნალი „ლიტერატურული აჭარა“. ჭეშმარიტად სასიხარულოა, რომ ჩვენი ჟურნალი დაიბადა იმ მხარეში, სადაც უძველესი და უმდიდრესი ქართული კულტურა ჩქეფდა. სამხრეთ საქართველოს რომ ახასიათებდა, ქართველი ხალხის ამაგდარი იღია ჭავჭავაძე თავის დროზე წერდა: „ჩვენი სასიკაძულო „ვეფხისტყაოსნის“ მთქმელი შოთა რუსთაველი იმ მხრის კაცი იყო... ჩვენი ყოფილი ცხოვრება იქ ალყავებულა, ჩვენს სიცოცხლეს იქ უჩქეფნია, ჩვენის სულის ძლიერებას იქ აღუმართავს თავისი სახედგანთქმული დროშა, თითქმის იგია ჩვენის სულის აღმატებულების აკვანი... სწავლა, განათლება, მამულისათვის თავგამეტებული სიყვარული თითქმის იქიღამ ფინებოდა ჩვენს ქვეყანასა ერთ დროს“.

ისტორიული უკულმართობის გამო აჭარა, საქართველოს ეს უმშვენიერესი მხარე, თურქმა დამპყრობლებმა სამი საუკუნით მოწყვიტეს დედა-სამშობლოს. მათ ცეცხლითა და მახვილით მოსრეს სამხრეთ საქართველოს სოფლები, დაანგრეს ქართული კულტურის ძეგლები, გააპარტახეს და დასცეს სახალხო მუერნობა, დამობდნენ ადგილობრივი მოსახლეობის გათურქებას. მაგრამ დამპყრობლებმა მიზანს ვერ მიაღწიეს. აჭარის მშრომელებმა მტკიცედ დაიცვეს ქართული ენა, ზნე-ჩვეულებანი და მედგრად იბრძოდნენ დედა-საქართველოსთან შეერთებისათვის.

თავის მხრივ, მთელი ქართველი ხალხი ყველაფერს აკეთებდა, რათა ოჯახში დაებრუნებინა მიტაცებული ძმა. ქართველი მოღვაწეები გაბეულად იმაღლებდნენ ხმას თურქი ასიმილატორების წინააღმდეგ და მოითხოვდნენ სამხრეთ საქართველოს შემოღობვას. ქართველი ხალხის ამ სანუკვარი ოცნების განხორციელება შესაძლებელი გახდა დიდი რუსი ხალხის უანგარო დახმარების წყალობით. ბერლინის ცნობილი ტრაქტატით სამხრეთ საქართველო 1878 წელს კვლავ შეუერთდა დედა-სამშობლოს. ეს ისტორიული აქტი მთელი ქართველი ხალხის ეროვნულ ზეიმად იქცა.

ვერავი მტრის ბრწყალებიდან გამოხსნილი აჭარა ჭეშმარიტი აღორძინებისა და აყვავების გზას დაადგა მხოლოდ საბჭოთა ხელისუფლების დამყარების შემდეგ. თურქთა ბატონობის დროს ჩამორჩენილი ეს თვადწარმტაცი მხარე დიდი რუსი ხალხისა და ჩვენი სოციალისტური სამშობლოს სხვა მოძმე ხალხების უანგარო, ძმური დახმარებით, დენინური ეროვნული პოლიტიკის განუხრედად განხორციელების მეოხებით სწრაფად განვითარდა და უდიდესი წარმატებები მოიპოვა სახალხო მუერნობისა და კულტურის ყველა დარგში.



აჭარაში აღიზარდა და დაწინაურდა ნიჭიერი მწრომედი-  
ინტელიგენცია. აქ არიან გამოჩენილი მწერლები, ხელოვნების  
მუშაკები. კომუნისტური პარტია და საბჭოთა მთავრობა ყველა  
პირობას ქმნიან იმისათვის, რათა ახალი თვალსაჩინო წარმა-  
ტებები მოვიპოვოთ ლიტერატურისა და ხელოვნების დარგში, ყო-  
ველმხრივ დავაკმაყოფილოთ კომუნისტების მშენებელი საბჭოთა  
ადამიანების მაღალი მხატვრული გემოვნება.

აჭარაში ლიტერატურისა და ხელოვნების ახალი მძლავრი  
აღმავლობა მკაფიოდ გამოავლინა 1957 წელს თბილისში გამარ-  
თულმა აჭარის ლიტერატურისა და ხელოვნების ექვადამ. საქართ-  
ველოს ექვადამის საზოგადოებრიობამ მაღალი შეფასება მის-  
ცა ჩვენი მწერლების, მხატვრების, სცენის ოსტატების, მოცეკ-  
ვავეთა და მომღერლების, ხაღხური ტაღანტების შემოქმედებას.  
ლიტერატურისა და ხელოვნების მუშაკთა მიერ ექვადამზე  
მოპოვებულმა თვალსაჩინო წარმატებებმა ცხადყო, რომ აუცი-  
ლებელია აჭარაში გამოდიოდეს პერიოდული ლიტერატურულ-მხატვ-  
რული და საზოგადოებრივ-პოლიტიკური ორგანო.

საქართველოს კომუნისტური პარტიის ცენტრალური კო-  
მიტეტისა და საქართველოს სსრ მინისტრთა საბჭოს ხელშეწყო-  
ბითა და დახმარებით ეს საკითხი დადებითად გადაიჭრა. ამიერ-  
იდან ბათუმში გამოდის ჟურნალი „ლიტერატურული აჭარა“.

ჩვენი ჟურნალის საბრძოლო ამოცანაა ხელი შეუწყოს  
ჩვენს რესპუბლიკაში ლიტერატურისა და ხელოვნების შემდგომ  
მძლავრ აღმავლობას, შემოიკრიბოს და აღზარდოს ნიჭიერი  
მწერლებისა და ხელოვნების მუშაკთა ახალი კადრები. ჟურნალის  
მუშაობაში აქტიურ მონაწილეობას მიიღებენ გამოჩენილი ქართ-  
ველი მწერლები და ხელოვნების მოღვაწეები.

ჟურნალი საფუძვლიანად ასახავს აჭარის ისტორიას და მის  
ბედნიერ დღევანდლობას. იგი ფეხდაფეხ გაჰყვება ჩვენს დიად  
თანამედროვეობას და ყველაფერს გააკეთებს მშობლიური კომუ-  
ნისტური პარტიის მიერ იდეოლოგიური მუშაობის დარგში დასა-  
ხული ამოცანების ღირსეულად განხორციელებისათვის.

გვჭერა, რომ ახალი ჟურნალი თავის წვდილს შეიტანს მსოფ-  
ლიოში ყველაზე მოწინავე საბჭოთა ლიტერატურისა და ხელო-  
ვნების შემდგომ განვითარებაში.



ბათუმი,

„ლიტერატურულ აჭარას“

ჩვენ, თბილისში მომუშავე ქართველი მწერლები, მუდამ დიდი ინტერესით ვადევნებთ თვალს ბათუმელი თანამოკალმეების შემოქმედებით მუშაობას და გვახარებს მათი ყოველი დიდი და პატარა წარმატება.

დღესაც უსაზღვრო სიხარულს განვიცდით იმის გამო, რომ ბათუმში გამოსვლას იწყებს ახალი მხატვრული ჟურნალი „ლიტერატურული აჭარა“. ჩვენ ღრმად გვწამს, რომ ეს ჟურნალი მხარში ამოუდგება „მნათობს“, „ციცარს“ და შესაძლებლობის დაუზოგავად ხელს შეუწყობს ქართული საბჭოთა მწერლობის შემდგომ აღმავლობას, განამტკიცებს მწერლობის კავშირს ცხოვრებასთან, ხალხთან.

ჩვენ იმედი გვაქვს, რომ „ლიტერატურული აჭარა“ თავის წმინდა ამოცანად დაისახავს ხელი შეუწყოს მწერლებს უფრო ფართოდ, ღრმად, პროფესიონალურად ასახონ ჩვენი დიადი თანამედროვეობა, საბჭოთა ადამიანების მდიდარი და ლამაზი სულიერი სამყარო.


ჩვენ გვწამს, რომ „ლიტერატურული აჭარა“ ხელგაშლით გააცნობს მასებს ქართული მწერლობის, საერთოდ ქართული კულტურის მიღწევებს, დაეხმარება ჩვენი რესპუბლიკის შემოქმედებითი ძალების ერთმანეთთან უფრო მეტად დაახლოებას.

მე სულით და გულით მივესალმები ჟურნალ „ლიტერატურული აჭარის“ დაბადებას და ვუსურვებ მის გამოცდილ მუშაკებს — მთელ კოლექტივს წარმატებებს შემოქმედებითი მუშაობის რთულ გზაზე.

გავიმარჯოთ თანამოკალმენო და თანამოსაერგენო!

\* \* \*

სულით და გულით ვესალმები აჭარაში ქართული ჟურნალის შექმნას, რადგან ეს დიდი მოვლენაა ქართველი ხალხის კულტურულ ცხოვრებაში. ვუსურვებ ახალ ჟურნალს ღირსეული წვლილი შეეტანოს ქართული ლიტერატურისა და ხელოვნების შემდგომ განვითარებაში.



მე—დიდ პატრიოტს ჩვენი ულამაზესი მხარის, საბჭოთა აჭარისა, მთელ ჩვენს ინტელიგენციასთან ერთად დიდად მიხარის, რომ აჭარას ექვემდებარებულ ლი ჟურნალი „ლიტერატურული აჭარა“. ლიტერატურა, ხელოვნება აჭარაში უკვე იმდენად განვითარდა და ისეთ სიმაღლემდე ავიდა, რომ მისი გაშუქება და უფრო ვრცელი და ღრმა ასახვა აუცილებელია.

მე გულით ვულოცავ ჩემს საყვარელ კოლეგებს — მსახიობებს, მწერლებს, მხატვრებს და ყველას, ვინც ამ შესანიშნავ დარგში მუშაობს, ახალი ჟურნალის დაბადებას. ვუსურვებ დიდ გზას „ლიტერატურულ აჭარას.“

გულიანად მიხარობ

\* \* \*

აღტაცებით ვეგებები „ლიტერატურული აჭარის“ გამოსვლას. ამგვარი ჟურნალი აჭარაში დიდი ხნის ოცნება იყო, მაგრამ აუსრულებელი. ჟურნალს ბევრი აქვს დასათესი აჭარის საუკუნეობრივ ყამირზე, მაგრამ ღირსეული მუშაუკებიც ჰყავს აჭარაში მცხოვრებ ქართველ მწერალთა სახით. ორივეს ძმურად ვუსურვებ წარმატებას და გამარჯვებას!

გიორგი კუთხაძე

\* \* \*

გულითად სალამს მივუძღვნი ახალ ქართულ ჟურნალს. ვუსურვებ, რომ მას განეგრძოს ქართული პრესის სახელოვანი ტრადიციები: იყოს პირუთენელი, თამამი, მეტრძოლი ქართველი ერის და კაცობრიობის საუკეთესო იდეალებისათვის. დაე, მან მალლა დაიჭიროს გონებრივი ლამპარი, რომლის ჩაქრობას ჩვენი სამშობლოს სამხრეთ მოსაზღვრე პროვინციებში ჩვენი მტრები ამაოდ ცდილობდნენ რამდენიმე საუკუნის მანძილზე.

გიორგი კუთხაძე



\* \* \*

ჩვენი ეროვნული კულტურის აკვანი ძველთაგანვე, სამხრეთ საქართველო იყო. ისტორიული ბედუკუდმართობის გამო ეს ეროვნული მთლიანობა დიდხანია რაც დაირღვა, მაგრამ საბჭოთა წყობლების წყალობით იგი კვლავ აღსდგა და შემდგომი აღორძინების გზას დაადგა. ამ აღორძინების ერთი ბრწყინვალე მანიშნებელთაგანი არის ჟურნალ „ლიტერატურული აჭარის“ შექმნა.

ვისურვებთ, ამხანაგებო, ახალსა და ახალს წარმატებებს ჩვენი მშობლიური ქართული კულტურის საკეთილდღეოდ.

ლ. ჯანაშვილი

\* \* \*

ხელოვნების ყველა მუშაკი, მთელი ქართველი ხალხი მოხარულია, რომ ბათუმში გამოსვლას იწყებს ქართული ჟურნალი „ლიტერატურული აჭარა.“

პირადად მე დიდად მახარებს ჩვენი ხალხის ცხოვრებაში მომხდარი ეს მნიშვნელოვანი კულტურული მოვლენა და სულით და გულით ვუსურვებ ახალ ჟურნალს ღირსეულად განაგრძოს ჩვენი საბჭოთა პრესის მდიდარი ტრადიციები და თავისი წვლილი შეიტანოს კომუნისტების დიად მშენებლობაში.

მ. ჯანაშვილი

\* \* \*

სულითა და გულით მივესალმები ახალი ქართული ჟურნალის — „ლიტერატურული აჭარის“ გამოსვლას, ვუსურვებ ყოფილიყოს ქართული ჟურნალისტიკის დიდი ტრადიციების ღირსეული გამგრძელებელი, მხატვრული სიმართლით აესახოს ჩვენი ადამიანების მრავალფეროვანი ცხოვრება, ყოფილიყოს ისეთივე ლამაზი, როგორცაა ის მომხიბლავი კუთხე, სადაც ეს ჟურნალი გამოდის, და შინაარსით ისეთივე მდიდარი, როგორც სული აქაური მშრომელი ადამიანებისა.

ვასილ ტყეშელაშვილი





ახალი ჟურნალის „ლიტერატურული აჭარის“ დაარსება დიდმნიშვნელოვანი მოვლენაა ჩვენი რესპუბლიკის კულტურულ ცხოვრებაში. ეს ფაქტი მოწმობს არა მარტო კომუნისტური პარტიის მუდმივ ზრუნვას ჩვენი ლიტერატურის აყვავებისათვის, არამედ მჭევრმეტყველად ლაპარაკობს საქართველოს კულტურის ძველი კერის — აჭარის იმ დიდ კულტურულ აღორძინებაზეც, რომელსაც მან ჩვენს დროში მიაღწია.

ამიერიდან ჩვენი მზიური აჭარის ნიჭიერ მწერლებს ექნებათ საკუთარი ლიტერატურული ორგანო, რომელიც ხელს შეუწყობს ჩვენი მწერლობის ზრდასა და განვითარებას, ახალი ნიჭიერი მწერლების გამოვლინებას და დაეხმარებას.

„ლიტერატურული აჭარა“ უნდა გახდეს მთელი ქართული მწერლობის მებრძოლი ჟურნალი, მის ფურცლებზე სიამოვნებით დაბეჭდავს ყველა ქართველი მწერალი თავის საუკეთესო ნაწარმოებს.

ჩუკურა ა. ზ. მ. ბ.

ჟურნალ „დროშის“ რედაქტორი



## ადიო მიჩხუნაჲჲ

### აჭარა

აჭარა! შავი ზღვის მზიურო ბაღნარო,  
მე ხშირად შენთან ვარ ფიქრით და ოცნებით,  
ოქროსფერ ხეხილით ბრწყინავ და ნარნარობ,  
შენს ბაღში მღერიან აჭარის მგოსნები.

ნობათად მიიღე ეს ლექსი მცირედი,  
მერწმუნე, შიგ ტრფობა და გრძნობა დიღია,  
შიგ შენი სახეა, შენი ზღვისპირეთი,  
წმინდაა ზღვის გული, როდესაც მშვიდია.

დაგნათის ქართული ცის ლურჯი სართული,  
მზემ სხივთა ლაშქარი ზღვას შემოაჯარა,  
ხარობდეს ეგ შენი ბაღნარიც ქართული,  
მზიურო აჭარა, საბჭოთა აჭარა!



## შკირონ ხაღვაში

### მე, ძვირფასო გზებო!

მე, ძვირფასო გზებო,  
გზებო ალვიანო!  
მინდა ყველა ლურჯი სივრცე გავიარო.  
გზისპირ, გრილოებში  
მომღერალო ღარო,  
მომამხეფე წყარო, თუ კი დავიღალაო.  
შენი ერთი წვეთიც  
ისე გამამაგრებს,  
რომ ძარღვების ჩქეფა ვიღაროდეს ჩაქრეს.  
გზებო, გზებო, რად ღირს  
ზოგჯერ ხეტიალი,  
როცა მეგობარი ქვეყნად მეტი არი.  
როცა სიყვარული  
ქვეყნად მეტი არი,  
მშვენიერო გზებო, რად ღირს ხეტიალი!  
მე რომ ბილიკებით  
გაველ ფართო გზაზე,  
მითხრეს: ეს გზა ასე გაგრძელდება ას წელს.  
და მეტკინა გული,  
რომ დაუდეს ზღვარი  
გზას, რომელიც ჩემი გასაგლელი არი.

### ამ ქვეყანაზე

ამ ქვეყანაზე მეც მიმღერია,  
რომ განთიადი იისფერია,  
რომ სიხარული ქვეყნად ბევრია,  
მაგრამ ეს მაინც არაფერია,  
სიმწრის გაგება თუ ვერ შეძელი.

• მტერზე თუ ხმალი ამიღერია,  
მეზობლის წყალი არ მიმღვრევია.  
მიყვარს სამშობლოს ქვა თუ მტვერია...  
ამ ქვეყანაზე მეც მიმღერია  
ლექსი მზისა და ლექსი ენძელის.

ჩემი საქები ყველა ერია...  
მაგრამ ქარია თუ მეწყერია,  
ქართული ზეცა ჩემი ჰერია!  
ამიტომ ვამბობ: ჩემი კერია —  
ჩემი აჰარა იყოს დღეგრძელი!

### ბაზალეთის ტბა

მე რომ დავინახე ბაზალეთის ტბა,  
ვილაც გამახსენდა,  
გული გამითბა...

დავდექი ტბასთან  
და ფირუზ წყალს  
ვუმზირე დიდხანს,  
მისგან არ წაველ.

ტბა მივამგვანე მიჯნურის თვალს,  
ლერწმები ირგვლივ —  
იმის წამწამებს.

მაგრამ...

ოცნება სიხარბეს გავს,  
და სიყვარულის სიმღერას თუ ვწერ,  
ამ ტბას დავარქმევ  
ახელილ თვალს,  
რომლითაც ქართლი  
სამყაროს უმზერს.



## მამისეული ვახსაცემლი

— ესეც ასე, — თქვა ახალგაზრდა ვაჟმა, რომელიც აგერ რამდენიმე საათია მაგიდასთან წიგნს კითხულობდა და წანაკითხიდან ადგილებს სქელ რვეულში იწერდა. — მგონია დავძლიე. — დაუმატა მან. წამოდგა, ფანჯარასთან მივიდა და გარეთ გაიხედა.

ღამდებოდა. დღის სინათლე ელნათურების ოქროსფერი შუქით იცვლებოდა. მუდამ ხმაურიან ქუჩებში მოძრაობა შენელებულიყო. სიცვიისაგან მობუზული მოქალაქენი ჩქარი ნაბიჯით მიეშურებოდნენ ბინებისაკენ.

ახალგაზრდა კარგახანს იდგა ღია ფანჯარასთან, ხარბად სუნთქავდა ახალღამდგარი ზამთრის სუსხიანსა და ჯანსად ჰაერს და მკერდგაშლილი ქალაქის ერთ-ერთ ყველაზე უკეთ განათებულ უბანს გადაცქეროდა. მაგრამ როცა სუსხმა იმატა და უეცრად ამოვარდნილი ქარი ოთახში ყაჩაღივით შემოიჭრა, ყმაწვილი უნებლიეთ შეკრთა, ფანჯარა დახურა, მობრუნდა, ელნათური ჩართო და იქვე, კედელთან მიდგმულ, უბრალოდ ალაგებულ ტახტზე წამოწვა. ცოტა ხანს დაყო ასე. შემდეგ, თითქოს რაღაც მოაგონდაო, წამოხტა, მაგიდის უჯრდან წერილი ამოიღო, გაშალა და კითხვა დაიწყო. ბარათი დედისაგან იყო. რამდენჯერმე წაეკითხა უკვე, მაგრამ ასეთი მარტოობის დროს მუდამ მას მიმართავდა ხოლმე. მისთვის მუდამ სასურველი და საამო იყო ამ წერილის გადაკითხვა. დედის ხელნაწერით იგი მშობლის კეთილ სახეს ხედავდა, მისი ხმა ესმოდა, მის ალერსსა და სიახლოვეს გრძნობდა.

ეს პირველი ბარათი იყო, რომელიც სტუდენტობის პერიოდში ექვსი წერილის პასუხად მიეღო და, ალბათ, ამიტომ უფრო საყვარელი და სასურველი. შვილის გაგზავნილ ექვსივე წერილზე იძლიოდა დედა მოფიქრებულსა და მშობლიური სიყვარულით აღსავსე პასუხს.

„შვილო არსენ, — ასე იწყებოდა წერილი. — მადლობელი ვარ, რომ ხშირად მწერ წერილებს და შენს ამბავს მატყობინებ. თუ მე დროზე და ყველაზე ცალცალკე ვერ გიპასუხე, ნუ გეწყინება. ხომ იცი, ხელმარტო აღმიაწინის მდგომარეობა. ჩემს ჯანმრთელობას კითხულობ, კარგად ვარ, შვილო. შენი ძმებიც კარგად არიან. თქვენნი კარგად ყოფნა და მომავლის იმედი მასულდგმულებს და ძალ-ღონით მავსებს. ბავშვები კარგად სწავლობენ, ზე-

დიზედ ფრიადები მიიღეს. თუ შენც იყოჩაღებ და კარგად ისწავლი, მიიღებ ბედნიერი ვიქნები. ოქტომბრის დღესასწაულზე შენს ამხანაგებთან შენც მსგავსი გელოდი და რომ ვერ ჩამოდი, გული დამწყდა, მაგრამ არ მწყენია. შენც ვიცი ჩამოუსვლელობის მიზეზი. არა უშავს, სხვა დროს მოვესწრებით ერთმანეთის ნახვასა და მოსიყვარულებას. ბედნიერი ხარ, რომ უმაღლესში მოეწყვე. წარჩინებითაც სწავლობ, იმოდენა სტიპენდიაც გქონია, რომ თავს ინახავ. ეს დიდი დახმარება და ბედნიერებაა, შვილო, ჩვენთვის.“

ამ სიტყვებს მზრუნველის ალერსიანი დარიგებაც ახლდა და გამამხნევებელი იმედიც. ბოლოს მიწერილი ჰქონდა მოკითხვები ნაცნობ-მეგობრებისაგან და უამრავი კონცა.

ამ წერილის წაკითხვა მუდამ ნაღვლიანს ხდიდა არსენს, თავისი ოჯახის სურათს უშლიდა თვალწინ, ზოგჯერ ცრემლებსაც ჰგვრიდა, მაგრამ ამ ნაღველსა და ცრემლებს ერთგვარი კმაყოფილებაც მოყვებოდა ხოლმე. მართალია, ზოგჯერ ნათელი და გაბრწყინებული სახე დაუმწუხრდებოდა, გული დაეწვებოდა, მაგრამ ეს მხოლოდ დროებით. იგი სრულიად არ ამცირებდა მის შემოქმედებით უნარსა და ენერგიას. პირიქით, უფრო ბეჯითი და მონღომებული ხდებოდა. დედის ნაღვლიანი, მაგრამ ამავე დროს იმედიანი სიტყვებით წაქეზებული უფრო ადვილად ახერხებდა საკმაოდ ძნელი საგნების მომზადებასა და ათვისებას.

არსენი დედისა და ორი უმცროსი ძმის ამარა იყო. როცა სამამულო ომის ფრონტიდან მამის გამირულად დაღუპვის ამბავი მოვიდა, იგი მეშვიდე კლასში სწავლობდა, ძმები კიდევ უფრო პატარები იყვნენ და დედის კალთას ვერ სცილდებოდნენ.

ნათქვამია, ცალი ხარი უღელს ვერ გასწევსო, მაგრამ არსენის დედამ — ელენემ იკისრა ამ შეუძლებელი საქმის გაკეთება. ნაძალადევად შეიშრო ცრემლი, ოხვრა-გოდება შვილების თვალ-ყურს გადაუშალა, იმედიანი და მხნე სახე მიიღო, სამსახურში მოეწყო და მთავრობისა და გულკეთილი ადამიანების დახმარებითა და ხელის შეწყობით ოჯახის მოვლასა და შვილების აღზრდას შეუდგა.

შრომას უნაყოფოდ არ ჩაუვლია. მართალია, ოჯახს დიდი არაფერი შეუძენია, მაგრამ სამი პატარა ვაჟი წამოიზარდა, ფეხზე დადგა და მოლონიერდა. ეს ყველაზე ძვირფასი განძი იყო ელენესა და მისი ოჯახისათვის.

არსენმა დაამთავრა საშუალო სკოლა. მართალია, მედალი არ მიუღია, მაგრამ უმაღლესში მისაღები გამოცდები წარჩინებით ჩააბარა და პირველი თვიდანვე სტიპენდია დაენიშნა.

ასრულდა ელენეს ეს პირველი ნატვრა.

— როგორმე უნდა ეპატრონო, შვილო, თავს, — უთხრა მან გაცილები-სას შვილს. — მე აქ ყველაფერს მივიკლებ და შენ მოგაწვდი, მაგრამ...

რალაც კიდევ უნდა ეთქვა, მაგრამ არსენმა შეაწყვეტინა.

— არა, დედაჩემო, მე შენ არას გთხოვ, გარდა იმისა, რომ ჯანმრთელობას გაუფრთხილდე და ამათ მიხედო, — უმცროს ძმებზე ანიშნა. — ჩემთვის ყველაზე დიდი დახმარება და იმედი ეს იქნება, — ამ სიტყვებით იგი დედას გამოეთხოვა.

ეს იყო რამდენიმე თვის წინათ, მაშინ, როცა ბათუმის სადგურში

თბილისის მატარებელი მხიარულად აყრიამულელებული სტუდენტები  
 ფეხ-  
 ბოლა.  
 მას შემდეგ არ უნახავს არსენს დედა და უმცროსი ძმები, მაგრამ მათზე  
 ფიქრი არ მოშორებია. ახლაც, როცა დედის წერილს მეოცეჯერ მაინც კით-  
 ხულობს, თვალწინ მისი ოჯახის ის მწუხრი დღეები ეშლება, რომლებიც მამის  
 დაკარგვის შემდეგ გამოიარა. მართალია, ამ ხნის განმავლობაში მას საზ-  
 რდო არ მიჰკლებია, რიგიანად ეცვა, ტოლმეგობართაგანაც არ გამოთიშულა,  
 მაგრამ დედის სახეზე აღბეჭდილი მწუხარება და მოპარული ოხვრა-ნაღველი  
 მგრძნობიარე ახალგაზრდის გულს ასევდიანებდა. რამდენჯერ შესწრებია იგი  
 დედას ცრემლებად დაღვრილს, რამდენჯერ უნახავს ქმრის ნაქონ ტანსაცმელ-  
 თან ჩამკდარი და მოტირალი. მართალია, ელენე ამას ჩუმად, ქურდულად,  
 შვილებისაგან მოფარებულად აკეთებდა, მაგრამ ყოველთვის როდი ხერხდე-  
 ბოდა მოზღვავებული სევდის დაფარვა.



ნახატი ნ. ოსკანოვისა.

ერთხელ არსენი სწორედ იმ დროს წაადგა დედას თავს, როცა იგი ქმრის  
 ახალ ფეხსაცმლებს გულში იკრავდა, ქვითინებდა და კოცნიდა. ეს იყო ყვე-  
 ლაზე ძლიერი და გულის დამწველი სურათი, რომელიც არსენს თავის სი-  
 ცოცხლეში უნახავს. ის იმავე წამს შეუმჩნეველად მოშორდა იქაურობას და  
 დედა თავის ნაღველთან მარტო დატოვა, მაგრამ იმ სურათისაგან გულში  
 აღბეჭდილი სიმწვავე ვერ მოიცილა, ვერსად დატოვა და, ფიქრობს, ვერც  
 შეძლებს ამას.

ფიქრებითა და მოგონებებით დატვირთულ ჭაბუკს, ალბათ, დაძლევდა მწარე ნაღველი, მაგრამ არ მიჰყვა მას. სწრაფად წამოხტა, დედის თავის ადგილას შეინახა, ნაღველი სძლია და საქმეს მოჰკიდა ხელი. დააუთოვა შარვალი, პიჯაკს შეწყვეტილი დილი დააკერა, წინდები ამოიღო და შემდეგ ფეხსაცმლებს მიხედა. ეს უკანასკნელი ვერ ამხნევებდა მის პატრონს. მეტად ცუდ დღეში იყო განსაკუთრებით ცალი ფეხსაცმელი. არსენის გამოცდილება და მის განკარგულებაში არსებული იარაღი და მასალა საქმეს ვერ უშველიდა, მაგრამ ჭაბუკს თავის გადაწყვეტილებაზე ხელი არ აუღია. ასე იყო თუ ისე, ფეხსაცმელი შეაკეთა, აქა-იქ დამჩნეული თეთრი ძაფი გააშავა, შემდეგ მთლიანად ვაქსით გაწმინდა და ტახტის ქვეშ შეაწყო.

— არა უშავს, — იმედიანად თქვა მან, — სტიპენდიის მიღებამდე როგორმე მივიტან, შემდეგ კი ახალთახალს შევიძენ, — სტუდენტი საესებით იმედიანი და კმაყოფილი იყო.

არსენი დასაწოლად ემზადებოდა, კარი რომ გაიღო და ოთახში ჩანთებითა და კალათებით დატვირთული ახალგაზრდა შემოვიდა.

— ოო, მადლობა ღმერთს, გელირსა მოსვლა, — მიეგება მოსულს არსენი. — სადა ხარ, ბიჭო, ამიენხანს? ხომ მშვიდობაა? — ზურგზე მოკიდებული ჩანთა მოხსნა და კალათი ჩამოართვა.

— რასაკვირველია, — მოკლედ მიუგო ახალმოსულმა. — მშვიდობა რომ არ იყოს, ასე ჯორკიდულით ვინ გამომიშვებდა. უჰ, გავწყდი წილში. ვისაც კი სტუდენტი ჰყავს ამ ქალაქში, ყველამ თითო მოკრული გამომატანა. წამიღე, ნენა, დამავალე, სადგურზე დაგხვდება, მასთან ბინაზე მისვლა არ მოგიწევს. არ შეგჭამოს ჭირმა, სადგურში კაკალი კაცი არ დამხვედრია. ძლივძლივობით მოვათრიე. აჰა, ეს კალათი გამომართვი, დეიდა ელენემ რაღაცები გამოგიგზავნა.

— დედამ? — მოუფიქრებლად ჰკითხა არსენმა.

— არა, ბიჭო, ბებიაშენის ძროხის მოზიარემ. აბა რომელი დეიდა ელენე გამოგიგზავნიდა ასეთ ძღვენს?

არსენს თავისი შეკითხვის უსაფუძვლობაზე გაელიმა.

— როგორ არიან? — გამოასწორა შეცდომა მან.

— ძალიან კარგად, — მიუგო ამხანაგმა. — დეიდა ელენემ რომ გაიგო, მე და შენ ერთ ბინაში ვცხოვრობთ, სიხარულით ცას ეწია... საინტერესო ლექციები გქონდათ? კი არ მინდოდა გამეცდინა, მაგრამ ცოტათი უჩქითოდ ვიყავი... თუმცა, სულ ცოდილო, მარტო ეს არ ყოფილა დავვიანების მიზეზი.

— ქალიშვილებთან სეირნობაში გაერთობოდი, — არსენმა კალათს თავზე შემოკრული საფარი მოხსნა და შიგ ჩაწყობილის ამოლაგებას შეუდგა. ამოიღო მრგვალად მოხარშული დედალი, რამდენიმე ხაჭაპური, ყველი, ერთი ბოთლი ტყემალი, ცოტაოდენი ხილი და, ბოლოს, ქაღალდში შეხვიული და ზონარში მოჭერილი რაღაც ნივთი.

„ეს რაღა უნდა იყოს!“ — გაიფიქრა მან და შეხვიული ნივთი გახსნა.

— ფეხსაცმლები! — უნებლიეთ შესძახა მან და ხელები გაუშეშდა.

— ჰო, — დაუდასტურა ახალმოსულმა. — მე გუთხარი დეიდა ელენის, არ-ჩენს ფეხსაცმლები გაუცვდა-მეთქი და გამოგიგზავნა.





— მხეცო, გადარეულო! — აენტო არსენი. — ვინ გთხოვა? ღმერთო ჩემო, ეს რა ჩაგიდენია, რა გაგიკეთებია! — და არსენს თვალებში ეცეხლი მოაწვა.

— რა იყო?! რა მოხდა, ბიჭო, ასეთი?! — გაკვირვებით შეაჩერდა თვალებში ამხანაგი. — მე კარგი საქმე გაგიკეთე მგონია და შენ... ბიჭო, ხომ გახსოვს, ფეხსაცმლის უქონლობის გამო ციალას დღეობაზე რომ ვერ წამოდი? მაშინ შენს მაგივრად ისე დამწყდა გული, რომ, დედას ვფიცავ, თუელი რომ მქონოდა, გავიქეოდი და გიყილდი. ჩემი არ მოგერგებოდა, თორემ არ დავიშურებდი. მე დავრჩებოდი და შენ გაგიშვებდი... მერე, შენ რომ არ მოხვეიდი, როგორ იწყინა საბრალო გოგოს!

— ჯანდაბას მისი თავი! — უფრო აუწია ხმას არსენმა. — შენი თავიც ჯანდაბას! სულელო, ბრიყვო...

ახალმოსულმა მხრები აიჩეჩა.

— გაგიკებულა ეს კაცო! ბიჭო, შენ ჰკუთხე ხარ, თუ აფრენ ცოტას? რომ მომდექი თა მაგინებ, ერთი მითხარი. რა დაგიშავე?! ამდენი ტვირთის თრეკით წელი მომწყდა და ახლა, თუ ყველამ ასე მლანძღა და მაგინა, კარგი ამბავია! საკვირველია, მე და ჩემმა ღმერთმა, კაცს ოჯახის ამბავი გაგაგებინე, ფეხსაცმლები მოვუტანე ...

— მერე, იცი ვისია ეს ფეხსაცმლები? — შეაწყვეტინა სიტყვა არსენმა.

— აბა ეს რა ვიცი, — უპასუხა ამხანაგმა. — დედაშენმა გამომატანა. მოპარული რომ არ იქნება, ცხადია.

— მოპარული! მოპარული! მოპარული კი არა, ეს ერთადერთი ნივთია, რომელიც საბრალო დედაჩემს ქმრის სამახსოვროდ ჰქონდა შემონახული! გესმის შენ თუ არა? ესენი მამაჩემის ფეხსაცმლებია! — და არსენს ორივე ხელი მიმოკვეთილივით ჩამოუვარდა.

— მამაშენის? — თითქოს სინანულით წარმოთქვა ახალგაზრდამ. — აბა ეს საიდან მეცოდინებოდა! — და ამხანაგის ნაღვლიან სახეს რომ შეხედა, შეიბრალა. — არსენ, მოდი, შევეურიგდეთ ამ ამბავს. აქ ცუდი არაფერია. დეიდა ელენეს ქმრის სამახსოვროდ მისი ფეხსაცმლები შემოუუნახავს. ალბათ, მას ბევრჯერ ამოჟლია ისინი და ცრემლებით დაუსველებია. უთუოდ დიდხანს გერც მოიშლიდა ამას. მოდი, ბოლო მოგულოთ მისი ცრემლების ღვრას, გადავიჩვიოთ...

— რას ამბობ. ბიჭო? — შეუტია არსენმა. — მისთვის ძვირფასი და საყვარელი ადამიანის მოგონება და სიყვარული...

— შვილებზე გადმოიტანოს, — არ დაამთავრებინა სიტყვა ამხანაგმა. — განა შენ და შენი ძმები ურიგო ძეგლი და სახსოვარი ხარო მამათქვენის სახელის უკვთავსაყოფად?!

არსენი ჩაფიქრდა...

— შენ მართალი ხარ, — ხანგრძლივი სიჩუმის შემდეგ თქვა მან. — მაპატიე. დაი მატაროს მამისეულმა ფეხსაცმლებმა მამისეული გმირობისა და გამარჯვების გზით! — დაუმატა მან და ამხანაგს ვადაეხვია.



## ნესვორ მაღაზონი

### ჩემი სოფელი მამათი

0097

მანქანამ გადაიქროლა  
ლაშისლეღე და შუხუთი,  
სოფლები მირბი-მორბიან  
კრიმანჭულით და უბუთი.

ნისლის ფთილები მოსდევენ  
დიდმოხვეულს და სასირეს,  
შარაზე ჩამოიმუხლეს  
და მთებზე გადმომაცილეს.

ხევ-ხევ და მწვანე სერებზე  
ბალში დაცურდა აცანა,  
ბორცვმა ბორცვები შეცვალა,  
მოხედვაც აღარ მაცალა.

სოფელი ხელში ჩამადნა  
კლდის და ჩანჩქერის კამათში  
და ისარივით  
შარაგზა  
ჯიქურ შეიჭრა მამათში.

მამათი! ჩემი სოფელი,  
წინათ ცნობილი ციებით,  
დღეს — ელექტრონით, ფაბრიკით  
და ჩაის პლანტაციებით.

აქ ქოხი იდგა, ახლა კი  
სკოლა დგას მთაზე მაღალი.  
აქ ფაცხა იდგა, ახლა კი  
ოდა დგას ქვის და ახალი.

აქ გვიმრა იყო, ახლა კი  
ირგვლივ ნარინჯი შრიალებს.  
აქ ხრამი იყო, ახლა კი  
მანქანა მიმასრიალებს...

დაბოლოს,  
გზა უტეიო,  
კრუხმა ჭუქს ჩაუნისკარტა,  
და ფეხშიშველი ბავშვობა  
მოღზე შემომხვდა ჭიშკართან.

### მე და მერცხალი

გაფრინდი, შავო მერცხალო.

ხალხური.

სდუმს ჩემი სახლი, თითქოს შემწყვრალი,  
კიბესთან წყდება ბილიკი მრუდე.  
დღეს აქ მოვიდით მე და მერცხალი,  
მოვინახულეთ მოზობლების ბუდე.



მერცხალს, მოფრენილს შორი ქვეყნიდან,  
არ შეხვედრიან გულფრთავაშლილი,  
და არც ჩემს მშობელს დაუკვიხნია,  
რომ ქალაქიდან ესტუმრა შვილი.

უკვე ოჯახებს არ ჰყავთ მოთავე:  
მე აქ დავკარგი,  
მან — ცხრა მთას იქით!  
და მე ვიგრძენი,  
რომ ჩვენ ორივემ  
ერთი ტკივილით დავძარით ფიქრი...

მერე ნაღველი შვებამ შეცვალა,  
მზით და ღიმილით აივსო ეზო.  
მიწა დავკოცნეთ მე და მერცხალმა  
ჩვენი ბავშვობის სასპარეზო.

## სად გოგმანობ

ვისი მზე ხარ, ვისი მთვარე,  
ვის უბეში გძინავს ღამე?

ხალხური.

იმ კორტოხზე სხვა სახლია,  
სხვა ჭიშკარი, ბაღი, ბაღჩა,  
მაგრამ სახლთან რომ ცაცხვია,  
როგორც იყო, ისე დარჩა:

ქვეშ ნოხივით კოინდარი,  
ჩრდილი, სიო, წაბლის ძელი...  
მხოლოდ ერთი არსად არი —  
არ ჩანს გოგო — მასპინძელი.

— სად გოგმანობ, ჩემო გოგოვ?  
ხომ არ დასდევ ისევ პეპლებს?  
მე მოვხუცდი...  
მერე როგორ  
გავჰალარდი — დავიფერფლე!

მაგრამ მასხოვს თვალთა სხივი,  
ჟოლოსფერი კაბა, ჟღალი,  
და კვლავ გულში ცეცხლი ღვივის,  
როგორც ფერფლში ნაკვერჩხალი.



ლევან გოთია

## კულალა ზაქი

...როცა მაჩუჩა ბიჭს უთხრეს, დღესაც სოფლის ნახირი უნდა მწყემსო, არ შეშინებია მას. თუმცა საბაბი კი ჰქონდა. სოფლის მენახირე სოსია, გასულ კვირას ჯოგის ნასხლეთთან ერთად მოიტაცეს ლეკებმა. მაჩუჩა ბიჭმა თავად ნახა, როგორ ვიშ-ვიშით და თმების წეწვით შეეგება სოსიას დედა — საბედო, ხელცარიელად მობრუნებულ მდეგრებს.

მისი კვილი სოფლის კიდეს წვდებოდა.

უბედური დედა სოფელში აღარ გამოჰყოლია ხალხს. სოსიას მომდევნო წვრილ-შვილიც დაითხოვა... დადინჯებული გლოვისათვის სად ეცალა ქვრივ-ოხერს, დამფრთხალ-დაფანტულ ნახირს მიაშურა.

თავისი ძროხის ძებნას შეუდგა.

გვიან საღამოს პირს მობრუნდა სოფელში — ძროხა ეპოვნა.

სოფლის წყაროსთან რომ ჩამოიარა, მაჩუჩამ და მისმა ტოლმა გოგობიჭებმა უმალ შეამჩნიეს — საბედოს კაბა უკვე გადაებრუნებინა, „პირ-უკულმა“ ეცვა!\* ისედაც ხეულ-ნაკერი კაბის უკუპირი სულ კონკებად გამოსჩანდა.

...შიშის საბაბი კი ჰქონდა მაჩუჩას, მაგრამ იგი ჯერ თორმეტი წლისა არ იყო... ხოლო როგორც ოქრო-პაპა იტყოდა, აზრიანი შიში თორმეტი წლიდან იწყებოდა.

გარდა ამისა, გრემში ბაზრობაზე ყოფნამ და განსაკუთრებით სოფლის თოფის ყიდვამ ბალღური სიამაყით აავსო ბიჭი, თითქოს შიშიც დაუკარგა.

მაჩუჩას გაეხარდა კიდევაც „სოფლის დავალება“, მწყემსობისას გულს იჯერებდა სტვირზე დაკვრით.

მას საოცრად უყვარდა სტვირი და სალაშური. გვარში გამოჰყოლოდა ნიჭი, ხოლო ამ ლეკიანობის დროს სოფელში აღარავის ესტვირებოდა. გადავარდა ლხინი და ტაშ-ფანდურა. ჭირში გულჩათხრობილი იყო სოფელი. მამაკაცები სულ იარაღში ისხდნენ. სოფლის თავში და გზა-ყელეებში რიგ-რიგად დარაჯობდნენ ლეკ-თარეშს. ქალებს ჰაპანწყვეტა ჰქონდათ, საბოსტნეებში ბორიალობდნენ. სოფელში წვრილფეხობა და მოხუცები გასახიზნად მოვარაუდებულ ბარხანას დარაჯობდნენ.

დღედღეზე დიდ თარეშს ელოდნენ.

\* ტყვედწაყვანილის კირისუფალი პირუტყულმა ატარებდა კაბას თავისიანის გამოსყიდვამდე.



ასე ფრთაშემოლილად შრომობდა და ცხოვრობდა სოფელი.

...ჰო და მაჩუჩას არც ყანა ჰქონდა მოსავლელი. არც ქონება ჰქონდა და სალამურის ანაბარა იყო. ალბათ, ამიტომ სოფელში მუცხასკლად ქონ-სალამურას ეძახდნენ.

ამ ხანად ნახირს ყველაზე უშიშარ ადგილას, ალაზნის მოსაბრუნებში აბალახებდნენ. არც შორს იყო სოფლიდან და არც მოსალოდნელი იყო აქეთ მხრიდან მტრის გამოჩენა.

— ბიჭო! მაინცდამაინც, თვალი გეჭიროს გაღმა მხარეზე. ეშმაკმა იცის! აბა, იცოდნე საომარი საგუშუგოა! — დაყვავებით არიგებდა მას ოქრო-პაპა... — არ შეშინდე კია! მეველეც ახლო იქნება... თოფი აქვს... თუ გაწყრა ღმერთი, ხმა მოგვეცი! სტივრ-სალამურს კარგად უკრავ, ამ საყვირსაც ამოალე-ბინებ ენას, — და განცვიფრებულ ქონ-სალამურას სოფლის ღოროტოტო გაუწოდა.

— ღოროტოტო? შეეძლებ მაშ არა?! — გახარებული მიეტანა. ორივე ხელით სწვდა სპილენძის ვეება საყვირს. დახარბებული ტუჩები მიუბჯინა დილამზის სხივზე მოლაპლაპე ლითონს.

— ბიჭო! ტყუილ-უბრალოდ არ დააძახებინო! შიშიანობაა! სოფელი არ აშალო! — ოქრო-პაპამ ღოროტოტო ძირგავარდნილ გუდაში აღმა-ყირად გაუყარა და ზურგზე მოჰკიდა.

— აბა მშვიდობით იარე, მიწაზე არ ათრიო საყვირი — სოფლის ქონებაა! — ბიჭი დადინჯებულად უსმენდა სოფლის უხუცესს, ხუმრობა ხომ არაა, ოქრო-პაპა როგორც თანატოლს ისე ესაუბრებოდა მას.

წელშიც კი გაიმართა ობლობით დაჩაგრული, ჯუჯად ვარჩენილი ბიჭი. ჰალზე მოზიდულ წელ-ხერხემალზე საყვირის ლითონის წონა-სიმკვრივეს გრძნობდა და ჯერ უცნობი, განუცდელი სიამაყის ტბილ-ღიტინი ეუფლებოდა. აკი მთელი სოფლის „ხმა და ქონება“ ზურგზე ეკიდა მას!

ამ წარჩინების გარდა, ამჟამად ყველაფერი დაავიწყდა: ლეკიანობა, ნახირი, ოქრო-პაპა, თავისი გაუხარებელი ობლობა.

ახლა იგი ყბად აღებული ქონ-სალამურა კი არ იყო, არამედ სოფლის ღოროტოტოს მფლობელი...

— არიქა! წავვივიდა ნახირი! — უეცრად წაუბიძგა ოქრო-პაპამ და გაფხორილი მოზარდი ისევ „ბაღლობაში“ მოაბრუნა.

მართლაც, ნახირი უკვე გასცილებოდა სოფელს.

მაჩუჩამ ბერიაკის მოწოდებული კუტი პური ჩაიგორა უბეში და ქუდ-მოშვლებილი დაიტიშა ნახირისაკენ.

უკან წკავწკავა ყეფით აედევნა გიშერა.

— თუ დაინახო ლეკები.. ბიჭო... არ შეშინდე... ხმა მოგვეცი, იქ გაჩნდება მთელი სოფელი!.. ნახირია..!

მეტი არაფერი გაუგონია მენახირეს. ჯერ ძროხები შემოაბრუნა, ალაზნისაკენ გაირეკა. მერმე სოფლის განაპირას ლაფში ჩაწოლილ კამეჩებს მიუბრუნდა...

ზეწამოლალა, გზას გაუყენა, ენაძარღვიანი შექაჩილით უვლიდა ხან თავს, ხან ბოლოს.

უკვე კარგა შორს იყო სოფლიდან, როცა შეამჩნია ნინიკანთ ფურკამეჩს ზაპი გამოჰყოლოდა.



— დაპნე ამ კულალასა!? — სოფელს გაპხედა, შემობრუნებული გვიან იყო... გუნებაში გაეხარდა კიდევაც.

მას ძალიან უყვარდა ზაქები. ნინიკანთ ზაქი კი მართლაც მოსალხენი სანახავი იყო.... გათქვირებული და შავ-ნაცარა, მიამიტი თვალ-ბურთულა, წინ გადმოჩაჩრული ყურებით.

განსაკუთრებით კი ეს ზაქი სოფლის ბიჭებს შორის ცნობილი იყო მგლის მოკმული კუდით. მოკლე-ლა შერჩენოდა და მუდამ თხასავით უქიცინებდა.

— ჰო და, რა ჩემი ბრალია?! გამოგწოვს მა რა იქნება?! — „გაესაუბრა“ ფურ-კამეჩს ბიჭი და ზაქს ხელი მოჰხვია.

გაქირით გაუსხლტდა ზაქი და ოკრო-ბოკროდ აედევნა ფურს.

...ვიდრე ნახირი ფერდობს ჩაიბალახებდა, მაჩუჩამ თასმაზე გამომბმული სალამური მოიმარჯვა. ცქაფად აათამაშა მოქნილი თითები და „შომიას კილო“ გამოაღებინა.

მემრე მარტოობა იგრძნო. შაირები მოსთვალა ხმამაღლა... ბევრი იცოდა. თავის თავს ეშაირებოდა კარგა ხანს. თან გაღმა მხარს უმზერდა... არა, კი არ ეშინოდა... ფრთხილობდა! აკი დიდი მოვალეობა დააკისრეს... როგორა თქვა ოქრო-პაპამა, „ნახირიო!! „სომარი საგუშაგოო!“ „სოფელი უბრალოდ არ აშალოო!“ მაშა მას, მაჩუჩა ბიჭს, შეუძლია ერთი ჩაბერვით მთელი სოფლის აშლა!

— ყარამანი ცყოფილვარ! სოფლის ბედ-იღბალი მამარია!—ხმამაღლა ფიქრობდა იგი. — უჰ, შენ კი გაპქრი! კულალა ზაქს დამიხედეთ, რეებს ჩადის?— და ჭაბუკის ბურძგლა ქოჩრის ქვეშ ოქრო-პაპას მიერ დალაგებულ ფიქრებს ზაქის მოკვენტილი კუდი ისევ კვიმატად ურევდა.

ყანის პირებს რომ ჩაუთარა, ახლა „მწყერის კილო“ მოაყოლა სალამურზე, ხოლო მაყვლიანში „ხოხბის კილოზე“ უნაცვლა... საერთოდ მის წარმოდგენაში ყოველ ფუძეს თავისი ანგელოსი ჰყავდა და ყოველ ადგილს თავისი კილო ჰქონდა... ჰო და... კილოს ოსტატიც ხომ იგი იყო... მისად ჰგრძნობდა ბურთსა და მოედანს.

ეს „გადმამხრული“ ავმოლოდინი ოდნავ უშლიდა სულ ერთიანად გაღალღებოს..

...არა სრულიადაც არ ეშინოდა... „ჰო და რათაო?! ავერ არა აქვს „საყვირი ღოროტოტოი!“

...სალამურიან ხელს უკან იბრუნებდა, გუდას მიუთაკუნებდა „კიდევ ერთხელ“ დასარწმუნებლად... ისე დააქუხებს რომაი! „დიდოეთში დაწიოკდეს დიდ-პატარა!“...

რამდენჯერ შეხვეწენია კაკა-მეველეს, თითო ჩაბერვაზე თითო კონა ფიჩხიც კი მოუტანა... მემრე კი ტოლ-ბიჭებში, კოჭაობის დროს, ჩაუტრახანია: — ჰაი დედასა! ავეთი ხმა გამოვალდებინე... გომბორზე აიშალა ქილყვაევი, მაშა-მაშა! — ჩაბოხებული ხმით ჩაუდასტურებდა განცვიფრებულ ბავშვებს... და იმ წუთს თავადაც სჯეროდა... „აიშლებოდა მა რა იქნებოდა?!“

... ჰო და, ალაზნის პირას რომ ჩავიდა ნახირი, კოდმის ჩეროში მიჯდა მაჩუჩა და გუდა გადმოიღო... მოზომა საყვირი... ბევრი ეფერა, ბევრი ელოლიავა, დაეტოლა კიდევაც.

„შვიდი სალამურის სიგრძე ყოფილა! ღოროტოტომ მაჯობა სიმაღლეში... მაგრამ სისქეში მე ვჭარბობ!“ — თავი ინუგეშა ბიჭმა.



განსაკუთრებით გაეხარდა, როცა თავისი მრუდედ გაბადრული კუნჭული შენიშნა სპილენძის კრიალა პირზე... თითქოს ღინღლის ნიშანიც შენიშნა ჩნია თავის საულვაშეს. ბოლოს ტუჩიც მოუზმანა სანუკვარი სტვირის სატუჩეს.

— არა, ერთი რომ ჩაიბეროს რა იქნება, ჰა? — მესამეჯერ ეკითხებოდა თავის თავსა და უმაღვე ცივ უარს ეუბნებოდა.

— არა! როგორ იქნება!! სოფელი აიშლება!! ომის ამბავია! — და ბრაზ-მორეული უმატებდა:— აბა, ტყუილ-უბრალოდ როგორ შეიძლება? — თან ქვეშ-ქვეშ ალაზანგაღმა იხედებოდა...

— ხომ არ მოდიან წყეულები?? — ამ წუთს იქნებ უნდოდა კიდევაც მაჩუჩა ბიქს „იმ წყეულების“ გამოჩენა...

გაღმა კი სრული სიჩუმე სუფევდა... უღრანი ქალა შორიახლო მოსდგომოდა ნაპირს... უფრო ახლოს კი რიყეშეპარული ჩალიანი მწყობრად არხევდა ყვიცაკარულ კენწეროებს.

...ვინ იცის რამდენხანს გაგრძელდებოდა, ან რით დასრულდებოდა მაჩუჩას თავიდილი... ცდუნებისაგან ისევ კამეჩებმა იხსნეს... ჯოგად შეტოპეს ალაზანში. შეატბორეს მდინარე. მათი ნაცარ-შავფერა ზურგები ვეებერთელა ლოდებივით ამოიტვიფრნენ ალაზნის დაღლუეებულ სარკეზე.

შეძლებული სოფელი იყო ქედი... საქონელიც ჯიშინი მოსდგამდა... განსაკუთრებით კამეჩებით იყო ცნობილი... ჰოდა, ორასიოდ კამეჩი უფრო ძრავლად გამოჩნდა მდინარეში შესული. მუშა საქონელიც აქ იყო, გუთნეულებიც ვერ ჩაებათ შიშინანობის გამო...

— გაღმა არ გავიდნენ! — შეშინდა მენახირე, გულა-საყვირი ისევ ზურგზე მოიგდო და „ხიო-ხიოს“ ძახილით წყალს მიაშურა. კამეჩებმა ნაპირის ბექობს წყალ-წყალ ამოუარეს და ჩრდილდაკრულ ტბორში ჩაწვნენ.

მჩვენებებივით შთაინთქნენ მდინარეში... მხოლოდ მოპრავი ყურები და მოშოშვლებული რქები უცნაურ ხერგებად გამოსჩანდნენ წყლის ზედაპირზე...

მაჩუჩაც დაწყნარდა. გამობრუნდა, ბექობის თავზე გარინდებულ ფურკანეჩს მიაშურა... უფრო მის ზაქს, რომელიც მოკვნიტილი კუდის ქიციხით და ჯიქანში ჩაკედომით სწოვდა.

— აკი ვიძახდი? — ჩაიქნია ხელი მწყემსმა, — ჰო და, გაამოს!.. ალალი ფურის ძუძუში მაინც გაიხარე უკუდომ! — ახლა ძაღლს მიუბრუნდა, რომელიც აბეზარ კოლოებსა და რწყილებს ეღრინებოდა.

— გიშერა! — კუტი პური ვასტეხა და შენაცრული ქერქი ძაღლს მიუგდო, თავად პანტის ძირში მიჯდა და წაიხეშა.

...გაღმა მხრიდან საამო სიო მოჰქროდა, შუბლზე ჩამოშლილ ხუჭუქს ოდნავ ულოლიავებდა და ადრედაობლებულს საღდაც ბალღური მეხსიერების კუნჭულში შეკდეულ დედის ალერსს აგონებდა, გულმინაბულ სიამესა ჰგვრიდა. აი, ასე მიჰხუტავდა თვალებს და დედის კალთაში ჩარგავდა თავს. არა, რა თქმა უნდა, არ დაიძინებს!! ისე, თვალს მოიტყუებს მხოლოდ, ობლის ფექრს გადაყოლებს გულის ხმას... მაგრამ ვგონებ... თვალმა მთატყუა... ასევე გულამოკიდებული და მიმჯდარი ნება-ნება გაინაბა და მშვიდი ფშვინვა ამოუშვა.

...რამდენხანს ეძინა არ იცის. ვერც მოისაზრა, რამ გააღვიძა. გიშერა ისევ იღრინებოდა და მოუსვენრად ტოკავდა. დიდკატურად შეწყრა მაჩუჩა.



— გადი ძაღლო! რა ფეხებში მებორკები? ეცი ტურას!

ვიშერამ ხმადაბალი ყეფით მიაშურა ნაპირს. ავად ენიშნა მსჩქრძმუყუყ-  
ლის ნახტომი... ზეწამოიჭრა და გაჰხედა მდინარეს... გაღმა ჩალიანს რი-  
ყეზე ათიოდე ცხენოსანი შენიშნა. მდინარისაკენ ეშურებოდნენ.

— ცხენებიო?! — გულმა ბავა-ბუგი დაუწყო.

— ჩვენებია! სად ყოფილან?! — გული დაიმშვიდა, მაგრამ ვერც თუ  
დაირწმუნა, ხოლო როცა ჩალიანიდან ჯარად გამოიჭრნენ ახალ-ახალი წო-  
წოლა ბუხრისქედებიანი ცხენოსნები, უმალ მიხვდა.

...მიხვდა და შეშინდა... შეშინდა და დაიბნა... ენა სსასს აეკრა, გამტერე-  
ბული თვალებით გაღმა ჩალიანს მიებორკა.

— ლეკები! ლეკები! ლეკები! — უაზროდ, სხაპასტუპით ჩიფჩიფებდა...  
მაგრამ როგორ უნდა მოქცეულიყო, რა უნდა ეღონა... ყველაფერი გაუვარ-  
და ზარდაცემულ თავიდან. როგორც ფიქრის ნაგერალა, აწვალებდა გა-  
ურკვეველი სურვილი — რაღაც უნდა მოემოქმედა... დიდი... სავაჟაკო, მა-  
გრამ თავს სრულიად ვეღარ გრძნობდა ჭაბუკი... იქნებ ლეკებმა მოსტრეს  
უკვე?!  
„მოსტრესო“ წვივებში და ლაჯებში დაურბინა სუსხმა... ფეხები თავად  
გაიქცნენ და თანდათან ისე ანაზღად, თითქოს სრულიად მოწყვეტას ლამობ-  
დნენ აბნეული სხეულიდან. ზაქივით ოკრო-ბოკროდ მოუვიდა ნახტომი, მაგრამ  
თასმამზე გამობმული სალამური ასთრეოდა, ფეხი დააბიჯა მარცხად... წელი  
მოუზიდა თასმამ, ასე ეგონა, ლეკებმა სტაცეს ხელი.

„ხელიო?!“ და ელდა-ნაკრავი ყირაზე გადავიდა ერთბაშად.  
... ახლა თავში მოხვდა რაღაც... მავარი... შემდეგ კოპსაც უჩვენებდა  
მეზობლებს... კოპმა იხსნა, გონზე მოიყვანა.

— ღოროტოტო!! — სიტყვაც ვერ დაამთავრა, უეცრივ მოუწყდა შიშიც  
და ყოვლად შემძლე იარაღი მოიპოვა. გუდა წამოიგდო, ამოვარდნაზე  
მოძღგარი გულით სოფლის საყვირს დაეწაფა... კი არ ჩაჰბერა — მთელი  
სული და ძალა შიგ ჩაატანა... „ლომის კილოზე“ გამოუვიდა ჟღერა.

საოცარი მზარავი ხმა გამოიღო სპილენძმა. უეცრივ ყველაფერი გა-  
მოიცვალა. კარგად არ ახსოვს მენახირეს — რა მოხდა შემდგომ... ყველაფე-  
რი აირია: ხმა საყვირისა, ძაღლის წკავ-წკავი, საქონლის ზმუილი... იქვე  
მიყუჩებული ზაქი დამფრთხალი წამოვარდა და კოდმიდან პირდაპირ მდი-  
ნარეში გაიღო ზღართანნი, მას ფურ-კამეჩი მიჰყვა ბლავილით... მდინარეში  
ჩაწოლილ ჯოგს დაასკდა თავზე.

საშინელი დელვა შეიქნა ალაზანზე.

წამოიშალა დაფეთებული ჯოგი, თითქოს ალაზანი ადგა ყალყზე და  
გაღმა მხრისაკენ გაგორდა ზვირთებად.

მეწინავე ლეკებს მდინარემდე მოედწიათ. ზვერავდნენ... შემოსული-  
ყვნენ წყალში. ჯერ ტალღამ აურიათ გეზი... მერე კამეჩების სრბოლამ.

თოფის ხმითა და ძახილით სცადეს მათი გაბრუნება, მაგრამ აჰან სულ  
არია დამფრთხალი ჯოგი... კამეჩები მიასკდნენ ლეკ ცხენოსნებს, უნებურად  
გადათელეს და რიყეშეპრილ ჩალიანში შეცვივდნენ... თვალს მიეფარნენ.

ახლა იქ შეიქნა ორომტრიალი. ატყდა მედგარი სროლა, უზომო ხმაური,  
დგანდგარი და ფიჩხთა მტკრევა.



— ვაიმე ნახირიი! მიშველეთ! — გაჰკიოდა შიგადაშიგ მარჯვენა უმოწყალოდ უბერავდა ღოროტოტოს.

სოფელში უკვე ზარს არისხებდნენ. საგუშაგო კოშკის თავზე სანიშნო ბოლი ავარდა.

ბანიდან ბანზე გადადიოდა ყიყინი. კაცი ქედზე მოჰქროდა სოფელი.

...პარაქთავაცილმა მარჯვამ ბოლოს მოისაზრა, რომ დროა თავს უშველოს. უტია ღოროტოტოს და კოდმეზე შევარდა... ერთიც შედგა... თვალები აცეცა... ენდოს კია თვალებს?!

გაღმა ჩალებში, თითო-ოროლა კამეჩის გარდა, არც რაი ჩანდა. ლეკები ავ ზმანებასავით გამქრალიყვნენ, მხოლოდ ჭალიანის სიღრმეში კიდევ ისმოდა ფხაშერეული სროლა და უკუმევალი თქერის ხმა.

...ჩალიანში დატრიალებული გაუგებარი ბრძოლა ჯერაც არ იყო გარკვეული ლეკთათვის.

ვერც მარჯვამ გაართვა თავი მომხდარ ამბავს. მაგრამ ლეკების უკუქცევა ამკარა იყო. იგი გახევებული უმზერდა კალაპოტში მომდგარ ალაზანს, უღეკო გაღმა მხარეს და ისევ წელანდელივით, სხაპასხუბით ჩიფჩიფებდა: — გაიქცნენ! გაიქცნენ! გაიქცნენ!

ერთბაშად ისეთი შვება იგრძნო, რომ მუხლებში მოუსხავდა, გული ამოესკვნა და სიცილ-ქვითინი ამოუშვა.

ეს იყო მისი უკანასკნელი ბალღური ცრემლები.

ბარდიდან გამომჰქრალმა ვიშერამ ცრემლ-ოფლიანი ლოყა აულოკა და თამაშა ყეფით თავქვე გადაეშვა... ზედაც ზაქის საწყალობელი ხმა მოესმა მენახირეს. გული იყუჩა, ნაშალ ბექობზე გადაწვა და ახლო ძირს ჩაიხედა. მდინარის ნაპირა ლაფში ჩაჩეხილ-ჩაფლულიყო ზაქი, კუდაბზეკილად გაფარჩხული ბლაოდა და ტოკავდა.

კოდმეს შემოურბინა მენახირემ და ზაქთან წავიდა. სწორედ ამ დროს, გაღმიდან, მდინარეში ბლავილ-ბლავილით ფურ-კამეჩი შემოიჭრა... მას უკან სხვა კამეჩებიც მოჰყვნენ.

ნახირი უკან ბრუნდებოდა.

— ჰაი დედასა! მა რა ეგონათ! მაშა! სოფლის ღოროტოტო! — დაჰკრა ყიყინა ვათამამებულმა მარჯვამ და წყალში შეტოპა... ზაქს მიაშურა, ჯუჯა კუდში სტაცა ხელი, ტლაპოდან დასძრა... ახლა ყურებში მოუნაცვლა მარჯვენა-მარცხენა და ძლივს ამოათრია მშრალზე.....

...და როცა იარაღასხმული სოფლელები მოსწვდნენ ალაზანს... მათ წინ გადარჩენილი ნახირი შემოეყარათ.

ნახირის ბოლოში ნინიკანთ ფურ-კამეჩზე ნებიერად გადამჯდარი მენახირე „კამეჩების ლაშქარს“ ბალღურ-მედიდურად მოჰყვებოდა... ზურგს უკან სოფლის ღოროტოტო მოეგდო, ხოლო თავად სალამურზე „გვირტის კილოს“ უკრავდა.

სულ უკან კი ზანტად მოლასლასებდა ლაფში ერთიანად ამოგვანგლული კუდალა ზაქი.



## ნანა გვაჩიშვილი

### პირველ აპრილს დაიბადე

იამ გზები შეგიმკო,  
პაწაწინავ, ქორფავ!  
გზად შემოგხვდა გვირილა,  
მოგახურა ქოლგა.

ენის ტკბილი ჭიკჭიკი  
გადმოგიგდო ჩიტმა,  
ყვავილ-ყვავილ შეგცინა  
ნამის მარგალიტმა.

ჭრელი კაბით აპრილმა  
დაგილოცა გზები.

გაგიფინა მზის სხივმა  
შუქთა მიმოზები.

თეთრ პერანგზე გეხატრ  
ჭრელი პეპლის ფრთები.  
ბაბუს ბანზე დაფრინდი  
შაშვი მგალობელი.

შენებრ კარგი ბიჭუნა  
არ გვენახა თითქო.  
ბაგი-ბუგი გესმოდა?  
მამის გული იყო.

1957 წ.

### განა სულ ასე ვიქნებით

განა სულ ასე ვიქნებით,  
განა არ შევივერცხლებით?  
განა სულ იჭიკჭიკებენ  
გულში გულთეთრა მერცხლები?

სადაც არ უნდა წავიდეთ,  
სადაც არ უნდა ვიაროთ,  
უნდა გულები გავიყოთ,  
სიკეთე გავიზიაროთ.

განა ამ კორდზე სულ ავალთ  
ოცნებით, ყელმოღერებით.

წავალთ და დავიფარებით  
ჩვენი ზურმუხტა ველებით.

ვიყავით? არა ვიყავით...  
ყვავილებრ მოსაფერები.  
ჩვენზეც ჩინარი იხარებს,  
ცაში აწვდილი ხელებით.

განა სულ ასე ვიქნებით,  
განა არ შევივერცხლებით?  
განა სულ იჭიკჭიკებენ  
გულში გულთეთრა მერცხლები?

1957 წ.

## ეძინებათ ხვამლის ნისლებს



ეძინებათ ხვამლის ნისლებს,  
ეძინებათ ველი-ველად.  
იყუჩეო, ცელქო ქარო,  
ყვავილების სასურველავ!

რუში მთვარემ გაიარა,  
ტირითს თმები გაუბრწყინა.  
ნეტავ, მთვარე საით მიდის  
ან ვარსკვლავი პაწაწინა?

შავი ღამე კორდზე დაჯდა  
და სიბნელეს გზავნის ველად.  
ჩუ, ჩუ, ჩუ, ჩუ, ჩურჩულებენ  
ჩინარი და თეთრი თელა.

შენც იყუჩე, ლურჯო ქარო,  
ყვავილების სასურველავ,  
ეძინებათ ხვამლის ნისლებს,  
ეძინებათ ველი-ველად.

1957 წ. დერჩი.

## თ ო ნ ე

თონე უცებ წამოწითლდა —  
დასტრიალებს ცქრიალაო.  
— ამ გოგოზე ხომ არ თქმულა:  
„თონე ააბრიალაო.“

ამ ლამაზზე ხომ არ თქმულა:  
„მაკოცნინე თოლებზეო.“  
ეს ლოყები მე მაჩუქე,  
დაგეწვიება თონეზეო.

1957 წ. დერჩი.

## ხ ა უ ხ ა შ ი

ეზოში მოვიდა მინდვრების გოგონა,  
შემკული ვარდისფერ კაბაში.  
მზემ ლამაზ ლოყებზე ღიმილი მოკონა,  
ნიავემა დაუწყო თამაში.

მე სადღაც მინახავს ეს ცელქი კოპწია,  
ვიცანი თვალების კამკაშით.  
მოვიდა და სათუთ მეგობრად მეწვია,  
პატარა ყვავილი ხაშხაში.

1956 წ. დერჩი.



## წ ი ქ ა რ ა

მხედარმა ცხენი ჭიშკართან მიაგდო და მოუთმენლად უხანგზე წამოიწია.  
— მაინძელო-ო-ო!

ჭორულმა მხერამ ელვასავით შემოურბინა ხშირი, მაღალი ტრიფოლიატით შემოკავებულ ფართო ეზოს.

ოდისა და სამზადის კარები გამოკეტილი იყო.  
არავინ გამოხმაურებია.

— ეს ბებერი მაინც სად წავიდა! — ჩაილაპარაკა მხედარმა უკმაყოფილოდ და ისევ დაძახება დააპირა, როცა სამზადის უკანა მხრიდან თეთრწვერა მოხუცი გამოვიდა. მან ხელი უშუბლზე მიიჩრდილა, მაგრამ მხედარი ვერ იცნო:

— რომელი ხართ მანდ?

— ერმილე ვარ, ერმილე! — უპასუხა მხედარმა როცაო ხმით და ხელახლა უხანგზე წამოიწია.

მოხუცმა ბარი მშვიდად სამზადის კედელზე მიაყუდა, ვერცხლისენიანი ძველებური ვიწრო ქამარი უფრო მაგრად შემოიჭირა, ხალათის ლილები შეიბნია და ჭიშკრისაკენ აუჩქარებლად წამოვიდა.

— ერმილეს გაუმარჯოს! — მიესალმა მოხუცი მხედარს, როცა ჭიშკართან მივიდა. — რაშია საქმე, ჩემო ერმილე?

— თუ მომვლელი ხართ და პატრონი, მოუარეთ ამ სამგლეს, — კუმტად მიახალა ერმილემ პასუხად, — თუ არა და, სადაც წამოვეწვიე, თავს გავუჩიხავ. ასე ვიზამ ამას! — დაკეცილი მათრახი ზევით აიქნია და შემდეგ თხრილისაკენ გაიშვირა.

მოხუცმა მხოლოდ ახლა შენიშნა წითელი ხარი, თხრილში რომ მშვიდად იცოხნებოდა.

— მართლა მეველესავით ნუ ირჭები, შე კაცო, — ხმას შეეუმალა მოხუცებულმაც. — ჯერ ცხენიდან ჩამოდი, სალამზე მიპასუხე და საქმეზე მერე მილაპარაკე. ნამეტანს ნუ გამიყადრებთ თავს ახალგაზრდები. ჩემი ხნის, მგონი, ქვაც არ გდია ჭალაში.

ცხენიდან ჯერ აღვირი გადმოცურდა, შემდეგ ამ აღვირის ღვედივით მოშბალი ერმილე.



— თქვენმა ხარმა სალამიც დამავიწყა და ზრდილობაც, მაგრაჟქუთუესას მინც ვიტყვი, დავით ბატონო... მართალი ვარ და ვიტყვი... — ეზო-სახლისევე გაფიცდა. — თუ კიდე დავლანდე ყახაში ან პლახტაციაში, ცოცხალს არ გაეუშვებ, იცოდეთ... მერე არ გეწყინოთ... თქვენც ხედავთ, თხოვნა არ გამდის და ხვწნა... ვასოს ცალკე ვუთხარი, შენს რძალს ცალკე, მაგრამ გინდ მე მითქვამს და გინდ ძალს უყეფია... არ ვარგა ასე, არა, დავით ბატონო, აუ არა შე რა!

— შენც მართალი ხარ, შვილო! — მოხუცმა წვერებზე ჩამოისვა ხელი და თავი ჩაჰკიდა.

— რაც იყო, იყო!... ბარე შვიდი წელია ასე დამლიგინობს, — განაგრძობდა მეველე. — რაც მაგან ზარალი გვანახა, იმით ბარე ერთ ტრაქტორს გამოიწერდა კაცი... გამოუსადეგარი და მუდრეგი რა ვარგა, რომ ხარი ვარგოდეს. ერმილე ცხენს აღვირში წვდა და გზისკენ შებრუნდა.

— მაინც, თქვე ოჯახამენებულებო, რა გავიხდათ ეს ხარი... ომი ბარე ხუთი წელია გათავდა... რათ ვერ გაიგეთ?

— ასე ნუ იტყვი, ერმილე! — მოხუცს ხმა აუთრთოლდა. — როგორ ვერ გავიგეთ?... შენ, ჩემი ოჯახის ამშენებელი, ჩემი ამირანი მაჩვენე ცოცხალი და ეს, — ხელი ეზო-კარისაკენ გაიშვირა, — ეს ჩემი ნაკვდავ-ნაშრომი თუნდაც წყალს წაუღია... ცოდო ვარ, ბიჭო, ცოდო!.. იმ ბიჭის სახელზე ამ ხარმა მაინც იაროს დალოცვილ ქვეყანაზე... მერე ან მგლის კერძი გახდება, ან თავისი დაეპარება.

— იაროს, ბატონო, ვინ ოხერი!.. მარა არც ასე ვარგა... ნამეტანი აგვიკლო... მიწაზე არ ეტევა. ღობე ვერ უძლებს და მესერი... არ ვიცი, რაც გინდათ, ის მოუხერხეთ. — კიდე რალაცის თქმა დააპირა, მაგრამ, მოხუცის ნაღვლიან მზერას რომ წააწყდა, სიბრალულმა სიტყვა ჩაუწყვიტა. ცხენს მოახტა და მათ-რახი მთელი ძალით გადაუჭირა.

ბატონის მოულოდნელი გაგულისებით და მათრახის სიმწვავეთ გადარეული ცხენი ყალყზე წამოიძარა, წინა ფეხები ჰაერში შეისროლა და შურ-ღულივით გავარდა. უკანა ფლოქვებით მოჩეჩქილი ქვის ნამსხვრევეები საფანტივით გაიბნა ირგვლივ.

დავითმა თვალი გააყოლა და, როცა მტვრის კორიანტელში გახვეული ცხენი და მხედარი თვალს მოეფარა, ისევ თავი ჩაჰკიდა.

კარგა ხანს იდგა ასე, საკუთარ ფიქრებთან განმარტოებული. მხოლოდ მაშინ გამოერკვა, როცა ხელზე ხარის ხაოიანი ენის სისველე იგრძნო.

მობრუნდა, ხარს ნიკორა შუბლზე მიუაღერსა.

პირუტყვმა დიდი, ბრიალა თვალები ბატონს მიაპყრო, სქელი, ღონიერი კისერი წაივრძელა და გაინაბა.

დავითმა ახლა ქედზე გადაუსვა ხელი, შემდეგ ზურგზე. ხარის ხასხასა, თებოიანი ბალანი ხვერდივით სრიალებდა.

— ჩემი წიქარა... ჩემი კარგი წიქარა... — ჩურჩულებდა მოხუცი და ხარიც, თითქოს მადლობას უხდისო, ზმუილით ეხმიანებოდა.

ყველა გლეხკაცს უყვარს თავისი ხარი, ყველაზე ერთგული და გამგონე თანამეწე მიწასთან კიდილში, მაგრამ წიქარას არც უღელში დაუმტკიცებია თავისი ერთგულება, არც თვინიერებით გამოუჩენია თავი. წიქარას გრძელ ელვარე რქებს ბაწრის კვალიც არ აჩნდა. ლაღად იზრდებოდა წიქარა. ამიტომაც იყო, რომ შვიდი წლის ხარის თვალები წინანდებური ცეცხლით ელავდნენ.

დღევანდელ დღესავით ახსოვს დავითს ის დღია. წიქარა რომ დაიბადა. ახსოვს იმიტომ, რომ ერთადერთი შვილიშვილიც იმ დღეს წაგიდა. როგორ ევლებოდა თავზე ამირანი პატარა, წითელ ბოჩოლას, თითქოს სხვა უფრო დიდი საზრუნავი არ ჰქონოდა ჯარში მიმავალს...

სახელიც თვითონ დაარქვა.

„დავბრუნდები. ხარი დამხვდება. გუთანში შევბამ, საკენახეს გადავბრუნებ, — თქვა მაშინ ამირანმა.

— არა!.. ლალად გავუშვებ. როცა დაბრუნდები, წამოვაქცევ და შენს ქორწილზე დავკლავ, — ვუთხარი მე“.

მოხუცს ოხვრა აღმოხდა მკერდიდან.

სურვილი ვერც ერთმა შეისრულა, ვერც მეორემ.

ამირანი აღარ დაბრუნებულა ომიდან.

დავითი მაინც ელოდა შვილიშვილს.

ვასილი და დესიც ელოდნენ ერთადერთ შვილს.

ამ ლოდინში ბოჩოლა შეუღარებელი ბულა-ხარი გახდა.

ნახირს ყოველთვის ის მიუძღოდა წინ. ყველა გზას უთმობდა. არც ერთი მეტოქის წინაშე არ მოუხრია ქედი. ან დამარცხებული გაეცლებოდნენ. ან მორჩილად თავჩაქინდრულნი. უღიღში შებმაც არავის უკადრებია წიქარასათვის. გახურებული ხვან-თესვის თო რთველის დროსაც, როცა კოლმეიორნეობის მანქანები და ხარ-კამეჩები ძლივს წვდებოდა სამუშაოს, არავის უთქვამს საყვედური დედისერთას ოჯახისათვის იმის გამო, რომ წიქარა ასე თავისუფლად დათიოდა. მთელმა სოფელმა იცოდა, რისთვის ჰყავდათ მიჩენილი წიქარა და აბა ვინ რას აკადრებდა შინმოუსვლელის ჭირისუფალთ.

მაგრამ დავითი, მთელი მისი ოჯახი გრძნობდა, რომ წიქარა ბევრ ვინმეს აწუხებდა. როცა ვალაღებული ხარი სულ თავს გავიდა, აქა-იქ მორიდებული სამდურავიც გაისმა.

— მართალი იყო, ცამდე მართალი იყო ერმილე, — დუღუნებდა მოხუცი თავისთვის და თან ხარს ეალერსებოდა. — მართლაც რა რყვილად ცდები, ჩემო წიქარავ!.. ნუთუ ასე უსარგებლოდ უნდა დაბერდე?.. მეც დაიბერდი, მაგრამ რაღაცას მაინც ვტოვებ... ნაოფლარს მაინც ვტოვებ... სოფელში კარგი ხარის სახელიც რჩება... გუშინ არ იყო. ურემი ტალახში რომ ჩააგყვლო?.. როცა ხარებს ძალიან გაუჭირდათ, ჩემი ბებერი ღვინე მოიგონეს... შენ ის არ გახსოვს. კვარაცხელიების ჯოგიდან იყო... რამდენი ხანია მოკვდა, მაგრამ აქამდე ახსოვთ... შენ კი ვინ მოგიგონებს... რატომ ზმუი ასე?... განა მართალს არ ვამბობ? თუ მაინცა და მაინც, ოხერი, მოუდრეგი იყო, იტყვიან შენზე.


დავითმა რატომღაც დამნაშავედ იგრძნო თავი უნო პირუტყვის წინაშე.

— ჩემო წიქარავ... ამირანის წიქარავ! — მოწოლილმა ცრემლმა თვალები დაუნისლა და, მღელვარება რომ დაეოკებინა, ქუთუთოები მძიმედ აათახულა. ყურში ბავშვების ყრიამული ჩაესმა.

— პაპას სიცოცხლე!

— დავით ბაბუა, გამარჯობათ! — იძახდნენ ჭიშკრიდან კარგა მოშორებით შეჭვუფებული ბავშვები.

— იცოცხლეთ, შვილებო, იცოცხლეთ! — გადახედა მოხუცმა ბავშვებს და



შემდეგ ეშმაკური ღიმილით დაუმატა: — თქვენ რა, წიქარამ ხომ არ შეგაშინათ, მანდ რომ გაჩერებულხართ?

— არა, მე სულაც არ მეშინია! — გამოეყო ჯგუფს მაღალი ბიჭი, რომელსაც თვალებზე მფრინავის ძველი ქუდი ჩამოფხატოდა.

მან რამდენიმე ნაბიჯი ნაძალადევი გაბედულებით გადმოდგა.

— ჩვენი ყანიდან გუშინწინ მე თვითონ გადმოვდენი... სულაც არ შეშინებია.

— ტყუილია, ტყუილს ამბობს!.. წიქარა მე გადმოვდენი...

— ნუ ხარ ტრაბახა, მიშიკო, — გაწითლდა მაღალი. — შენ კი არა, მე გადმოვდენი.

— აბა დაიფიცე! — არ შეეპუა ბუთხუზა.

— დაიფიცე, დაიფიცე! — აზღორიალდნენ ბავშვები.

მაღალმა ბიჭმა ერთი ამრეზილად შეხედა მიშიკოს, შემდეგ დაცურებულ შარვალი უხალისოდ აიწია, უხერხულად დაიგრისა და ხმადაბლა ჩაილულულა:

— დედას ვფიცავარ.

— ოჰ, არა, არა! რკინას ხელი, რკინას ხელი უშვი! — ნიშნის მოგებით მივარდა მასთან ბუთხუზა და ქამრის ბალთაზე მიდებულო ხელი ჩამოუწია. დავითს გაეცინა.

— კარგი, კარგი... ისედაც ვიცი, რომ თქვენ ყოჩალი ბიჭები ხართ. დათვი რომ დათვია, ისიც ვერ შეგაშინებთ... თქვენ ის მითხარით, ასე ერთად საით გაგიწევიათ?... მალე დალამდება კიდეც.

— ლეონტი ბიძიას სახლში მივდივართ. — უბასუხა მაღალმა ბიჭმა სასწრაფოდ, გახარებულმა იმით, რომ ლაპარაკის თემა შეიცვალა. — დღეს მოსკოვის „სპარტაკს“ ეთამაშებიან თბილისელები. ორივე ტაიმს უნდა მოვუსმინოთ.

— რაო, რას უნდა მოუსმინოთ? — ჩაეძია დავითი.

— ფეხბურთია, ფეხბურთი! — აყიყინდა ყველა ერთად.

— ჰო, გასაგებია!.. მაგრამ რატომ ასე შორს მიდიხართ. რადიო განა სხვას არა აქვს? სკოლაშიც ხომ გაქვთ...

— ის რა რადიოა... მხოლოდ ბოლო თხუთმეტ წუთს გადმოსცემს, — ჩაერია ბუთხუზა. — რადიომიმღები კი სულ სხვა საქმეა...

— ჰო, აბა წადით, — უთხრა დავითმა ბავშვებს, რომლებსაც ამჟამად მოუთმენლობა ეტყობოდათ. — ოღონდ ჰკუთით იყავით... ვინმეს ბაღში არ გადაძვრეთ.

ბავშვებმა კვლავ განაგრძეს გზა.

დავითი ერთხანს კიდეც იდგა ჭიშკართან, შემდეგ ხარი ეზოში შეუშვა და ჭიშკარი მიხურა.

„მართლაც რატომ არ უნდა ჰქონდეს სკოლას რადიომიმღები აქამდე? — გაუელვა თავში. — რა ძნელი საქმე ეგ არის...“

ხელებზე ისევ იგრძნო ხარის ხაოიანი ენის შეხება.

დავითი მიბრუნდა და წიქარას ზურგზე გადააწვა მსუბუქად. ხარი არ განძრეულა.

— რა გიყო წიქარავ, რა! — კვლავ გაუბა საუბარი პირუტყვის. — სანამ შეიძლება ასე?... ამირანი რომ მომსვლელი იყოს, აქამდე არ მოვიდოდა?... რატომ ზმუი?... ასეა ხომ?!. მაშ რად ვიტყუებთ თავს, რად ვატყუილებთ სხვასაც?!.

ეკ! — მოხუცმა ღრმად ამოიოხრა და იმ წამსვე შეკრთა. გონებაში რაღაც მწველმა აზრმა გაუელვა. თვალი დახუჭა და თავი რამდენჯერმე გააქნია, თითქოს აკვიტებული ფიქრების გაფანტვას ცდილობსო.

— სხვა გზა არ არის, — წარმოთქვა ბოლოს ჩურჩულით. — ყველანი სიკვდილის შეილები ვართ...

ლოყებზე უნებურად ჩამოგორებული ორი მსხვილი კურცხალი სახელოთი მოიწმინდა და მეზობლის ალაგეს მიადგა.

წიქარა მორჩილად მიჰყვებოდა.

— კესა, ო, კესა!

— ბატონო! — გაისმა პასუხად და იმავე წუთს სამზადის კარებთან გამოჩნდა შავებში ჩაცმული შუახნის ქალი.

— რაედენი ხომ არ დაბრუნებულა ყანიდან?

— კი, ბატონო!

— ერთი გამოიხედოს, მამა-შვილობას... საქმე მაქვს.

მალე ალაგეს მეორე მხრიდან მოადგა სახელოებაკაპიწებულ შავტუხა ბრგე ვაჟკაცი.

\* \* \*

როცა გამოეღვიძა, მკერდი მღელვარედ აუღ-ჩამოუდიოდა, გულს ბაგაბუჯი გაჰქონდა. ხმა, რომელმაც ძილში ასე შეაკრთო, არ განმეორებულა. თითქოს ურმის ჭრიალიც გაიგონა, მაგრამ, არა!

ღამის სიბნელეში ნელი, თანაბარი შრიალი ისმოდა მხოლოდ.

„წვიმს“, — დავითი მიწვა, მაგრამ ჩასთვლიმა თუ არა, კვლავ შეაკრთო იმ ხმამ, ხმამ კი არა, ნაცნობმა ზმუილმა.

— წიქარა, ჩემო წიქარა! — წაიხურჩულა სიხარულით და ლოგინზე წამოჯდა. მაგრამ ბურანიდან გამორკვეულმა, გულდაწყვიტით დაუმატა. — საღდა არის წიქარა, აღარ არის წიქარა...


დავითს ძილი დაეკარგა. მთელი უკანასკნელი სამი წლის მანძილზე, რაც ამ სკოლას დარაჯობს, ასეთი მშფოთვარე ღამე არ ჰქონია. დარაჯად კი იმისთვის დადგა, მუდამ ბავშვებთან ყოფილიყო, იმ კედლებში ეცხოვრა, სადაც ერთადერთი შვილიშვილი სწავლობდა ოდესღაც. მაგრამ ადამიანურ დარდს, თურმე, ვერსად დაემალე. აქ ყველაფერი ამირანს აგონებდა, ყოველ კუთხეში, ყოველ ნივთთან მისი ლანდი იმუშუნებოდა.

და აი ახლა, ამ ღამით. ძილში წიქარას ზმუილიც ჩაწვდა საიდანღაც სიბერით დაგუბებულ ყურებში.

„ცხადია, სიზმარი იყო... წიქარა ხომ აღარ არის, სამი წელია აღარ არის!.. მაგრამ ზმუილი რომ ნამდვილად გავიგონე?!. სწორედ ასე ზმუიოდა, რაედენმა რომ გადაიყვანა ეზოდან... ხომ ნამდვილად დაკლა აწი?!. ცხადია!.. აბა როგორ ჩამოიტანა ქალაქიდან რადიომიმღები სკოლისათვის, ფორმის ტანსაცმელი ომში დაკარგული ამროსიეს ბავშვებისათვის... იქნებ არც დაუკლავს წიქარა?.. აბა რატომ ვერ მისწორებდა თვალებს, ანგარიშს რომ მაბარებდა?.. იქნებ მართალი იყო ფილიმონი, შენი წიქარა ჯოლეგში ვნახე, ბაზრობაზეო... ა?.. იქნებ მართლა ჩაიარა ალიონზე ურემმა და შიგ ჩემი წიქარა ება?!.“

დავითმა ფანჯარაში გაიხედა. განთიადის მკრთალ ნათელში უფრო და უფრო იკვეთებოდა ატმის ხასხასა ტოტი, ნიავის ყოველ მობერვაზე ფანჯარას რომ ელაციცებოდა.





წამოდგა, ტანთ ჩაიცვა და სკოლის გრძელ დერეფანში გაფრატუნდა. ალიონის სუფთა, გრილი ჰაერი ხარბად ჩაისუნთქა და იმავ აუტყდა, ბებრული ყრუ ხველა.

ბოლოს, როგორც იქნა, შვევით ამოისუნთქა და ირგვლივ მიმოიხედა. მაისის ქუჩუნა წვიმისაგან განზანთილი დილა ნებირად იშშოუნებოდა. ლორთქო ბალახით დაფარული აფუებული მიწა ჩვილის მკერდით ხიხინებდა, ხარბად ისრუტავდა ნაჟურს. ხის ტოტებზე ნორჩი გამჭვირვალე ფოთოლი ისე კიაფობდა, სადაცაა გადნება და დაიღვინებოდა. დავითს ისე მოეჩვენა, თითქოს საღაც, მიწის გულში, ადუღებული მწვანე, სურნელოვანი ფისი მოედინებოდა ტოტებში. ჰაერში ვარდის მოტყბო სურნელება ტრიალებდა.

სასკოლო დარბაზის კარი გააღო, პატარა, მაუღდადაფარებულ მაგიდას მიუჯდა და რადიომიმღები ჩართო.

„ბალტიკა“ ნელნელა აშიშინდა. შემდეგ გაისმა ტკაცუნის და გაბმული წივილი, რომელსაც ზრიალი და ბუკბუყი მოჰყვა. თბილისის რადიოსადგურის ძებნაში სხვადასხვა უცხო სადგურს აწყდებოდა დავითი. დროდადრო სამართავის ტრიალს წყვეტდა და გაოცებული უსმენდა მკახე, ყურისწამლებ მუსიკას. მძიმე დოლის ბაგა-ბუგს მოსდევდა უცნაური საკრავების ჰყვიტინი, ვილაციის გიჟური. თავაწყვიტული შეყიჟინება. დავითს ისე ეჩვენებოდა, თითქოს ამ უცნაური მუსიკის ხმაზე მის წინ ძუნძოლებდა თა ხტოდა უცნობი ბანჯგვლიანი ცხოველი, არც კაცი, არც მთიმუნი და, რეტი რომ არ დასხმოდა, უფრო სწრაფად ატრიალებდა სამართავს.

დაუსრულებლად ენაცვლებოდა ერთმანეთს ქალისა და მამაკაცის ხმა, რომლებიც დავითისათვის გაუგებარ უცხო ენებზე ხან დინჯად, ხან ალეგობულნი რაღაცას ჰყვებოდნენ, ამტკიცებდნენ, ვილაცას არწმუნებდნენ, ეჩხუბებოდნენ. განსაკუთრებით გამოირჩეოდა ერთი ბოხი, ხრინწარეული ხმა.

— რავა ზოსიმეს ქოფაკით ყიფს ოჯახქორი... რამ გააჯავრა აწი ასე?

დავითს უნებურად ფანჯრისაკენ გაექცა თვალი, რადგან ერთბაშად განათდა, როგორც ეს მაისში იცის ხოლმე. ყველაფერს ღია ვარდისფერი გადასდებოდა. „ბალტიკის“ თვალიც ისე კიაფობდა, თითქოს ამდილინდელი ცის ნაჭერი ყოფილიყოს.

ხმა თანდათან დაეწმინდა რადიომიმღებს. თითქოს მძლავრი, სავსე მკერდის მშვიდ სუნთქვას გადმოსცემდა იგი.

საათი ამოიღო და დახედა.


— სადაცაა დაიწყება! — დავითი ახლა უფრო გარკვევით გრძნობდა დიდი ქალაქის გულისძეგრას, ესმოდა გაღვიძებული ქუჩების სუნთქვა, ზღვის შორეული გუგუნვით გაბმული, რომელშიც დროდადრო იჭრებოდა მანქანათა სირენების გადაძახება, მატარებლების მშფოთვარე შეკვივლება.

შემდეგ, თითქოს ვილაციის უხილავი ხელი სპილენძის ფარს შეეხოთ, გაისმა ზრიალი და ამ ზრიალში გამოინაკვთა პირველი რეკა კურანტებისა.

მას მოჰყვა მეორე, მესამე...

მოხუცს ეჩვენებოდა, რომ ყოველი ჩამორეკის შემდეგ ცას შუქი ემატებოდა და ხასხასა ფოთლებზე დაყრილი მზის ნამსხვრევები უფრო ღვივდებოდა.

კურანტების მეექვსე ჩამორეკას გამოება ჰანგი, თითქოს ზღვის მკერდიდან ატაცებული. იგი მიიწევდა მალა, სულ მალა, ლალად, სიცოცხლის ერ-



თიან ხმებად ჰკინძავდა ირგვლივ დარბეულ ყველა ხმას და მსუბუქი ფეხებით მიაქროლებდა შორს, მზისაკენ.

„ბალტიკა“ ახლა ადამიანის ერთ ალაპარაკდა.

ის, რასაც ლაპარაკობდნენ, განმეორება იყო იმისა, რაც მუსიკით იგრძობოდა მოხუცმა. ეს იყო ამბავი მშვიდობის დილაზე, ადამიანთა კეთილ ნებაზე, ბრძოლასა და შრომაზე...

და დავითს გაახსენდა, რომ მასაც აქვს საქმე, რომ უნდა მოემზადოს იმით შესახვედრად, რომლებიც ახლა იღვიძებენ და ჩქარა მოვლენ აქ, ხალისიანი ყრიაშულით აავსებენ ეზოს, აივანს, ოთახებს...

რადიომიმღები არ გამოუერთავს.

აივანზე გამოვიდა და კიდევ ერთხელ გახედა შორს წამოზიდულ, თოვლის ჯავშნით შეჭედულ სვანეთის მთებს, მზის სხივებით მოსირმულ მიდამოს.

კიბეზე ჩავიდა და ეზოს ყველა კუნჭული დაიარა, ყოველი ხე და ბუჩქი მოინახულა. ტოტი ხომ არ გადასხვრევია წუხელის, ნორჩი ნერგი ზედმიტად ხომ არ დაუშძიმებია წვიმის წვეთებსო...

ბიონერული საყვირის ხმა შემოესმა ვარდის ბუჩქებთან მოფუსფუსეს. „უეკრთა, როგორ ვერ გავიგე ბავშვების მოსვლაო. მაგრამ უმაღლესი გაელიმა. მიხვდა, რომ ეს „ბალტიკიდან“ ისმოდა.

დავითმა მესრებს გაღმა გადახედა, გზისკენ, სანამ თვალი მიუწვდებოდა. ვერაფერი გაარჩია, გარდა შორს მოელვარე კრამიტის სახურავებისა და ცას მბჭენილი ალვის ხეებისა. სამაგიეროდ სმენამდე კარგად აღწევდა მამლების გადაძახება, გაღვიძებული სოფლის ყრუ გზისი. სადღაც დედაკაცი კაპასობდა, სადღაც საქონელი ბლაოდა და ქათმები კრიახობდნენ, გაუთავებლად ლავდავებდა ვილაცის ძაღლი...

გზაზე ზედიზედ ჩაიქროლეს სატვირთო ავტომანქანებმა.

როცა დავითი დარბაზში შებრუნდა, „ბალტიკა“ ჩვეულებისამებრ, ზღაპარს ჰყვებოდა ბავშვებისათვის. მოხუცს განა ზღაპრებით გააკვირვებ? თვითონ არის ზღაპრების გულა. მაგრამ დავითმა ამჯერად სმენა დაძაბა, რადგან ძალიან ნაცნობი სახელი გაიგონა. წიქარა ახსენეს.

დიქტორის მშვიდი, ხვეწვითი ხმა სასიამოდ ყლერდა.

„ამირანსაც ასეთი ხმა ჰქონდა. ცოტათი უფრო რბილი. მაგრამ მისი ხმაც ასე ფოლადიანი იქნებოდა, რომ დასცლოდა,“ — მოხუცი სკამზე ჩამოჯდა. სულგანაბული უსმენდა ზღაპარს, რომელიც ათასჯერ უამბუნია სხვისთვის. ახლა, როცა სხვას უსმენდა, უფრო მოეწონა ნაცნობი ზღაპარი, უფრო და უფრო იხიბლებოდა წიქარას ერთგულებით, თითქოს ხედავდა კიდევაც როგორ მიაქროლებდა ხარი თავისი ღონიერი ზურგით კარგ ბიჭს, ტლუ ბიჭს, როგორ ჩაინთქა უფსკრულში გულბოროტი მღევარი ღორთან ერთად...

წიქარა კი სამშვიდობოს გავიდა, ტრიალ მინდორზე გავიდა... კარგად მოიქცა, ბიჭი რომ ალვის ხეზე შესვა... ალვის ხე მაღალია... ბიჭს უყვარს სიმალღე, როგორც არწივს... ბიჭს სალამურიც უყვარს... იცის წიქარამ, ჰკვიანია წიქარა... ვისაც სიმალღე უყვარს, მოშურნეც ჰყავს მრავალი... აი, გამოჩნდა კიდევ მეცხვარე!.. ოჰ, ეს ხარბი ხელმწიფე, ეს ბოროტი დედაბერი!.. რას ერჩიან ბიჭსა... დედაბერი მაინც რამ გააბოროტა?.. სიბერემ ხომ არა... მეც ხომ ბებერი ვარ...

ახლა მოხუცი უსმენს, თუ როგორ შესთხოვს გასაჭირში ჩავარდნილი ბიჭი სალამურის მოტანას ფრინველებს. არ უკვირს, ყვავამ რომ უარი უთხრა



ბიკს.. ყორანმაც... არწივს არ ეკადრებოდა... ჩიტს პატარა გულში შექნა...  
მერცხალი?! აბა, რას იტყვის კულდმაკრატელა?!

და გაიგონა მოხუცმა მაშინ:

„გაფრინდა მერცხალი და მოუტანა სალამურები. დაუკრა საჭირო სალამური ვაჟმა, დაუკრა და აატირა. წიქარამ გაიგონა სალამურის ხმა და მაშინვე გაეშურა ვაჟისაკენ. გააფთრებული ეცა რქებით ცხრაკლიტულს და დაუწყო მტვრევა. რვა კარი გატეხა, მაგრამ მეცხრე კარი გასატეხი ჰქონდა და მოსტყდა ერთი რქა. დაღონდა წიქარა...“

მოხუციც დაღონდა:

„ჰაი, დედასა, რა დროს უმტყუნა... თორემ ვნახავდი დამსხვრეულს იმ ცხრაკლიტულს, ვაჟსაც დახსნილს... თავგმა კი ახლა რა უნდა უშველოს?! ცხადია, გულში ცუდი რამ უდევს, ლეშზე ლაპარაკობს... შენი კისრის ჭირიმი, შენი, წიქარავ!.. ბიკი ხომ დაიხსენ... ახლა მისი ჯერია, აწი ის დაგიხსნის, არ გაახარებს თავსა შენს ლეშზედა!..“

ხავერდოვანი ხმა კი განაგრძობს:

„...არის ვაჟი ალვის ხეზე. უკრავს სალხინო სალამურს და ერთობა. ბოლოს მოაგონდება წიქარა, მოუწდება მისი ნახვა, დაუკრავს საჭირო სალამურს, მაგრამ არსად არის წიქარა. ელის ვაჟი წიქარას, მაგრამ არსად არის წიქარა. დაღონდა ვაჟი. ჩამოვიდა ძირს. დაუკრა საჭირო სალამური, დაუკრა და აატირა მთელი ქვეყანა. იმისი ცოდვით ბალახნი ტიროდნენ; პეპლებიც აღარ ფრინავდნენ და ცრემლებსა ღვრიდნენ. უკრავდა სალამურს და შავი ყორანი კი ნალეშარი საითღაც მიეშურებოდა. წავიდა ვაჟი, ეძებდა წიქარა... მაგრამ არსად არის წიქარა...“

— არსად არის წიქარა! — გაიმეორა მოხუცმაც და ხავერდოვანი ხმა შეწყდა. კი არ შეწყდა, მოხუცმა ინება ასე, რომ არ ყოფილიყო დასასრული, ცუდი დასასრული.

თანაც მისის დილა იყო ისეთი კარგი...

თანაც ირგვლივ მერცხლები დაჰქროდნენ და ჰიკჰიკებდნენ...

დავითი ისევ აივანზე გამოვიდა.

გზაზე მობლაოდა ნახირი.

წინ მოუძლოდა ხარი, ისიც წითელი.

მოხუცს გაუხარდა რატომღაც.

„იქნებ მასაც წიქარა ჰქვია... მაგრამ არა. ვერ იქმს წიქარობასა: რქები დაღრეკილი აქვს და სუსტი, მუბლი უმირონო.“

ნახირი კი მობლაოდა შარავზაზე, ზოზინით მოდიოდა, დაფანტულად მოლიოდა.

„აგრე როგორ იქნება? — შემფოთდა მოხუცი. — სად არის მენახირე?.. ჰო, აგერ მოდის!“

გამოჩნდა თვალმერცხალა ბიკი, ქამარში წიგნგაჩრილი... წითელ მოზვერს მოჰყვებოდა გვერდით. მოზვერი ძალიან ჰგავდა წიქარას. იქნებ მისი ნაშიერიც იყო.

ბიკი ხომ იყო და იყო!

„ჰო, ეს კარგი მენახირე იქნება... ჯერ აცალეთ. წინ წავიდეს!.. მაშინ ნახეთ, როგორ გაუძღვეს ნახირს... გამჭრიახი, ფოლადიანი ბიკი ჩანს... ზედი ეტყობა, მუბლზე ეტყობა, თვალზე ეტყობა!“

და მოხუცი იღიმება, კმაყოფილი იღიმება.

ცაში კი დანავარდობენ და ჰიკჰიკობენ დაუღეგარი მერცხლები.



## შოთა რაყვა

### მას დავადარე

მას დავადარე აპრილის თქეში  
და ვარდისფერი დილა ცინცხალი,  
მას დავადარე ამ ქვეყნის ენები  
და ჩანჩქერების ბორგვა მღვიძარი.

მას დავადარე იმედიანი,  
ტურფა მაისი გულს ჩასახული,  
ხმელეთზე, ზღვაზე გააქვს გრიალი,  
ცაზე გრუხუნებს, ვით გაზაფხული.

დაუცხრომელი ქუხს და ანათებს,  
უსწრებს ელვას და ფრთამალ თოლიებს.  
ჭაბუკურ გზნებით გულებს აანთებს  
და მოხუცებსაც აიყოლიებს.

განა ვინ იყო, საზარ ომის წელს  
მომხდურს რომ თავზე დაჰყიეინებდა,  
ვინ იყვნენ, ფრთები რომ გამოისხეს  
ჩაპაევებად, კორჩაგინებად.

განა ვინ იყვნენ მოსკოვის კართან,  
რომ ჩალამეს ურდო მომდგარი,  
განა ვინ იყვნენ, რომ სტალინგრადათან  
შეატრიალეს ომის ბორბალი!

ახალგაზრდობა! — რომ უძლევეს ძლევედეს,  
ქარი ქროდეს და სიო ეგონოს.  
ახალგაზრდობა — რომ შიშველ ველზე  
ბაღნარი ბაღნარს გადაეკონოს!

მას დავადარე ამ ქვეყნის ეზვი,  
ბაღში ვარდების გაშლა კონებად,  
მას დავადარე სიმღერა, ლექსი,  
ღელვა, ქუჩილი და შთავგონება.

\* \* \*

მე მიყვარს, როცა ზღვაზე ქარია  
და ტალღა ტალღას გაეტყორცნება,  
ასეთ ამინდში მე მიხარია  
და მიყვარს წენზე ჩუმი ოცნება.

მე შენზე ვფიქრობ ტალღის ხმაურთან,  
როცა გუგუნი სუნთქვას ახშირებს,  
რა კავშირი აქვს ზღვას სიყვარულთან,  
არ ვიცი, შენთან რით მაკავშირებს.

მე ვგრობობ სიმშვიდეს ტალღის დგრიალში,  
სტიქია ხდება ჩემი ძმობილი,  
მე ამ ქეჩაში რაღაც დიადი,  
რაღაც ზვიადი მაქვს შეცნობილი.

და მიყვარს როცა ზღვაზე ქარია,  
ყალყზე დგებიან თეთრი რაშები.  
ასეთ ამინდში მე მიხარია  
და ზღვას ბალღივით ვეთამაშები.



## ღვეან გედეძე

### რალაც კვალი

გზაზე მივალ თუ ცალფეხა ბილიკს მივსდევ,  
ყველგან მხვდება დარჩენილი რალაც კვალი,  
ზოგგან ბახჩა, ხეივანი თვალწინ მიდევს,  
ზოგგან მოსჩქევს,  
მოჩუხჩუხებს არხში წყალი.


ერთგან ვინმეს მოუთოკავს ნიაღვარი,  
იქვე მღერის თავანჯარა ცივი წყარო,  
ვილაც გამვლელს დაუგია თლილი ღარი,  
ვილაც გამვლელს გაუმართავს იქვე თარო.

ვილაც გამვლელს გაუჯორკავს წიფლის სკამი,  
რომ ჩამოჯდეს მგზავრი შორით მიმავალი,  
რომ ჩეროში მოასვენოს მუხლი წამით  
და შეავლოს უნაპირო ტევრებს თვალი.

ერთგან ყრია ნამწვავები და ნაცარი,  
ვილაც გამვლელს უთევია, ალბათ, ღამე,  
იქნებ იგი ცოცხლებს შორის აღარ არი, —  
რალაცა კვალს, ყველა კაცი აჩნევს რამეს.

წუთისოფლად მეც ვილაცა გამვლელი ვარ,  
იქნებ გაქვრე, არვის შეხვდეს ჩემი კვალი,  
მაგრამ მჯერა გზის ბოლომდე ისე მივალ,  
არ დამრჩება მოუხდელი სოფლის ვალი.

ლვინის წყარო



რად შეარქვეს ამ მიდამოს ღვინის წყარო,  
მეასეჯერ ჩავკითხავდი პაპას ბიჭი,  
წარბს შეკრავდა, აბეზარა ბალლი ხარო,  
რა გითხრაო, გახსენება როცა მიჭირს.  
შემდეგ ღამით მოიხდიდა ყაბალახსა  
და ფეხზე ფეხს გადადებდა

დინჯად,  
მძიმედ,  
ასე იყო  
ჰო,  
ჰო,  
ასე,

კარგად მახსოვს,  
აქ სახლობდა მესხი ვინმე.  
დღე და ღამე ღია ჰქონდა, შვილო, კარი,  
მეზობლები ეძახოდნენ სოფლის მამას,  
საცეცხლურზე შანდალივით ენთო კვარი  
და უყვარდა გაბმით ღვინი, სმა და ჭამა.  
კარს მიადგა მგზავრი ვინმე ზერთვისელი,  
და მოსთხოვა, მასპინძელო, მასვი წყალი!  
გაიბადრა სოფლის მამა

გამრჯე,  
ქველი,

სიხარულით გაუბრწყინდა ორთავ თვალი.  
და უმაღვე მიეახლა მწყურვალს სურით,  
დაუსხა და კრძალვით ზელში მიაწოდა, —  
და სტუმარმა ნაამებმა სამსახურით  
უთხრა: ძმაო, მე კი ღვინო არ მწყუროდა.  
— ამ მიწიდან მხოლოდ ღვინო მოსჩქეფს წყაროდ  
(მასპინძელი გაეხუმრა სტუმარს ასე).  
— ამ მიწაში ფესვუქცნობი ვაზი ხარობს.  
— ღვინის წყარო?

მაშ ეს თასი კვლავ გაავსე.

„ღვინის წყარო,“

„ღვინის წყარო...“

იმა დღიდან ადგილს ვუხმობთ, შვილო ჩემო,  
ამ მიწაში მადლიანი ვაზი ხარობს,  
სხვა მადლი აქვს ჩვენი წყლის და ღვინის გემოს.



## ქსენია მჟავია

### დილა

დინჯად დგანან მთები,  
მხრებზე ნისლი ადევთ;  
ნამი როგორც მძივი  
დაეკიდა ვარდებს.

საღდაც გალობს ჩიტი  
ბუჩქში დამალული,  
როგორც ჩვილის ტიტინს,  
ვისმენ განაბული.

საღდაც მღერის გოგო,  
სიხარულით ტოკავს,  
ალბათ თვალი მისი  
ამ გაზაფხულს მოჰგავს,

ალბათ ლოყა მისი  
ღვივის მაისურად,  
ალბათ სიყვარულით  
ჯერ არ დაისრულა.

თითქოს ახლოს ვხედავ,  
თითქოს გულში მიზის,  
მე მის სუნთქვას ვისმენ,  
მისი სულის გიზგიზს,

თითქოს მისკენ მიხმობს  
მისი სარო ტანი,

მინდა ვუყვირო:  
— არ შეჩერდე წამით!

წუთი რაა, წუთი —  
ისიც არ დაკარგო,  
რახან გემღერება,  
არ დადუმდე, კარგო.

ამ სიმღერას ენდე,  
მისი მაღლი გწამდეს,  
აგიყვავებს ფიქრებს,  
აგისრულებს წადილს.

ჩურჩულებენ ხენი  
ნეტარებით მოვრალი,  
მოჩუხჩუხებს წყარო,  
მოლიღინებს ქარი...

ეს სიცოცხლე მღერის  
ბარშია თუ მთებში,  
მოზეიმე დილა  
გამარჯვების ფრთებს შლის.

და მზის ღიმილს ელის  
არე ოქროსფერი,  
სიხარული მღერის,  
სიყვარული მღერის.



ჩემი ეზო.

ჰა, ჩემი ღობე მილიმის წყნარად,  
შევხარი ჭიშკარს, ვით კეთილ მოძმეს,  
აი ეს ნაძვი,  
აი ეს პალმა,  
ჩემი უღრუბლო ბავშვობის მოწმე.

აქ დედის თბილი მხედებოდა კალთა;  
აქ ჭრელ პეპლებს ვიყავ მდევნელი;  
რამდენი ჩუმი ოცნება ახდა,  
რამდენი დამჩჩა აუხდენელი!

სადა ხართ, ჩემი სიყრმის ტოლებო,  
ცისკრის ღიმილი თავს რომ გვეხურა,  
მოდით თამაშში ამიყოლიეთ,  
ფრთები შემასხით წინანდებურად;

მოდით, ღიმილი თქვენი მაღირსეთ,  
თორემ უთქვენოდ, ვხედავ, ვღონდები,  
იმ კარგ, იმ ნათელ დღეებს გაფიცებთ,  
ხანდახან მაინც თუ გაგონდებით?

თუ გაგონდებათ თვალებანკარა,  
მიამიტი და მღელვარე გულით  
ერთი უბრალო გოგო პატარა —  
გოგო ფიქრებზე შეყვარებული.



## აქესანდრა ჩხიძე

### უკლებელი

ნავახშმევს პატარა ბექობზე, ნამეხარ ჭადართან ვიყრიტ თავს. ასეთ დაშეებში ძილი პირდაპირ დანაშაულია. როგორც ჩვენს კულტმუშაკს უყვარს თქმა, საკუთარი სიცოცხლის გაქურდვია და მეტი არაფერი. ეს თითქოს ხუმრობაა, მაგრამ ამაში, ალბათ, არის ჭეშმარიტების ნატამალი.

ხევს გაღმა გორაკზე სანატორიუმია. იქიდან მუსიკის ხმები მოაქვს ნიავს. ჩვენი დასასვენებელი სახლის ახალგაზრდობა სულერთიანად მეზობლებთან გაკრეფილა ცეკვის საღამოზე. შეზღონგებზე გაწოლილი ვტკბებით ელეგიური პოლონეზით, უხმოდ ვადვენებთ თვალს მთვარის სხივების ფოსფორისებურ ცახცახს ზღვის ზედაპირზე, ძალიან შორს მოციმციმე ხომალდის შუქურებს.

უსიტყვო შეთანხმებით შეიქმნა ჩვენი პატარა წრე. მოთხოვნილებად გადაგვექცა ძილის წინ თავის მოყრა ამ ბექობზე. სათქმელი თავისით მოდის. ვსაუბრობთ ყველაფერზე — პოლიტიკაზე, ხელოვნებაზე, ატომურ პრობლემაზე, ფეხბურთზე... ვკამათობთ კიდევაც, ზოგჯერ ძალზე ხმამაღლა, სანამ ზარი ძილისკენ არ გვიხმობს.

ამალამაც აქა ვართ, ვაბოლებთ და ჯერჯერობით ვდუმვართ.

ჩვენს შორის ყველაზე ახალგაზრდამ და ყველა კამათის მოთავემ, ფილოსოფიის მეცნიერებათა მომავალმა კანდიდატმა დაარღვია სიჩუმე:

— როგორ ფიქრობთ, დიდი განსაცდელის ქამს ადამიანს რა უფრო ესაჭიროება, სულიერი თუ ფიზიკური სიძლიერე, ამ თვისებათაგან რომელია გადამწყვეტი?

ერთხანს ყველანი ვდუმდით და ზრდილობიანად ვუთმობდით ერთმანეთს პირველობას აზრის გამოთქმაში, თან დროს ვიგებდით, ვცდილობდით, ჩავწვდომოდით შეკითხვის არსს.

მომავალი კანდიდატი გველოდა, შემდეგ, თითქოს ვიღაცას ეკამათებო, თვითონვე გასცა პასუხი თავის შეკითხვას:

— მე მაინც ვფიქრობ, რომ ადამიანისათვის, უპირველესად, ფიზიკური სიძლიერეა საჭირო, რათა გამოავლინოს სულის სიმტკიცე, საერთოდ, მაღალი მორალური თვისება, რა თქმა უნდა, თუ იგი ნორმალურად აზროვნებს და ფანტიკოსი არაა. ძლიერ სხეულში ძლიერი სულია.

ეს უკვე გამოწვევას ჩამოგავდა. ჩვენ კარგად ვიცნობდით მომავალი მეცნიერის ახირებულ ხასიათს. შეიძლება თვითონვე არ სჯეროდა თავის ნაშრომში, მაგრამ იგი ბოლომდე ერთგული იყო ცნებისა, რომ კამათში მისი დასაბუთება უკმაყოფილოა.

— მაშ თქვენ ასე ფიქრობთ? — გაისმა ჭადრის ძირთან მიდგმული შეზლონგიდან.

ეს ხმა ეკუთვნოდა ჩვენს შორის ყველაზე უფროსს, ცნობილ მწერალს. გაგვიკვირდა, რომ მან მიიღო გამოწვევა. პირველსავე დღეს შემოუერთდა იგი ჩვენს წრეს. ივანეშვილმა თუ არა, წამოაგებდა შეზლონგს ხელს, ყველაზე ადრე მიაკითხავდა ბეჭობს და ელოდა სხვების მოსვლას. იშვიათად ჩაეროდა საუბარში, თუმცა, ალბათ, სხვებზე მეტი ჰქონდა სათქმელი. იჯდა თავისთვის და პაპიროსის კიაფზე თუ შეამჩნევდით, რომ კი არ თვლემდა, გულდასმით გვიგებდა ყურს. გრძობდა ირგვლივ მყოფთა მოკრძალებას მისდამი, საკუთარი სიტყვის ფასიც იცოდა და სწორედ ამიტომ დუმდა უფრო მეტად, არ გვახვევდა თავის აზრს. ამიტომ გაგვიკვირდა, ამ საღამოს პირველმა რომ ამოიღო ხმა. ამან, ალბათ, ფილოსოფიის მომავალი კანდიდატიც გააცოცა, პასუხიც შეუგვიანდა, თუმცა მალე გამოერკვა და თქვა:

— რა თქმა უნდა. მე მწამს თავგანწირვა მაღალი იდეისათვის, მაგრამ დიდი განსაცდელის უამს არ კმარა მხოლოდ სულის სიმტკიცე, რწმენისადმი ერთგულება. ფიზიკურად სუსტი ადამიანი დასამორჩილებლადაც ადვილია; და თუ იგი საშინელი წამების გამო ზოგჯერ დანაშაულამდე მიდის, მას ბრალს ვერც დავდებთ, რადგან მიყენებული ტკივილები მის სიმტკიცეს აღემატება.

ამ კონცეფციის დარღვევა ძნელად არ მიგვაჩნდა, მაგრამ ხმას აღარ ვიღებდით, საპაექრო ასპარეზი მწერალს დაუთმეთ და მანაც არ დააყოვნა:

— ეჭვი არ მეპარება, რომ თვითეულ ჩვენგანს შეუძლია თქვენი მოსაზრების გაბათილება, მაგრამ თუ ნებას მომცემთ, მოგიტხოვრებთ ერთ პატარა ამბავს. შეიძლება მან რამდენადმე ნათელი მოჰფინოს ჩვენი მსჯელობის საგანს.

უფრო მოხერხებულად მოვეწყვეთ ჩვენ-ჩვენ ადგილებზე, მოსასმენად მოვემზადეთ.

მხოლოდ მომავალმა კანდიდატმა ჩაილაპარაკა ჯიუტად:

— მე რეალისტი ვარ და ვერწმუნები მხოლოდ ფაქტებს. მწერლებს კი გიყვართ ამბის შელამაზება, საკუთარი სიტყვის თქმა...

შეზლონგთან ასანთმა გაიჩხაკუნა და ალმა გაანათა მწერლის მოღიმარი სახე. ჩანდა, მას არ ეწყინა ოპონენტის უხიაგი შენიშვნა.

— ვეცდები, მოგიტხოვროთ ისე, როგორც მოვისმინე, შეულამაზებლად. თუმცა მას შემდეგ კარგა ხანმა განვლო... — თითქოს სათქმელს უყრის თავსო, მწერალი მცირე ხნით დადუმდა, — ეს იყო სულ მალე სამამულო ომის დამთავრების შემდეგ. იმ ხანებში ჩემი წიგნი გამოვიდა და სწორედ მაშინ, როცა საწერ მაგიდაზე ხელნაწერის ნაცვლად უკვე დასტამბული წიგნი გაჩნდა, ვიგრძენი დალილობა, გულისა და ნერვების გადაქანცვა. ასეთ დროს მხოლოდ დასვენებაზე ვფიქრობ, დასვენებაზე, ამ სიტყვის სრული მნიშვნელობით. საგანგებოდ დავტოვე სახლში კალმისტარი და მთელი თვით ჩამოვედი აი სწორედ აქ, ჩვენს დასასვენებელ სახლში.

მშვიდად გავიდა პირველი დღეები. ზღვაზე ვაღამებდი, ვთამაშობდი ჭადრაკს და ვკითხულობდი მხოლოდ და მხოლოდ მსუბუქ სათავგადასავლო რომანებს. მაგრამ ერთხელ ჩემი მყუდროება მაინც დაირღვა.

იმ დღეს ზღვის ნაპირს ჩვეულებრივზე მეტ ხანს შევჩრჩი და, სასადილოდ რომ შევედი, თითქმის დაცარიელებულ ოთახში დავინახე ახალი დამსვენებელი. მისმა გარეგნობამ მაშინვე მიიქცია ჩემი ყურადღება. ასე ფეხებზე დასდგა ავადმყოფი ან ციხიდან ახლად გამოსულს აცვია ხოლმე. თუმცა ახალგაზრდა ჩანდა, უკან გადავარცხნილ თხელ თმაში საკმაოდ შერეოდა ჭალარა. სვედიანი, შავი თვალები უცნაურად გამოიყურებოდნენ მის ფერმკრთალ, მზედაუკრავ სახეზე.

ალბათ, ოფიციატმა შემატყო ცნობისმოყვარეობა, საიდუმლოდ გამანდო: — ოთხი წელი ტყვედ ჰყოლიათ ფაშისტებს. აგერ ახლა გაათავისუფლეს ჩვენებმა ბანაკიდან. ჯერ კიდევ არაა შეჩვეული ადამიანებს. ამიტომ ერიდება ყველას. — მეორე კერძი რომ დამიღვა წინ, წამჩურჩულა: — უცნაური კაცი ჩანს. მეჩვიდმეტე პალატაში ცხოვრება შესთავაზეს, პატივი უნდოდათ ეცათ: ხომ იცით, ის პალატა ყველაზე უკეთესია. უარზე დადგა, რიცხვი „17“ ცუდად მაქვს დაცდილიო. მერე ხუმრობით კი არ უთქვამს ეს, ჩვენმა დიასახლისმა მითხრა, სახეზე ფერი ეცვალაო.

ჩემზე ადრე დაამთავრა სადილობა. გვერდით რომ ჩამიარა, თავი დამიკრა, არ ვიცი, ზრდილობის ნიშნად, თუ მიცნობდა ოდესმე. ყოველ შემთხვევაში, მე პირველად ვხედავდი მას.

მეორე დღეს, ჭადრაკს რომ ვთამაშობდი, დავინახე მხარზე პირსახოცვადლებული ზღვისკენ მიემართებოდა.

ჩემს უკან ვიღაცამ ჩაილაპარაკა:

— ამ კაცმა სწორედ გამაოცა. ჩემთან ერთად ცხოვრობს პალატაში. ამ დილით კალენდარი გადავშალე; დღეს ხომ ჩვიდმეტია? რომ დახედა, გაფითრდა და კიდევ ერთი ფურცელი გადაკეცა. შევეჭვდი კიდევაც, დღეს თვრამეტი ხომ არაა-მეთქი.

— ცრუმორწმუნე ყოფილა.


— ცამეტისა რომ ეშინოდეს, კიდევ რაღაცას იფიქრებდა კაცი.

— ნამდვილად რაიმე მძიმე მოგონება აკავშირებს ამ რიცხვთან. ხდება ხოლმე ასე ცხოვრებაში, — დაასვენა ვიღაცამ და მეც ეს მენიშნა სწორად. ვგრძნობდი, ირღვეოდა ჩემი სულიერი სიმშვიდე. ამ კაცის ბედი და „17“ რიცხვის საიდუმლო უკვე აღარ მასვენებდა. ეს მხოლოდ უბრალო ცნობისმოყვარეობა კი არ იყო, არამედ პროფესიული ძიება ადამიანის ხასიათის რაღაც ახალი, ჯერ უცნობი თვისების აღმოსაჩენად. ასეთია ჩვენი ხვედრი. მწერალი მოკრძალებულიც უნდა იყოს და ზოგჯერ მოუტირებელიც. ხანდახან ძვირფასი განძი იაფფასიანი საბურველითაა დამალული; საკმარისია ახლო ფარდა და მიმალულის ბრწყინვალეობა შემოგანათებს, თვალს მოგჭრის. მაგრამ პირიქითაც ხდება. ყალბი ოქროც ხომ ბრწყინავს ბაჯაღლოსავით; ფუტუროს თხილიც ლამაზია გარეგნულად. ამიტომ აუცილებელია ხელით შეეხონ მას.

ერთი სიტყვით, მსურდა იმ უცნობთან შეხვედრა.

...იმ საღამოს ჩინებული ამინდი იდგა. ზღვის პირად გავედი და აჩემებულ ადგილს მივაშურე... ის იყო კლდეს მიუახლოვდი, რომ ნაპირზე დავინახე იგი. დონჯშემოყრილი იდგა და ღრმად ისუნთქავდა ჰაერს. ტანგახდილი უფრო ახალგაზრდა ჩანდა. სახეზეც თითქოს ფერი მოსვლოდა და არც ისეთი პირქუში მეჩვენებოდა. თუმცა საკვირველი ის იქნებოდა, ასეთ მშვენიერ სანახაობას უშუბლშეკრული რომ შეგებებოდა ადამიანი.

უკეთეს დროს ვერ გამოვნახავდი მასთან შესახვედრად, მაგრამ არ მინდოდა მისთვის დამერღვია მარტოობის ეს ბედნიერი წუთები. ფეხაკრეფით გამოვბრუნდი.



ამ დროს უკანდან შემომესმა:

— ბოლიში, მე, ალბათ, თქვენი ადგილი დავიკავე.

მისი ხმაც უცნაურად მეჩვენა. მკვეთრად გამოთქვამდა სიტყვებს. ასეთი აქცენტით სამშობლოს დიდი ხნით მოწყვეტილი ადამიანები ლაპარაკობენ.

მივბრუნდი. იგი ღიმილით მომჩერებოდა, ამ ნაადრევად გაჭაღარავებული მამაკაცისათვის შეუფერებელი ბავშვური ღიმილით.

— მყუდროება დაგირღვიეთ, — მოვუბოდიშე.

— მე თქვენ გუშინაც შეგამჩნიეთ აქ. მართლაც მშვენიერი ადგილია, მით უმეტეს, თუ განმარტოებას ეძებ.

ერთმანეთს მივუახლოვდით და უსიტყვოდ ჩამოვართვით ხელი.

ტანზე გავიხადე და ზღვაში შევცურე. უკან რომ მოვიხედე, კვლავინდებურად იდგა. ესე იგი, წასვლას არ აპირებდა, არ მერიდებოდა.

ერთად შევეცქეროდით მზის ჩასვლას. ხმას არ ვიღებდით. ორივე ვგრძნობდით, სიტყვას არ ძალუძდა ამ სილამაზის გადმოცემა. შემდეგ სითბო-შემორჩენილ კენჭებზე გავწევით და მაშინ შევამჩნიე მის მკლავებსა და ბეჭებზე ზოლისებურად დაჩნეული დანამწვარი და ნაჭრილობევი; ოდნავ ლილისფერი გადაჰკროდა ბანაობის შემდეგ.

ჩემი მზერა დაიჭირა და უბრალოდ მითხრა:

— ფანისტების სახსოვარია.

შეიძლება ამიტომ ეძებდა განმარტოებას. მართლაც ამაზრზენი იყო მისი შიშველი ტანი.

ალბათ, მეც მომერიდა, გულადმა გადაბრუნდა და თვალი გაუშტერა უღრუბლო ცას.

თოლიამ ფრთა ამოავლო ტალღაში და თავს გადაგვიარა ზანტი ფარფატი.

— ხომ არ იცი, რამდენ ხანს ცოცხლობს თოლია? — შემეკითხა.

არ ვიცოდი; დაახლოებით ვივარაუდე და, „რამდენიმე ათეულ წელს მეთქი“, გუთხარი.

გაეღიმა:

— იქნებ სწორედ ის თოლია... თუმცა თოლიები ძალიან გვანან ერთმანეთს. — ალბათ, თვითონაც მიხვდა, რომ ვერ გავუგე, რისი თქმა უნდოდა, მომიბრუნდა: — ზღვის პირას ვიმყოფებოდით საკონცენტრაციო ბანაკში. ჩამოვლევდი, გაძვალტყავებულ ადამიანებს მხოლოდ ეს ფრინველი გვაგონებდა ომამდელ მშვიდობიან ცხოვრებას, გვახსენებდა; ვინ იცის, რამდენი დაუწერელი ბარათი გამოიტანებია მისთვის ჩემიანებთან... — თქვა და კვლავ დადუმდა, გაიჩინდა სივრცეში ცქერით.

— მითხარით, რამ შეგაძულათ რიცხვი „17“? — ჩემდა უნებურად დამცდა ეს კითხვა.

შემომხედა სერიოზულად, თითქოს შიშმაც გაიელვა მის თვალეში; მაგრამ მხოლოდ ერთი წამით; მშრალად ჩაიცინა, ბავშვურხსნელი სიცილით:

— ვინ იცის, რას არ ამბობენ ჩემზე. ეს რიცხვი კი მართლაც არ მიყვარს, — სწრაფად წამოდგა და ტანსაცმელს წამოავლო ხელი, — აგრილდა უკვე, წასვლის დროა.

ნავახშმევს კინოსურათს უჩვენებდნენ. რეკლამით მივხვდით, ომზე უნდა ყოფილიყო. მოლაპარაკებულებივით ავუარეთ გვერდი კლუბს და აქ მოვედით, სადაც ჩვენ ახლა ვზივართ.

— ჩემთვის ხელია ასეთი კინოფილმების ნახვა. თუ თქვენ გასურთ, ნუ მომერიდებით...

— არა-მეთქი, — მივუგე.

პაპიროსი მთხოვა. დიდხანს აწვალა ასანთი, ძლივს მოუკიდა. ბნელოდა. მის სახეს ვერ ვხედავდი, მაგრამ ვგრძნობდი, რომ ნერვულობდა.

ამ კაცს რალაც აწუხებდა და ეს „რალაც“ დაგუბებული სათქმელი იყო. გამოვიცდიათ, ალბათ, ზოგჯერ ლოდივით გაწევს დარდი და სულს ვიხუთავს. საკმარისია, გაანდო შენი გულის წუხილი სხვას, სულერთია, ვინც იქნება იგი, — მეგობარი, ნათესავი თუ სრულიად უცნობი, მაშინვე შევებას იგრძნობ მთელ სხეულში.

ჩემი ვარაუდი გამართლდა. პაპიროსი წორს გაიქნია და მითხრა:

— ვიცი, თქვენ მწერალი ხართ. სტუდენტობიდან ვიცნობთ. თუ თავს არ შეგაწყენთ, მოგიხიბობთ ერთ ამბავს; შეიძლება ოდესმე გამოვადგეთ...

ჩემს თანხმობას არ დალოდებია, პირდაპირ დაიწყო, უბრალოდ, უკვე სრულიად დამშვიდებულმა:


— ინსტიტუტი თბილისში დავამთავრე. იწყებოდა გახლდით. შემეძლო ადგილზე დარჩენა, ოჯახთან ახლოს ყოფნა, მაგრამ ახალგაზრდა ვიყავ და უტოლო; დამოუკიდებელი ცხოვრება. ამ სიტყვის სრული მნიშვნელობით, მესმოდა; ამიტომ გადავწყვიტე დასავლეთ უკრაინაში, ერთ-ერთ დიდმნიშვნელოვან მშენებლობაზე მემუშავა.

დიდხანს არ დამცალდა იქ ყოფნა. ომი დაიწყო. განთიადისას პირველი ბომბი ჩვენს ქალაქს დაეცა. რამდენიმე დღეწი ოკუპირებულ ტერიტორიაზე, მტრის ზურგში აღმოვჩნდი. ევაკუაცია ვერ მოვასწარიტ და ერთ საათში საკუთარი ხელიტ გაევანადგურეთ მთელი წლის ნამუშევარი, უძვირფასესი მანქანები.

ქალაქში დარჩენილი კომუნისტებისაგან იატაკქვეშელთა ჯგუფი შეიქმნა; მშენებლობის უფროსი ზახაროვი ჩაუდგა სათავეში. მე არ ვიყავი პარტიის წევრი, მაგრამ ზახაროვმა მაგრძნობინა, თუ ჩემი სურვილი იქნებოდა, შემეძლო შევერთებოდი მის ჯგუფს. მე დავთანხმდი. მტერთან ბრძოლა ხომ ჩემი ვალი იყო.

ქალაქში გერმანული წესრიგი დამყარდა. ფრონტიდან ცუდი ამბები მოდიოდა, ჩვენი ჯგუფი კი უმოქმედოდ იდგა. ზახაროვი ბიჭებს ადგილზე ვეღარ ამაგრებდა. თვითეულ ჩვენგანს უნდოდა რალაც გაეკეთებინა. ზოგიერთები აუჯანყდნენ ზახაროვს. ერთმა მათგანმა, ყველაზე უფრო ფიცხმა, ბურგომისტრს ესროლა, მაგრამ დაჭრა მხოლოდ, თვითონ კი თავი წააგო. მეორემ ლოდინს ვეღარ გაუძლო და ერთ დამეს მალულად ფრონტისაკენ გაეშურა. აღარ გავეიგია, მიადწია თუ არა. ზახაროვი გვამშვიდებდა, თავი შეინახეთ, მალე დადგება შურისძიების ყამიო. ჩვენც ველოდით.

ერთხელ ზახაროვი მთელი სამი დღით სადღაც გადაიკარგა. ჩამოსვლისთანავე კონსპირატულ ბინაზე მოვიყვარა თავი. მოკლედ გავაცნო ფრონტზე შექმნილი მდგომარეობა, შემდეგ გადმოგვცა ცენტრის მითითება, თუ რა უნდა გაეკეთებინა ჩვენს ჯგუფს. ყველამ მიიღო დავალება. ბოლოს, ოთახში



ხუთნი დავრჩით — ზახაროვი, ადგილობრივი გაზეთის რედაქტორი, კიდეც ორი ამხანაგი, რომლებსაც მანამდე არ ვიცნობდი.

— ჩვენ დაკისრებული გვაქვს მეტად სერიოზული ამოცანა, — გვითხრა ზახაროვმა, — საიღუმლო სტამბის მოწყობა. უნდა დავებკდოთ და გავაჯრკელოთ საბჭოთა საინფორმაციო ბიუროს ცნობები, სხვა მასალები, ხალხს ჩავუნერგოთ გამარჯვების რწმენა, რაც მთავარია, ვაგრძნობინოთ ყველას, რომ ქალაქში არსებობს საბჭოთა ხელისუფლება.

სტამბის მთელი მოწყობილობა გვქონდა. წინდახედულმა რედაქტორმა დროზე გადაამალა საჭირო მანქანა-მოწყობილობა იმ ორი ასოთამწყობის დახმარებით, რომლებიც ჩვენს ჯგუფში შედიოდნენ. სტამბა უნდა მოგვეწყო ერთ-ერთი მათგანის ბინის სარდაფში, სანაპირო ქუჩაზე № 17. ზახაროვმა გავაფრთხილა, რომ სტამბის ადგილსამყოფელი, ჩვენი ხუთეულის გარდა, ძეხორციელს არ უნდა სცოდნოდა. თუ როგორ უნდა მოვქცეულიყავით ჩავარდნის შემთხვევაში, ამაზე სიტყვაც არ დაძრულა; ეს უთქმელადაც გასაგები იყო.

მეორე დღესვე შევუდექით მუშაობას. ვჩქარობდით, გვინდოდა, ოქტომბრის დღესასწაულისათვის გამოგვეშვა პირველი ფურცელი. რედაქტორი და ასოთამწყობები სარდაფში ასწორებდნენ დღე და ღამეს. ზახაროვმა მათ სასტიკად აუკრძალა ქალაქში გამოჩენა. სამივეს კარგად იცნობდნენ და, ვინმე საეჭვოს რომ მოეკრა თვალი, ჩავარდნა არ აცდებოდათ. ზახაროვი ჩვენგან არც თუ ისე შორს ცხოვრობდა კონსპირატულ ბინაზე, საიდანაც კავშირი ჰქონდა ქალაქში დარჩენილ სხვა ამხანაგებთან. სტამბაში მხოლოდ ღამით მოდიოდა და ისიც ყოველთვის სხვადასხვანაირად გადაცმული. მე სხვებზე უფრო თავისუფლად შემეძლო ქალაქში გამოჩენა, რადგან ახალჩამოსული ვიყავი და თითქმის არავინ მიცნობდა.

დადგა 1941 წლის 7 ნოემბერი. ამ დღეს უნდა აგვემოქმედებინა ჩვენი სტამბა. ზახაროვი დილიდანვე ჩვენთან იყო და რადიომიმღებს არ შორდებოდა. მოსახლეობისადმი მოწოდება შევადგინეთ და ახლა მას ვაწკობდით. უცებ მიმღებიდან შემოგვესმა დიქტორის საზეიმო ხმა: „ლაპარაკობს მოსკოვი!“ იცით, რას ნიშნავდა ეს ორი სიტყვა მაშინ, როცა ფაშისტთა დივიზიები მოსკოვთან იდგნენ და გერმანიის სარდლობა უკვე ოფიციალურად აცხადებდა საბჭოთა დედაქალაქის დაცემას? ზახაროვმა რადიოს ხმა მოუმატა. სამუშაო მივატოვეთ და რაღაც დიდი ამბის მოლოდინში მიმღებს შემოვხვებით. ჩაირთო წითელი მოედანი... მოგვესმა კრემლის კურანტების უღერა... შემდეგ ამხანაგ სტალინის მშვიდი, დამაჯერებელი ხმა... ჩვენი ასოთამწყობი, პარტიის პველი წევრი, რომელსაც ჯერ კიდეც ცხრაას ხუთში უხდებოდა იატაკქვეშ მუშაობა, კუთხეში მიდგა და შევამჩნიე, როგორ ამოიშრალა სახელოთი თვალის უბე. პირქუში ზახაროვიც საეჭვოდ გვარიდებდა სახეს. შეიძლება მთელ ქალაქში ჩვენ ხუთნი ვისმენდით ამ სიტყვას წითელი მოედნიდან, იქნებ მხოლოდ ჩვენ ვიცოდით, რომ მოსკოვი კვლავ მტკიცედ იდგა და ფაშისტთა დივიზიები ამაოდ აწყდებოდნენ დედაქალაქის მისადგომებს. მინდოდა, ქუჩაში გავვარდნილიყავ და ყველას გასაგონად მეყვირა, რომ მოსკოვი ჩვენია...

— ... ეს მშვენიერი საჩუქარი იქნება მოსახლეობისათვის, — ჩაილაპარაკა ზახაროვმა.

რედაქტორი თავიდანვე იწერდა სტალინის გამოსვლას. ჩვენც მოვიდეთ ხელი ქალაქს და ფანქარს, რათა არც ერთი სიტყვა არ გამოგვიჩინოს. შემდეგ შევადარეთ ჩანაწერები, შევადგინეთ ერთი საერთო ტექსტი და შევუღებთ მის აწყობას. ნაშუაღამევს პირველი ფურცელი ამოვიდა მანქანიდან.

ჯერ კიდევ ბნელოდა, ზახაროვი და მე ქუჩაში რომ გამოვედით. ჩვენს ბედზე უმთავრო დამე იდგა. ერთმანეთს დავცილდით. ზახაროვი კონსპირატული ბინისაკენ გაემართა მდინარის გაყოლებით, რათა საღმე პატრულს არ გადაჰყოლოდა; თან რამდენიმე დასტა ფურცელი წაიღო სხვებისათვის გადასაცემად. მე კი რამდენიმე ცალის გაკვრა მოვახერხე თეატრთან, ვოგზალთან, მთავარი ქუჩების გადაკვეთაზე, ხეებზე. მეტი ვეღარ მოვაწარი, უკვე თენდებოდა და უკან გამოვბრუნდი. ამხანაგები მოუთმენლად მელოდნენ.

გათენებისთანავე ქუჩაში გავჩნდი და იმ ადგილებს ვუტრიალებდი შორიასლო, სადაც ფურცლები გავაკარი. პირველად ხნიერი რკინიგზელი შეჩერდა კედელთან და გაოცებულმა თვალეი მოიფშენიჭა. წაკითხულმა სიფრთხილე დაავიწყა, მიიხედ-მოიხედა, ვილაც გამვლელს დაუქნია ხელი. მალე კედელთან ჯგუფი შეიკრა. ასეთივე სურათი იყო სხვაგანაც. უნდა გენახათ, როგორი სახე ჰქონდათ ჩვენი ფურცლის წაკითხვის შემდეგ დაღსა და პატარას. თითქოს მძიმე რამ ტვირთი მოეხსნათო ზურგიდან, ამაყად თავაღმართული, იმედიანი თვალეიბთ განაგრძობდნენ გზას. მალე გესტაპოელები გამოჩნდნენ, მგლებივით მიესივნენ ფურცლებს, მაგრამ უკვე გვიანდა იყო.

ასე დაიწყო მუშაობა ჩვენმა სტამბამ. გამხეცებული გესტაპოელები აქეთ-იქით აწყდებოდნენ; გრძნობდნენ, რომ სტამბა საღდაც სულ ახლოს იყო. გაძლიერდა ჩხრეკა, დაპატიმრება, მაგრამ ამაღ — სტამბის ასავალ-დასავალს ვერ მიაგნეს. ჩვენი ფურცლები მათ მოსვენებას არ აძლევადათ. საღ არ ჩნდებოდნენ ისინი! ისე გავთამამდით, რომ ერთხელ ზეღ გესტაპოს შენობაზე გავაკართო საინფორმაციო ბიუროს ცნობა მოსკოვთან გერმანელთა ჯარების განაღგურების შესახებ.

ერთხელ ზახაროვმა გვაცნობა, მეზობელ საოლქო ცენტრშიც აპირებენ ასეთივე სტამბის მოწყობას და ამხანაგები დახმარებას გვთხოვენო. პირველ რიგში საჭირო იყო შრიფტის მიწოდება. გაღაწყდა, რომ მე გავემგზავრებოდი მატარებლით. ეს იყო მეტად სახიფათო ოპერაცია, მაგრამ სხვა უფრო საიმეღლო გზა არ არსებობდა.

მეორე დღეს ორძირიან ჩემოდანში ჩავაწყვეთ შრიფტი და საღამოს მატარებლის გასვლაღდე რამდენიმე წუთით აღრე საღგურში გავეღი. ზახაროვი შორიდან მითვალთვალეზდა. მან დაშინახა, რომ მშვიღობიანად შევეღი ვაგონში, შემდეგ ჩემს კუბეში; თვალეიბთ გამოვეთხოვეთ ერთმანეთს და მატარებელიც დაიღრა. ჩემოდანი ზემოთ შემოვღდევი და ჩემს აღგიღზე ჩამოგკვექი.

მატარებული უკვე თოვლით გაღასწორებულ თვალუწვღენ მინღვრებზე მიჰქროღა.

კარი გაიღო და კუბეში ორი მამაკაცი შემოვიღა. მართალი გითხრათ, არ მესიამოვნა მათი მეზობღობა, მაგრამ სამხეღროები არ იყვნენ და ამით დავიღმეღე გული. შემოვიღდნენ თუ არა, მაშინვე გახეთები გაშალეს. ასეთ დროს პირში წყლის დავუბებას საუბრის გაბმა ჯობს, მაგრამ თითქოს განგებ, კრიჭა შემეკრა, ხმას ვერ ვიღებღი. ზურგშექციული ფანჯარასთან ვიღექი და ვფიქრობღი, საიღან ან რაზე დამეწყო საუბარი.





ამსობაში მატარებელმა სვლას უკლო. შორს აციმციმდა რუბინოვანი პატარა სადგურის თუ პლატფორმის სინათლეები.

შემოვბრუნდი და გავშემდი: ერთ „თანამგზავრს“ რევოლვერი მოეშვირა ჩემთვის. იგი დამცინავი ღიმილით შემომცქეროდა, ხოლო მეორე ზემოდან ექაჩებოდა ჩემს ჩემოდანს. ჯიბეები მომიჩხრიკეს; იარაღი თან არ მქონდა. თუმცაღა წინააღმდეგობა უაზრობა იყო.

მატარებელი შეჩერდა.

— წინ გავგიძეხით და ჩაღით ვავინიდან, მხოლოდ უხმაუროდ, — გა-  
მაფრთხილეს.

მატარებელი მხოლოდ ერთი წუთით შეჩერდა და, თითქოს არაფერიც არ მომხდარაო, გზა განაგრძო.

ჩაბნელებულ ბაქანზე ჩვენ სამნი დავრჩით. კომენდატურის მხრიდან გავედით ქუჩაში. ვოგზლის წინ მანქანა გველოდა. ამან შემაეკვა. ესე იგი, ოპერაცია წინასწარ იყო მომზადებული. გამოდის, რომ სტამბა ჩავარდნილა, მაგრამ როგორ, ვისი მიზეზით?

მანქანაში ფარდები ჩამოეშვათ, მაგრამ ვერძნობდი, ქალაქში ვბრუნდე-  
ბოდით. ჩემი მხლებლები ხმას არ იღებდნენ.

მალე მანქანა შეჩერდა. მე გესტაპოში მიმიყვანეს.

სარდაფის ოთახში შემავდეს და მარტო დამტოვეს. ახლა შემექლო ცო-  
ტათი გონს მოვსულიყავ, დავფიქრებოდი ჩემს მდგომარეობას. იგი მეტისმე-  
ტად უიმედო ჩანდა. თუ კი სტამბა ჩავარდა, საუბარი მოკლე იქნებოდა, ხო-  
ლო თუ მარტო მე ვყავდი ხელთ გესტაპოელებს, მაშინ... მაშინ სამუდამოდ  
უნდა ამომეშალა მეხსიერებიდან ჩვენი სტამბის ადგილსამყოფელი — „სანა-  
პირო ქუჩა № 17“.

კარი გრუხუნით გაიღო და ორი გესტაპოელი გამოჩნდა. უხმოდ მაგრძ-  
ნობინეს, გაეყოლოდი. ზემო სართულზე შავი დერმატინით გადაკრულ კარებ-  
თან შევჩერდი. ერთმა მათგანმა კარი შეაღო და ხელით მანიშნა; შევეყოლოდი.

ნახევრადჩაბნელებულ ოთახში ვეებერთელა საწერ მაგიდას გესტაპოს  
უფროსი ზუმერი უჯდა. იგი წინათაც მენახა. მალალი ტანის, ბეჭებში ოდნავ  
მოხრილ ზუმერს შებინტული მარცხენა ხელი გულზე ეკიდა. ამას წინათ  
ძლივს გადაურჩა პარტიზანებს, მკლავში მიწვდა მათი ტყვია. ჩვენს სტამბა-  
ში დაბეჭდილი ფურცლები და ჩემოდნიდან ამოღებული შრიფტი ეღო წინ,  
ალბათ, შესადარებლად; მაგრამ მათ ყურადღებას არც აქცევდა, ჯიბის დანით  
საგულდაგულოდ იწმენდა ფრჩხილებს. თითქოს ჩემი შესვლაც არ გაუგია.  
მივხვდი, თვალთმაქცობდა: აქაოდა, ისეთი არაფერი მომხდარაო. ფრჩხილები  
გასაპრიალებლად ფრენჩის სახელოზე გაუსვა და, თითქოს სხვათაშორის,  
თავაუღებლივ მითხრა რუსულად:

— ტყუილუბრალოდ დროს ნუ დავკარგავთ. თქვენს მდგომარეობაში  
აღამიანმა იმაზე უნდა იფიქროს, თუ როგორ შეინარჩუნოს სიცოცხლე. ამი-  
სათვის საკმარისია გვიპასუხოთ ორ შეკითხვაზე — სად გაქვთ სტამბა და  
ვისთან მიგქონდათ აი ეს შრიფტი?

„აა, ესე იგი სტამბა არ ჩავარდნილა!“, — ცოტათი მომეშვა გულს. გესტაპო-  
ელებს ხელში მარტო მე ვყავდი და ჩემგან ელოდნენ პასუხს. ამით მდგომარეობა  
რთულდებოდა. ჩემსა და ზუმერს შორის იწყებოდა სამკვდრო-სასიცოცხლო  
ჭიდილი და ამ უთანასწორო ორთაბრძოლაში გამარჯვების მეტი შანსი მის



მხარეზე იყო. ჩემი დუმილი სისუსტედ არ მიიღოს-მეთქი, შემემდინდა.

— მე არაერთარ სტამბასთან არ მაქვს კავშირი. ჩემოდანი მეზარა.

შუმერმა ჩაიცინა და ცხენის კბილები გამოაჩინა. ხელი აიჭნია ოდნავ. ოთახის ბნელ კუთხეში ლანდები ამოძრავდნენ; ერთი მათგანი მე მომიახლოვდა.

შუმერმა ჯიბის ფანარს ხელი დასტაცა და იმ ლანდს სახეში მიანათა.

— იცნობთ ერთმანეთს?

მამინვე ვიცანი ქალაქში დარჩენილი ერთ-ერთი იატაკქვეშელი, მაგრამ თავი შევიკავე, ვცდილობდი, ერთი კუნთიც არ შემტოკებოდა სახეზე.

— პირველად ვხედავ. — ვთქვი მე.

— თქვენ იცნობთ ამ კაცს? — შეეკითხა შუმერი ჩემს უკან მდგომს.

— ჩემთან ერთად დარჩა ზახაროვის ჯგუფში; როგორც ვიცი, მონაწილეობდა სტამბის მოწყობასა და ფურცლების გავრცელებაში, — თქვა მოლაღატემ.

ფანარის შუქი ჩაქრა და ლანდი კვლავ გაუჩინარდა.

კიდევ კარგი. მოლაღატემ არ იცოდა არც სტამბის ადგილსამყოფელი და არც ზახაროვის კონსპირატული ბინის მისამართი. გულს მომეშვა.

— ახლა რაღას იტყვი? — მომიბრუნდა შუმერი.

— იმასვე, რაც გითხარით.

— ვისთან და რატომ მიემგზავრებოდით სემეროვოში?

სემეროვოში არც ვაპირებდი ჩასვლას. ფრთხილმა ზახაროვმა მიჩჩია, ყოველი შემთხვევისათვის, სემეროვომდე ამელო ბილეთი. მე უფრო ახლო სადგურზე მელოდნენ ამხანაგები.


— მინდოდა სამუშაო მეშოვა, სემეროვო უფრო დიდი ქალაქია.

თვითონვე ვგრძნობდი, ასეთი პასუხი ოდნავადაც არ ამსუბუქებდა ჩემს მდგომარეობას. შუმერი არც ისეთი სულელი იყო, რომ ჩემთვის დაეჯერებინა. ბოროტი ღიმილი აუთამამდა სახეზე.

— თქვენ ახლავარდა ხართ და თანაც ფანატიკოსი, როგორც ყველა კომუნისტი; მერე კიდევ კავკასიელი, ქართველი... თავის განწირვა ყოველთვის მამაცობა გგონიათ. არაფერია, ჩვენ უფრო ჯიუტებიც მოგვიდრეკია. ამაში მალე დარწმუნდებით. ორ საათს გაძლევეთ მოსაფიქრებლად. უარის შემთხვევაში სხვანაირად მოვილაპარაკებთ.

ისევ საკანში დამბარუნეს ჩემმა სიტყვაძუნწმა მედილეგებმა. მართო რომ დავრჩი, საშინელი დაღლილობა ვიგრძენი. ფიცრის ნარზე გავიშოტე. ვიცოდი, ორი საათის განმავლობაში არავინ შემაწუხებდა. ორი საათის შემდეგ კი... ალბათ, რაღაც საშინელება მელოდა, მაგრამ რა, არ ვიცოდი და ახლა არც მინდოდა ამაზე მეფიქრა.

უცებ შიშმა ამიტანა. ამხანაგებს მე მატარებელში ვგონივარ. ზახაროვმა ხომ მშვიდობიანად გამაცილა. ახლა მივხვდი გესტაპოელთა მზაკვრულ ოინს. მე ნამდვილად ჯერ კიდევ სადგურში შემნიშნა მოლაღატემ. გესტაპოელები ვარაუდობდნენ, რომ შორიდან მითვალთვალებდა ვინმე ჩვენიანი. ამიტომ სადგურში ხელი არ მახლეს, უხმაუროდ შემიპყრეს, რომ არ დაეფრთხოთ იატაკქვეშელები და სტამბა არ მიემალათ სადმე. ზახაროვი მხოლოდ ორსამ დღეში შეიტყობს, რომ ადგილზე არ ჩავედი, სტამბის ბედილბალი კი



უნდა გადაწყდეს ამაღამ, ორი საათის შემდეგ, როცა დაიწყება ნამდვილი ორთაბრძოლა ჩემსა და ზუმერს შორის.

სწორედ ეგ ბრძოლა მაშინებდა მე. დიახ, მაშინებდა! მე არ მრცხვენია ამ სიტყვისა. თქვენ მწერალი ხართ, ადამიანის სულის ინჟინერი და, იმედია, გამიგებთ, რისი თქმაც მსურს. ვიცოდი, გესტაპოელები არაფერს დაერიდებოდნენ, რომ გამეცა სტამბის ადგილსამყოფელი. ისინი ხომ ამის ოსტატები იყვნენ! მე გულწრფელად ერთგული ვიყავი ჩემი ქვეყნისა და ჩემი ხალხისა, იმ იდეისა, რომელსაც ვემსახურებოდი სიტყვით და საქმით. მზად ვიყავი სიცოცხლეც გამეწირა... მაგრამ გესტაპოელთა მიზანი იყო არა ჩემი ფიზიკური განადგურება, არამედ სტამბის, მთელი ჯგუფის ხელში ჩაგდება. ამიტომ ორი საათის შემდეგ ძელოდა ისეთი აუტანელი წამება, რომელიც სიკვდილსაც კი ანატრებიებდა ადამიანს...

ტკივილს საერთოდ ვერ ვიტან, კბილის ამოღებაც ტანჯვაა ჩემთვის. ამიტომ ვშოშობდი, ვაი-თუ ჩემს სხეულს ვერ გაეძლო იმ ჯოჯოხეთური გამოცდისათვის, რომელსაც ზუმერი მიმზადებდა, და ჩემს ბაგეს, ენას მისდაუნებურად, საკუთარი სურვილის წინააღმდეგ დასცდენოდა საბედისწერო სიტყვები — „სანაპირო ქუჩა № 17“.

წინათ არასოდეს განმეცადა მძაფრი ფიზიკური ტკივილი. მხოლოდ წიგნებში ამომიკითხავს, თუ როგორ უძლებდნენ ტანჯვა-წამებას სულით მაღალი ადამიანები, გმირულად კვდებოდნენ რწმენისა და სამშობლოსათვის. ჩემს გონებაში გაცოცხლდნენ წამებულ გმირთა სახეები: ჯორდანო ბრუნო, ყანა დარკი, სუსანინი... თვალწინ დამიდგა ქართლის ცხოვრება: შუშანიკი და დიმიტრი თავდადებული, ქეთევან წამებული და მღვდელი თევდორე... „ისინი დიდ საქმეს ეზიარნენ, თავი შესწირეს მამულს, მეცნიერებას. ამიტომ შეინახა მადლიერმა ხალხმა წამებულ გმირთა სახელები. შენ კი გეყოფა ძალა, რომ გასწირო თავი?“ — ჩამძახოდა იღუმალი ხმა.

ზეზე წამოვიჭერ, რომ კრახანებივით დახვეული ავი ფიქრები მომეცილებინა. კარებში შაურისოდენა ნახვრეტი მოჩანდა. მას არ შორდებოდა მედილეგის თვალი. ზუმერი ამ ორ საათსაც არ მტოვებდა მარტო. ალბათ, ეშინოდა, საკუთარი ხელით არ მომესწრაფა სიცოცხლე და მშრალზე არ დამეტოვებინა იგი.

ერთი წუთით მართლაც გამიელვა თავის მოკვლის ფიქრმა, მაგრამ მერწმუნეთ, ძნელია ამ ნაბიჯის გადადგმა ოცდახუთი წლის ასაკში. სახრჩობელის წინაშე მდგომსაც კი რაღაცის იმედი აქვს და ყულფში თავის გაყრამდე კიდევ ელის სასწაულს. ანდა რითი უნდა მომესწრაფა სიცოცხლე? კედელს ხომ არ ეახლიდი თავს? არ მინდოდა, მტერს აღეღვება შეემჩნია ჩემთვის, კვლავ ნარზე მივწევი და მედილეგეს ზურგი შევაქციე. უცებ რაღაც მაგარს მოედო ხელი. დავხედე, — ლურსმანია! ეს უკვე იარაღი იყო ხელცარიელი კაცისათვის. თითებით ჩავაფრინდი; რომ ვერაფერს გავხდი, კბილები მივაშველე; მაშინ ისეთი კბილები მქონდა, რკინას გავკენეტდი. ძლივს ამოვადრე; უცნაურმა აზრმა გამიელვა, — მოდი, მოვსინჯავ, ძნელია წამების ატანა? ლურსმანი შიშველ მკლავთან მივიტანე, მაგრამ შევყოყმანდი, ყანგიანი იყო. ყანგიანი! ჰმ! გუნებაში გამეღიმა. ტკბილი ყოფილა ეს ოხერი სიცოცხლე. თვალი დავხუჭე და ვიჩხვლიტე. ვერ გავუძელი. მე საკუთარ თავს ვერ ვიმეტებდი, ჯალათი კი დამინდობდა?! ის ლურსმანი თავის ადგილზე ჩავასვე, როგორც ხანჯალი ქარქაშში. ვინ იცის, იქნებ მართლაც გამომდგომოდა!

მაინც რა ხერხს მიმართავენ გესტაპოელები ჩემს საწამებლად? ყველაფერი ერთბაშად მომაგონდა, რაც გამიგონია და წამიკითხავს წამებზე, რეცხვის ციის დროს ცეცხლზე წვავენენ ერეტიკოსებს. გამიგონია, წინათ მამბუქის ჯიხებს სცემდნენ შიშველ ტერფებზე. საღდაც წამიკითხავს, თავს გადაპარსავენ დამნაშავეს და ერთსა და იმავე ადგილზე წვეთ-წვეთად უშვებენ ყინულივით წყალს. არ ვიცი, ამ დროს საიდან მომაგონდა ჩვენი ეზოს ონკანი, რომლის ქვემოთ ცემენტი გაეხვრტა წყლის წვეთებს.

კომპარტული ფიქრები არ მასვენებდა. დრო ნელ-ნელა იწურებოდა. მალე გესტაპოელები მომაკითხავდნენ. ერთმა აზრმა გამიელვა: — რა იქნება, რომ როგორმე დავიფიქსო, გონებიდან ამოვიგდო სახლის ნომერი „17“. დავიწყე თვლა — ასი... ორასი... ათასამდე ავედი. თითქოს განგებ რიცხვი „17“ ამეკვიტა და აღარ მშორდებოდა. უფრო მეტიც, ისიც მომაგონდა, რომ სწორედ 17 მაისს დავიბადე. საიდანღაც ამოტივტივდა ამ რიცხვთან დაკავშირებული ყველა თარიღი: 17 წლის რევოლუცია, 17 ოქტომბრის მანიფესტი... ვეცადე, ჩემი თავი დამერწმუნებინა იმაში, რომ სტამბა 117 ნომერშია მოთავსებული... არაფერი გამოვიდა, გონება აღარ შემორჩილებოდა!

შევშინდი, ჭკუიდან ხომ არ ვიშლები-მეთქი! დავიწყე საკუთარი თავის გამოცდა. ხმამალა წარმოვთქვი პითაგორის თეორემა, შემდეგ ლექსებზე გადავედი. მახსოვს, სკოლაში ყოველთვის მეწლებოდა ბარათაშვილის „მერანი“. ახლა თავიდან ბოლომდე წავიკითხე ზეპირად. გავიხსენე მყინვარისა და თერვის შედარება „მგზავრის წერილებიდან“...

...საღდაც შორს დერეფანში ყრუდ გაისმა ფეხის ხმა. იგი თანდათან ახლოვდებოდა და ჩემი საკნის კარებთან შეწყდა. ურდულმა დაიგრუხუნა.

გესტაპოელები შემოვიდნენ.

ორი საათი გავიდა. იქ ზუმერი მელოდა.

ზუმერი ისევ თავის ადგილას იჯდა, მაგრამ ამჯერად ფრჩხილების წმენდით აღარ ერთობოდა. თანდათან სულ უფრო ცუდად თამაშობდა თავის როლს. უკვე ვეღარ მალავდა ინტერესს ჩემდამი. მივხვდი, ჩემზე ნაკლებად არ დღავდა იგი, მოუთმენლად ელოდა ორი საათის გასვლას. დამინახა თუ არა, მაშინვე წამოდგა და მომიახლოვდა. მისი კაფანდარა ტანის ჩრდილი მტაცებელი ფრინველივით აისახა კედელზე.

— მოიფიქრეთ? — შეემკითხა.

მე ხმას არ ვიღებდი.

— მაშ ისევ ჯიუტობთ?

კვლავ ვღუმდი.

ზუმერს რატომღაც არ გაკვირვებია ჩემი ჯიუტობა. ალბათ, სხვა პასუხს არც ელოდა. გულიც არ მოსვლია; თავის ძალაში დარწმუნებულმა დამცინავად შემათვალისწინა. შეიძლება გაუკვირდა კიდევაც ჩემი გარეგნობას ადამიანის ასეთი სიკერპე. ისევ მაგიდას მიუჯდა.

— გადაწყვიტე, თავი გასწირო, არა? მერე რამდენ ხანს გეყოფა ეს სიმტკიცე? ორ წუთს, ნახევარ საათს? ხომ არ გგონია, რომ მოგკლავ? არა! — და უცებ მომახალა: — კომუნისტი ხარ?

მე მგონი, გითხარით, რომ არა ვარ პარტიის წევრი, მაგრამ არ ვიცი, მაშინ როგორ მოხდა ჩემდა უნებურად წამომცდა, ვარ-მეთქი. ეს იყო ერთადერთი პასუხი, რომელიც მე ზუმერის შეკითხვაზე გავეცი და ისიც სიცრუე. შეიძლება ვინმეს გაუკვირდეს, რატომ მოვიქეცი ასე, დონკიხოტობად ჩამომართვან

ჩემი საქციელი. შემდეგ, დიდი ხნის შემდეგ, ჩემს საქციელს რომ ვაფასებდი, დავრწმუნდი, რომ მაშინ სწორად მოვიქეცი. როცა თავი კომუნისტად მივხატე, თითქოს რაღაც ახალი ძალა ვიგრძენი სხეულში და თვითონვე ვბრძოლობდი ნათქვამი.

ზუმერმა ხელი აიქნია. ლანდები გამოეყენენ კედელს, ხელი ჩამავლეს და გვერდით, პატარა ოთახში გამიყვანეს. ორი მკლავებდაკარწახებული გესტაპოელი მელოდა იქ... თუ რა მოხდა შემდეგ, ეს აღარაა საინტერესო... არც მახსოვს კარგად... მაგონდება მხოლოდ, რომ ყოველ მძაფრ ტკივილს თან ახლდა შეკითხვა: — „სტამბის მისამართი?“ იმ ორ საათში მე ვერ მოვახერხე დამევიწყებინა საბედისწერო რიცხვი „17“, გონებაში გარკვევით იყო ამოკვეთილი ფიცი, მაგრამ ჩემი ბავებში, ჩემი ენა უარს ამბობდა მის წარმოთქმას... აზროვნებასა და ნეტყველებას შორის ფესვი გაიღდა რაღაც დიდმა გრძნობამ და იმ რიცხვზე უფრო ჩამეჭედა ის მხსნელი აზრი, რომ ჩემი ხმის ამოღებაზე დამყარებული იყო არა მარტო სტამბის, რამდენიმე ადამიანის ბედი, არამედ მთელი ომის, მთელი ჩემი ქვეყნის, ჩემი საქართველოს ბედი, ჩემი ოჯახის ყოფნა-არყოფნა. როცა ახმახმა გესტაპოელმა მკლავი გადამიტრიალა და გრძნობადაკარგული ჩემივე სახსრის ჭახუნმა გამომარკვია, ტკივილზე უფრო გამოუთქმელი სიბრაზე და სიძულვილი ვიგრძენი ჯალათებისადმი. კიდევ მეტად გავკერპდი და მაშინ დავრწმუნდი, რომ ფიზიკურად მათზე სუსტი სულიერად მათზე ძლიერი ვიყავი და უთანასწორო ბრძოლაში ნამდვილად დავგაბნეოინი.

...შეზლონგიდან ლაპარაკი შეწყდა. ასანთი აინთო ჩამქრალი პაპიროსის გასაჩაღებლად. ერთი წამით შუქმა გაანათა მწერლის სახე — სერიოზული და მის მიერვე მოთხრობილი ამბით შთაგონებული.

ღამე და მყუდროება იღდა ირგვლივ.

— შემდეგ? — ველარ მოითმინა ვილაცამ.

— შემდეგ? მეც ასე შევეკითხე მას, შემდეგ-მეთქი. — შემდეგ აღარაფერი იყოო საშიში, მიპასუხა. — ზუმერი კიდევ უფრო გამხეცდა, ახალ-ახალ საშუალებებს იგონებდა, რათა ხმა ამომეღო, მაგრამ უკვე საბოლოოდ ვიყავი გამარჯვებული. ამას გესტაპოელებიც გრძნობდნენ და სწორედ ეს ამხეცებდა მათ.

გონზე რომ მოვედი, საკანში პირდაპირ იატაკზე ვეგდე. რკინით დახერგილი პატარა სარკმლიდან სინათლის შუქი შემოდოდა მკრთალად. დილა დგებოდა, ახალი დღე. მე კვლავ ვსუნთქავდი, ვარსებობდი, ვცოცხლობდი და ამ სიცოცხლეს ჰქონდა აზრი, რადგან ამ ოთხ კედელს შორისაც ვებრძოდი მტერს, ვებრძოდი და ჭერჭერობით გამარჯვებულიც მე ვიყავ.

...სულ ახლოს ზარს შემოპკრეს. ძილისკენ გვიხმობდნენ. ხევაღღამა გორაკიდან აღარ ისმოდა მუსიკის ხმები.

ჩვენ ვავიანებდით დაშლას.

ხმას არავინ იღებდა, თვით ფილოსოფიის მომავალი კანდიდატიც კი. მწერალი წამოდგა და სულ სხვა ტონით, ხალისიანად წარმოთქვა:

— აი მოკლედ ეს ისტორია ყოველგვარი შელამაზებისა და პროფესიულ ფანტაზიის გარეშე. მას შემდეგ მე არ მინახავს ის კაცი, მაგრამ ბევრს ვხედავდი ფიქრია მასზე, რადგან ეს არ იყო ერთი ადამიანის ბედის ისტორია. მე მასში დავინახე მაღალი, უდრეკი სული ჩვენი ადამიანისა ზოგადად და სწორედ ამან მაიძულა ხელთ ამელო კალამი.

...მაღე მყუდროებამ და სიბნელემ მოიცვა დასასვენებელი სახლი. მხოლოდ ერთადერთ ფანჯარაში მოჩანდა სინათლე. ალბათ, იქ ახლა მაგიდასთან ღამეს ტეხდა კაცი, რომელიც ეძებდა შესაფერ აზრსა და სიტყვას საბჭოთა ადამიანის ყველაზე მაღალი და ძლიერი გრძნობის გადმოსაცემად.



ნახატი დ. დუნდუასი.

## ნორკა ჯაღალონია

### არსენას საფლავთან

შენ ლურჯა ცხენი გიყვარდა, მეც ლურჯა ცხენით მოვედი,  
შენ პურ-მარილი გიყვარდა, მეც პურ-მარილით მოვედი,  
შენ ძმა-ბიჭები გიყვარდა, მეც ძმა-ბიჭებით მოვედი,  
შენ გულმართალი გიყვარდა, მართალი გულით მოვედი.

მოვედით შენი სტუმრები, სტუმარი მუდამ გინდოდა.  
გვეგონა, დაგვიხვდებოდი მგზავრებს მუხფერდის მინდორთან.  
მაგრამ ვაჰმე, რომ საფლავში შავმა სიკვდილმა ჩაგრაზა,  
ნალ-ქაფიანი ლურჯაით ვერ აამღერებ შარავზას.

მოვედით, შენი საფლავი ვერ წარუშლია ქარ-წვიმებს,  
მოვედით და შენს სამარეს ღვინო და ცრემლი ვაწვიმეთ-  
თუმც დაუნდობმა გულებმა შენი გული არ დაინდეს,  
არ გაგყოლია მტრის ჯავრი, სევდა ვალად არ დაიდე.

სუფრაზე შემოგვისწრეს და მტერსაც არ დახვდი უნდოდა.  
შენ კახურ ღვინოს ასმევდი, მათ შენი სისხლი უნდოდათ.  
აბა მტერს რაღა დალევდა, ვაჟკაციო მტრიანი.  
შენ პურს აჰმევდი, იმათ კი მიწა გაჭამეს მტრიაანი.

...ცხრაღარიანი ფრანგული ალგეთში დახრა ქვიშამა,  
გაშავდეს მისი მარჯვენა, მიჯნური ვინც გაგიშავა.  
პირისისხლიანი ხანჯალი, ვინც შენს ჩოხაზე გაწმინდა.  
თუ მტრებმა ტყვია გაწვიმეს, მართალთა ცრემლი გაწვიმდა.

შენ ყველა დედამ გიგლოვა, ყველა ქალწულმა გახსენა,  
ჩვენ ყველა ქართველ ვაჟკაცებს ვარქმევთ კაკოს და არსენას.



## გიორგი სანაღიბაძე

### რად მეუბნები

ატმის სურნელი მოდის ბალიდან,  
ქარი ალუჩებს ალერსით არწევს,  
ამელამ ისე კარგი დარი დგას,  
მინდა ამ ლორთქო ბალახში დავწვე.

მთვარეს ღრუბლების ეტლში სურს ჩაჯდეს,  
ო, ამ მიმოზებს რა სიტყბო უდით,  
ისე დავწვები, რომ ნათლად ჩანდეს  
ცის ტატნობი და ვარსკვლავთა გუნდი.

თუკი ბინდდება, დაბინდდეს ბარემ,  
შორს გამიტაცონ ფიქრებმა თანა,  
მე გადაღლილი დავხუჭავ თვალებს,  
რომ ხეთა რიგმა მიმღეროს ნანა.

რომ ქართულ მიწის სითბო შევიგრძნო,  
რომ ვავეჯიბრო ფრთამალ არწივებს...  
რად მეუბნები, გაცივდებო,  
შვილს დედის უბე განა აცრვებს?





ჯამაქ ჯაყელი

## მეორედ შეხვედრა

მზე საშუადღეოზე ენთო. სიცხე მძლავრობდა. უცებ მანქანის გუგუნნი მოისმა და გაძლიერდა. უკანა ბორბლები მწარე და შემხუთავ კვამლში ეხვევოდა. ბოლოს, პლატონ ლიადის ჭიმკრამდე ძლივს მიაღწია, ჩაითუხტოხტა და გაჩერდა.

„ცულ დროს გაფუქდა“, — გაიფიქრა შოფერმა და მანქანიდან გადმოხტა. შემდეგ მოტორს კაპოტი ახადა, ბევრი უკირკიტა, მაგრამ ვერა გააწყო რა. ბოლოს იმედგადაწყვეტით თავი გაიქნია და გზატკეცილის ორივე მხარეს გაიხედა. გამოჩნდა სატვირთო მანქანა. შეღონებულმა შოფერმა ხელით ანიშნა...

— რა დაემართა?

— საწვავის მიმწოდებელი გაფუქდა, ხრახნები გადამუშავებულა და მომძვრალა. ხომ არ გექნებათ?

შოფერმა უარის ნიშნად თავი გაიქნია.

სატვირთო მანქანა გუგუნით დაიძრა. „პობედა“ კი იდგა, იდგა დამცხრალი და ჩაყუჩებული. ბევრო იჯახირა შოფერმა, მაგრამ ამაოდ. ხელებზე დაიხედა — სულ გასვროდა, ტანსაცმელზეც ბლომად წასცხებოდა გადამუშავებული, მტვრიანი ზეთი. ნირშეცვლილმა პაპიროსს ჩაბერა, გააბოლა და მგზავრ ქალს მიუბრუნდა:

— შეგიძლიათ ქვეითად წაბრძანდეთ. როგორც ხედავთ, მანქანა გაფუქდა. მანქანიდან ჩვილბავშვიანი ქალი გადმოვიდა და ხელბარგი გადმოიტანა: ერთი მოზრდილი ჩემოდანი და ორი ფრთებმუკერული ინდაური.

— როგორ წავიღო ჩვილ ბავშვთან ერთად ეს ხელბარგი? — შეწუხებული სახით იკითხა ქალმა.

— როგორც მოახერხოთ... — მოკლედ მოუჭრა შოფერმა.

თითქოს დედის გასაჭირი ივრძნო, ბავშვი გულისგამაწვრილებლად აჰყიპინდა. დედამ ძლივს დაშოშმინა იგი და შოფერს მიუბრუნდა:

— მანქანას არავინ გაიტაცებს, მით უფრო, რომ გაფუქებულია. გფხოვთ, როგორმე მომეშველოთ...

— არ შემიძლია, — ცივად წარმოთქვა შოფერმა და, რადგან შეატყო უხეში პასუხი გამოუვიდა, განმარტა: — შოფერის ზურგზე რომ ტვირთი დაინახონ, ხამიო, გამცინებენ.



„არც შეცდებიან“, — უნდოდა ეთქვა ქალს, მაგრამ თავი შეიკავა.

— მაშ რა ვქნა?

მცირე ღუმილის შემდეგ შოფერმა ნიშნისმოგებით უთხრა:

— ხელავ იმ კაცს?

— რომელს?

— აი, ჭიშკართან რომ ზის.

— ეტყობა მღებავია.

— მერედა რა, რომ მღებავია? გასამრჯელოს გადაუხდი და ტვირთს წავიღებ. იქნებ გაუხარდეს კიდევ.

— რომ არ ვიცნობ?

— ასეთი მოკრძალებით სამოთხეში ვერ შეხვალთ, ქალბატონო. რა საჭიროა ნაცნობობა!.. ტვირთს მიგიტანს და მის საქმეს საღამომდე მაინც მოასწრებს.

ისინი რომ ლაპარაკში იყვნენ, პლატონ ლიაძე ჭიშკრის ზღრუბლზე იჯდა და პაპიროსს აბოლებდა. თანაც ჩვილბავშვიანი ქალის უმწეობა აფიქრებდა. ქალი მასთან მივიდა და გაუბედავად სთხოვა:

— უკაცრავად, ხელბარგის გადატანაში ხომ ვერ დამეხმარებით? თუ საჭიროა, სახლის მფლობელს ვთხოვ ნება დაგართოს.

პლატონ ლიაძე უყოყმანოდ დაეთანხმა.

— არავითარი ნებართვა არაა საჭირო... მოგეშველებით.

— მაშ წამობრძანდით, გასამრჯელოს არ დავიშურებ.

გასამრჯელოს ხსენებაზე პლატონ ლიაძემ გაიღიმა და თქვა:

— მაგაზე შემდეგ ვისაუბროთ. თქვენ ეს მითხარით, შორს ცხოვრობთ?

— არა, ძალიან ახლოს.

— კეთილი, მომეცით ეგ ჩემოდანი. თქვენ მხოლოდ ერთი ინდაურის წაყვანაში მომეშველეთ.

ქალს გაეღიმა.

მხარზე ჩემოდანს რომ იდგამდა, შოფერი მიეშველა, თანაც უთხრა:

— ამოდენა ბეჭებისათვის ერთი ჩემოდანი, სამფუთიანიც რომ იყოს, არაფერია.

პლატონ ლიაძეს სიტყვა არ დასცდენია, თუმცა ტვირთმა ოდნავ წელში მოხარა. შოფერმა ჩემოდანს დაჰკრა ხელი და უცნობი გაამხნევა:

— არაფერია, მაგისტანებს ბევრს მოინაცვლებს თქვენი ბეჭები!—ხოლო, როცა ისინი გზას გაუდგნენ, შოფერმა თავისთვის ჩაილაპარაკა: ამოდენა ბეჭების პატრონია და მაინც დონდლო ჩანს.

მანქანის კაპოტზე წამოსკუპული შოფერი იღიმებოდა და დამცინეად უმზერდა პლატონს, რომელიც მძიმედ და ზანტად მიაბიჯებდა.

პლატონ ლიაძე უიღბლო მგზავრს ეკითხებოდა.

— საიდან მობრძანდებით, ქალბატონო?

— სოფლიდან, — მოკლედ მოსჭრა ქალმა და, რადგან პასუხი მეტად მოკლე აღმოჩნდა, ზრდილობისათვის დაუმატა:

— გათხოვილი ქალი რომ მშობლების ოჯახს ესტუმრება, შიშით ფილთაქვაც დაიმალება, არ წამიღოსო.

— მაგით თქვენ იმას ამბობთ, რომ გათხოვილი ქალი მშობლის ოჯახში თვალხარბია, არა?!

— დიახ.



— მარგალიტიც კი მძიმეა ძუნწისათვის, თუ ვერ ზიდა...

ქალმა ვერ გაიგო ნათქვამი, მაგრამ არ შეიძინია.

პლატონმა ძლივძლივობით მოინაცვლა მხარზე ტვირთი და ქალს მიუბრუნდა:

— სად მუშაობთ?

— ექიმი ვარ! ახლახან დამნიშნეს რესპუბლიკური საავადმყოფოს ორდინატორად... ერთ კვირაში შევეუდგები მუშაობას.

პლატონმა მას თვალეში ჩახედა, თითქოს გაუკვირდო, მაგრამ არა ჰკითხა რა.

როცა პლატონი ოფლში გაწურული მძიმედ მიაბიჯებდა და სიტყვაძუნწი თანამგზავრისაგან მოკლე პასუხებს ისმენდა, მის ეზოში დარბაისელი ქალი გამოვიდა და მიდამოს თვალი მოავლო: „ნეტავ, სად წავიდა პლატონი?“

ჭიშკარს მიუახლოვდა. საღებავის ყუთი და ფუნჯიც იქვე იდო, პლატონი კი არსად ჩანდა.

ქალის მღვლვარება შენიშნა გამურულმა შოფერმა და გაესაუბრა:

— ვის ეძებთ, დეიდა?

— არავის, შეილო, აქ რომ კაცი იყო...

— მღებავი?

ქალს აშკარად არ მოეწონა სიტყვა „მღებავი“, მაგრამ თავი შეიკავა.

— სად წავიდა ნეტავ? — ბრაზმორევით ჰკითხა შოფერს.

— მე რას მიბრაზდები, დეიდა, მე ხომ არ გამიგზავნია? რა მოხდა, ტვირთი წააღებინა ჩვილბავშვიან ქალს და მალე მოვა.

— ტვირთი წააღებინაო? — აენტო უცნობი ქალი.

— შე ვუთხარი იმ ქალს, რომ სახლის მეპატრონისაგან ნებართვა აიღე და ისე წაიყვანე-მეთქი ეგ მუშა. მაგრამ ხომ იცი მუშების ხასიათი: ახალი ლუკმაც არ გადააგდო და... მალე დაბრუნდება, თქვენს სამუშაოსაც მოასწრებს საღამომდე.

ქალმა შუბლში ხელი იტკიცა.

— რამდენად ხართ გარიგებული, დეიდა?

— რაზე უნდა ვიყო გარიგებული, რაებს ლაპარაკობ?!

— ჭიშკრის შეღებვაზე, დეიდა, ჭიშკრის შეღებვაზე. მისმა მზემ, ტყუილად შეგიღებავს, მაგათი ამბავი რომ ვიცი...

ქალმა პასუხი არ გასცა შოფერს და ლასლახით შევიდა სახლში.

შოფერმა მიადანხა:

— ორასიოდე მეტრი ჰქონდა გასაველი, აქეთაც ორასი, სულ ოთხასი. დიდი-დიდი ერთი საათი დასჭირდეს. შრომამოწყურებულისათვის ეს ცოტაც კია.

ამ დროს მღებავის ტანისამოსში გამოწყობილი პლატონი მგზავრ ქალს ეკითხებოდა:

— კიდევ შორს არის თქვენი სახლი, ქალბატონო?

— აი, იმ სახლის იქით, ცოტაღა დარჩა.

რადგან ცხვირსახოცის ამოსაღებად აღარ ეცალა, პლატონმა ხალათის სახელოთი მოიწმინდა შუბლზე ჩამოდვრილი ოფლი და კითხვა გაუმეორა:

— ის აივნიანი სახლი ხომ არაა თქვენი, ექიმო?

— ცოტა იქით-მეთქი, ხომ გითხარით!

ელენე დიდი გულმოდგინებით შეუდგა თავის საქმეს. თანდათან ეცნობოდა მუშაობის თავისებურებას, დაწესებულების მუშაებს...

სამუშაოს დაწყების მეორე დღეს მას განუცხადეს: დღეს ქირურგიის კაბინეტ-ლაბორატორიაში პროფესორი კონსულტაციას ატარებს ახალგაზრდა ქირურგებთან.

ელენემ დიდი კმაყოფილებით მიიღო მიწვევა.

კაბინეტ-ლაბორატორიაში ქირურგიული ხელსაწყო-იარაღები იყო დალაგებული. თეთრ ხალათში გამოწყობილი სათვალისანი მამაკაცი ცდას ატარებდა. შტატივის ქვეშ მკრთალად ანათებდა სპირტქურა.

ელენემ აბრეშუმის ხელთათმანები მაგიდაზე დააწყო. დეღავდა, რომ გეკითხნათ, ვერ გიპასუხებდათ, პროფესორთან შეხვედრას განიცდიდა, თუ... კუთხეში მდგომი მამაკაცი ღინჯად მოტრიალდა ელენესაკენ, სათვალე მოიხსნა და მოსულს მიესალმა.

— ახალგაზრდა ექიმი ადგილზე გაქვავდა. სიტყვა ბურთივით გაეჩხირა ყელში, დაიბნა, არ იცოდა, რა ექნა, იცნო... იცნო, ვინც იყო ეს პროფესორი, გაფითრდა, მუხლები მოუდუნდა.

პროფესორი პლატონ ლიაძე მიუახლოვდა და მისი დამშვიდება სცადა.

— ნუ დეღავთ, ელენე! მით უფრო, ჩვენ ნაცნობებიც ვართ! — ღმილით თქვა და სავარძელი შესთავაზა.

ელენემ ძლივს წარმოთქვა:

— მომიტევეთ, ბატონო პროფესორო!


პლატონმა კვლავ მშობლიურად გაუღიმა და მზრუნველობით უთხრა:

— საბოდიშო არა გაქვთ რა!

— შეგაწუხეთ... როგორ ვიფიქრებდი, რომ ის მღებავი... — ძლივს აღმოხდა და ცრემლი მოერია, ხოლო, როცა ოდნავ დამშვიდდა, კვლავ გაიმეორა:

— რა უბრალო საქმეზე შეგაწუხეთ!

— არაფერია! მე მხოლოდ ადამიანური მოვალეობა მოვიხადე.



## საჩხუპი ესენინი

### ძაღლის შვილი

ამოტივტივდნენ წლები ბინდიდან —  
გვირილის მდელი შრიალებს თითქოს;  
მე მომაგონდა ძაღლი იჩქითად,  
ჩემი ბავშვობის დოსტი რომ იყო.

შეუწყვეტია შრიალი წარსულს,  
როგორც ნეკერჩხლის ფოთლების დასტას.  
თეთრად შემოსილს ვივინებ ასულს,  
ძაღლს წერილები დაჰქონდა მასთან.

ყველას ხომ არ ჰყავს თავის სწორფერი-  
ის კი ლექსივით გულში მღეროდა,  
რადგან არასდროს ჩემს ალალ წერილს  
არ ააცლიდა ძაღლს საყელოდან.

წასაკითხავად თან არ მიჰქონდა  
და ჩემს ხელს არც კი იცნობდა იგი,  
ხოლო ძახველთან დიდხანს ფიქრობდა,  
ძახველთან — ყვითელ გუბურას იქით.

მისი ღუმელი გულს მიღონებდა.  
წავედი — პასუხს ველარ ველირსე...  
გავიდა წლები... ცნობილ პოეტად  
ნაცნობ ჰინკართან მოვედი ისევ.

ის ძაღლი მოკვდა — ველარ შევხვდები,  
მაგრამ მოცისფრო ბეწვით მოსილი  
შემომხვდა ლეკვი გაბმული ყეფით  
და მე ვიცანი იმ ძაღლის შვილი.

დედავ! როგორ ჰგავს ერთი მეორეს,  
ისევ ვიგრძენი ტკივილი მწველი,  
თითქოს ბავშვობას შევხვდი მეორედ,  
მზად ვარ ხელახლა ვგზავნიდე წერილს.

ხელახლა ვხარობ ძველი გალობით.  
 ნულარ ყეფ ლეკვო, ნულარ ყეფ, კმარა.  
 მოდი გაკოცო — შენი წყალობით  
 გულში მაისი კვლავ ჩამედვარა.

ჩაგეხუტები, შეგიყვან სახლში,  
 მეგობარივით დაგისვამ გვერდით...  
 თეთრკაბიანი მიყვარდა მაშინ,  
 ახლა კი ცისფერკაბიანს ვეტრფი.

\* \* \*

არას ვნადვლობ, არვის ვუხმობ ცრემლით,  
 აღსასრული ელის ქვეყნად ყოველს.  
 ჭკნობის ოქრომ მეც დამრია ხელი,  
 სიკაბუტეს სამუდამოდ ვტოვებ.

სურვილებში გავხდი ძუნწი, ფრთხილი,  
 ცხოვრებაო, მითხრა, ამისხენი:  
 სიზმრად გნახე, თუ მაისის დილით  
 გავაჟენე ვარდისფერი ცხენი.

გელირსება გულო, ძგერა მშვიდი,  
 სუსხმა დაგკრა, ცეცხლი გაგინელა.  
 ვერ მოგხიბლავს არყისხეთა ჩითი,  
 ფეხშიშველი ვერ გაივლი ველად.

ხეტიალით შეპყრობილო სულო,  
 გეშრიტება სიმღერების წყარო,  
 ოი, ყრმობავ, უკვე დაკარგულო,  
 შლეგო ცქერავ, გრძნობის ნიღვარო.

ყველაფერი იხრწნება და კვდება,  
 ოქრო სცვივა ნეკერჩხალის ტოტებს.  
 საუკუნო კურთხევა და ქება,  
 ვინც გაჩნდა, რომ აყვავდეს და მოკვდეს.

თარგმნა გიორგი სალუქვაძემ.



## ჯაკ ღონღონი

### ერთდღიანი გაჩერება

ასეთი თავბრუდამხვევი რბოლა არასოდეს მინახავს, ათასობით მარხილი მიჭროდა ყინულზე. ყველაფერი ბურუსში დანთქმულიყო. ერთი შვედი და ორი სხვაც კიდევ გაიყინენ იმ ღამეს. თორმეტიოდნე კი ფილტვები შესწირა. მე ხომ საკუთარი თვლით ვინილე ყინულჭრილის ფსკერი. მდოვრის საფენივით ყვითლად ბრჭყვიანობდა იქ ოქრო. აი, რატომ შევიტანე განაცხადი და პალოებით შემოვსაზღვრე ის ადგილი იუკონზე. სწორედ ამიტომ ატყდა ორომტრიალი. შემდეგ კი იქ არაფერი აღმოჩნდა, სრულებით არაფერი-მეთქი გეტუბებით, და დღემდე ვერ გამოვია, როგორ მოხდა ყოველივე ეს.


#### შორტის ნაამბობი.

ჯონ მესნერი თათმანიანი ცალი ხელით სამართავ ლატანს ჩასკიდებოდა და მარხილით კვალს მისდევდა, მეორეთი კი ლოყებსა და ცხვირს ისრესდა. იგი წამდაუწყუმ ისრესდა ლოყებსა და ცხვირს. ნამდვილი რომ ვთქვათ, იშვიათად შეასვენებდა ხელს და ხანდახან, როცა სახე უფრო ეთომებოდა, მეტი გაცხარებით განაგრძობდა სრესას. შუბლსა და ყურებს ბეწვის ქუდი უფარავდა. სახის დანარჩენ ნაწილს შეყინული ხშირი ოქროსფერი წვერი იცავდა.

მის უკან მძიმედ დატვირთული იუკონური მარხილი მისრიალებდა, ხოლო წინ საცოდავად მიბობდავდა მასში შებმული ხუთი ძალი. დვიდი, რომლითაც ისინი მარხილს ეზიდებოდნენ, მესნერს ფეხზე ეღებოდა. რაკი მოსახვევი ბევრი ზღვებოდათ, მასაც ხშირად უწევდა გადაბიჯება. დროგამოშვებით ღვედს წამოდებოდა და ფორხილობდა. მესნერი უგერგილოდ მოქმედებდა. იგი ისე იყო დაღლილი, რომ ხანდახან მარხილი ფეხებზე გადაუყოლიდა.

სწორ გზაზე რომ გავიდა, სადაც მარხილი უმისოდაც წავიდოდა, მესნერმა სამართავ ლატანს ხელი უშვა და მარჯვენა რამდენჯერმე მძლავრად დაჰკრა მაგარ ხეს. იოლი არ იყო ხელში სისხლის მიმოქცევის აღდგენა. მაგრამ ერთი ხელით რომ ხეს ურტყამდა, მეორეთი განუწყვეტლივ ისრესდა ცხვირსა და ლოყებს.

„შეთძლებელია ასეთ ყინვაში მგზავრობა,“ — თქვა მან. იგი ხმამაღლა ლაპარაკობდა, როგორც ეს ხშირად მარტოობას შეჩვეულ ადამიანებს ჩვეულებათ — „ამ სიცივეში უკუუოს-მეტი გზას არავინ დაადგება. ოთხმოცი თუ არა, სამოცდაცხრამეტი გრადუსი ყინვა მაინც იქნება“.



მესნერმა საათი ამოიღო, რამდენჯერმე ხელში შეატრიალ-შეწოტოტრიალა და ისევ სქელი ბეწვის ქურქის შიგა ჯიბეში შეინახა. შემდეგ მისი ხელი სახმრეთისაკენ გადაჭიმული ცის თეთრი ზოლი შეათვალღერა.

„თორმეტი საათია,“ — წაიბუტბუტა მან. — „ცა კრიალა, მზე კი არა ჩანს.“ ათი წუთის განმავლობაში კრინტი აღარ დაუძრავს. მერე, თითქოს ლაპარაკი არ შეეწყვიტოს, ფიქრმიყოლებით განაგრძობს: „ცოტა მანძილი გამოვცარე, შეუძლებელია ასეთ ყინვაში მგზავრობა.“

„ჰო-უ!“ უყვირა უცებ ძაღლებს და შეჩერდა. თავზარდაცემულმა, მარჯვენა ხელი მთლად არ გამიმშდესო, მომეტებულად დაუშინა სამართავ ლატანს.

„უბედურებო!“ — მიმართა მან ძაღლებს, რომელნიც ყინულზე გაწვნივ სულის მოსათქმელად. გამეშვებულ ხელს მესნერი ისე ძაღვმად ურტყამდა ხეს, რომ სიტყვებს ნაწყვეტ-ნაწყვეტად ისროდა — „ისეთი რა დაგიშვებიათ, რომ ორფეზა ცხოველებმა მარხილში შეგაბეს, ყველა თქვენს ბუნებრივ მიდრეკილებას ლაგამი ამოსდეს და მონებად გაქციეს.“

ანგარიშმიუცემლად, გამაგებით ისრესდა ცხვირს, რათა შიგ სისხლის მოძრაობა გამოეწვია. შემდეგ ძაღლები ფეხზე წამოჰყარა და გზას გაუდგა. იგი ყინულით დაფარულ დიდ მდინარეს მიუყვებოდა. მესნერის უკან ის რამდენიმე მილის მანძილზე მიიკლაკნებოდა, მერე კი ერთმანეთში უცნაურად გადახლართულ თოვლითა და გარინდებით დაყურსულ ქედებში იკარგებოდა: წინ მდინარე აუარებელ ტოტს ქმნიდა და საკუთარ მკერდზე თავშესაფარს აძლევდა კუნძულებს, რომლებიც მდუმარებასა და სითუთრეს მოეცვა. არც ერთი სულიერი არ არღვევდა სიჩუმეს, არ ისმოდა მწერის ზუზუნიც, გაყინულ ჰაერს არ სერავდა ფრინველი. კაცის ჰაჰანება არსად იყო, არც რაიმე მისი ნიშანწყალი ჩანდა. მკვდრული ძილით ეძინა ჩვეყანას.

თითქოს ყოვლისმომცველ აპათია დაეუფლაო, ჯონ მესნერს სიცივემ გონება დაუზრო. თავჩაქინდრული წინ მილასლასებდა, ყურადღებას არაფერს აქცევდა და ანგარიშმიუცემლად ისრესდა ცხვირსა და ლოყებს. სწორ გზაზე გავლისას გაშეშვებულ ხელს ლატანს ურტყამდა.


მაგრამ ძაღლები ფხიზლობდნენ. უეცრად ისინი შედგნენ და თავები პატრონისაკენ მოაბრუნეს. კითხვითა და მწუხარებით სავსე იყო მათი გამოხედვა. ყინვას დაეთრთვილა ყველა მათგანის ტუჩი და წამწამი. ისე გაითრთნენ და მოქანცნენ, რომ დავარდნას არაფერი უკლდათ.

მესნერს უნდოდა გაერეკა ძაღლები, მაგრამ თავი შეიკავა, ძალა მოიკრა და ირგვლივ მიმოიხედა. ძაღლები ყინულჭრილს მიდგომოდნენ. ეს ნაბრალო არ იყო, არამედ ადამიანის მიერ სამნახივარი ფუტის სიგანის ყინულში ცულით გულმოდგინედ ამოჩენილი ახალი ქრილი. ყინულის სქელი ფენა მოწმობდა, რომ კარგახანია მისგან არავის უსარგებლია. მესნერმა თავი მიმოავლო იქაურობას. ძაღლებმა უკვე მოძებნეს გზა. თვითიული მათგანის დაღრეჯილი და დათრთვილი ტუჩი მისჩერებოდა თოვლზე ძნელად შესამჩნევ ბილიკს, რომელიც მთავარი სამდინარო გზიდან უხვევდა და კუნძულის ნაპირს აღმა მიჰყვებოდა.

„დაე, აგრე იყოს ბეჩავებო!“ — თქვა მან — „წავალ, ყველაფერს მითვალ-მოვათვალღერებ, ჩემზე მეტად მაინც არ გენდომებათ დასვენება.“

იგი ბილიკს შეუყვავა და მიიშალა. ძაღლებს დაწოლა არც კი უფიქრიათ, მოუთმენლად ელოდებოდნენ მის გამოჩენას. ის რომ დაბრუნდა, მარხილის ცხვირზე მიბმული თოკი მოხსნა და მხრებზე დაიმგრა. მერე ძაღლები მარჯვნივ მიბრუნა და სანაპიროსკენ გარეკა. ძნელი იყო მარხილის ათრევა, მაგრამ ძაღლებს აღარ ახსოვდათ დაღლილობა და უკანასკნელი ძაღვების დაძაბვით წინ მიიწვიდნენ. მოუთმენლობითა და სიხარულით აღსავსენი წამოტყუნებდნენ. როცა რომელიმე მათგანი ყინულზე დაცურდებოდა ან წაიბორძიკებდა, უკან მდგომი ფეხზე ჰკბენდა.





ადამიანი გამამხნევებელი შეძახილებით ეხმარებოდა ძალღმრთის მუქარას დააყოლებდა და მთელი ტანით თოკს აწებებდა.

თავგამეტებული მონდომებით ძაღლებმა მარხილი ზეგით აათრიეს. მერე მარცხნივ შეუხვიეს და პატარა, ძელურ ქოხს მიაშურეს. უკაცრიელი ქოხის ერთადერთ ოთახს რვა ფუტი სიგრძე და ათი ფუტი სიგანე ჰქონდა. მესნერმა ძაღლები გამოხსნა, მარხილი გადმოტვირთა და სადგომს დაეპატრონა. უკანასკნელ მგზავრს აქ ცოტა შეშა დაეტოვებინა. მესნერმა თავისი მსუბუქი რკინის ღუმელი დადგა და ცეცხლი შეანთო. მერე ზედ ხუთი გამხმარი ორჯული დააწყო ძაღლებისათვის. ყინულჭრილიდან წყალი ამოიღო და ჭურჭლები გაავსო.

სანამ წყალი ადუღდებოდა, მესნერს სახე ღუმელთან ახლოს ეჭირა. სქელი ყინულის ფენა, რომლითაც წვერი ჰქონდა დაფარული, დნობას იწყებდა. წვეთები ღუმელზე ეცემოდა და შიშანი ვაჰქონდა. მესნერი თითებით იგულჯდა ყინვის ლოლუებს და ისინი ხმაურით ეცემოდნენ იატაკზე.

გარეთ ძაღლები გააფთრებით აყეფდნენ, მაგრამ მესნერი თავის საქმეს განაგრძობდა. მას ესმოდა ძაღლების წკავწკავი და ყმუილი, მერე ვილაციების ხმაც გაიგონა. კარებზე დააკაკუნეს.

„შემოდით,“ — გასძახა მან დახშული ხმით, რადგან იმ წუთში ზედა ბაგეზე დარჩენილ ყინულის ნაჭერს ილოკავდა.

კარი რომ გაიღო, ორთქლის ბულში გახვიულმა მესნერმა კარის ზღურბლთან ატუხული ქალი და კაცი შეამჩნია.

„შემოდით და კარი მიხურეთ,“ — მბრძანებლური კილოთი მიმართა მან.

სადგომში ისეთი ბული იდგა, რომ მესნერმა ძლივს გააჩნია შემოსულები. ქალს სახე გულმოდგინედ შეეფუთნა და მხოლოდ შავი თვალები მოუჩანდა. მამაკაციც შავთვალა იყო. სახე სუფთად გაეპარსა. ყინვით დართვილული უღვაშები ტუჩებს უფარავდა.

„იქნება იცით, ახლომახლო სხვა სადგომი ხომ არ მოიპოვება?“ — ჰკითხა მან მესნერს და ქოხის ღარიბ მოწყობილობას ახედ-დახედა. — „გვიგონა აქ არავინ იყო.“

„ეს ქოხი ჩემი არ არის,“ — უბასუხა მესნერმა, — „მე თვითონ რამდენიმე წუთის წინ ვიპოვე იგი. შემოდით, მოეწყით. დავეტვით როგორმე. ღუმელის დადგმა აღარ დაგჭირდებათ. ოთახი ყველას ეკუთვნის.“

მესნერის ხმა რომ გაიგონა, ქალმა ცნობისმოყვარეობით შეხედა მას. „გაიხადე!“ — მიმართა ქალს მისმა თანამგზავრმა. — „მე წავალ ძაღლებს გამოგვხსნი და წყალს მოვიტან საჭმლის მოსამზადებლად.“

მესნერმა გამხმარი თევზი აიღო და ძაღლებს წაუღო. ცოტახანს იმათ უთვალთვალებდა. სხვა ძაღლებმა საჭმელი არ წაართვანო. მერე ქოხში შემობრუნდა. ახალმოსულს უკვე მოესწრო მარხილის გადმოტვირთვა და წყალიც მოეტანა. მესნერის ყავადანი დუღდა. მან ჩაყარა ყავა, ნახევარი ჰაქა ცივი წყალიც თან ჩაუმატა და ღუმელიდან ჩამოდგა. შემდეგ რამდენიმე ცალი ორცხობილა დააწყო ზედ და ცერცვის შეჭამანდი გააცხელა, წინაღამით რომ მოხარშა და გაყინული მთელი დღე მოჰქონდა.

ღუმელიდან რომ ჭურჭელი ჩამოდგა და ახალმოსულებს საჭმლის გაკეთების საშუალება მისცა, მესნერი ქვეშაგების ფუთაზე ჩამოჯდა. კერძი სურსათის ყუთზე დაიდგა და ყბები აამოძრავა. ჭამის დროს გზისა და ძაღლების შესახებ ელაპარაკებოდა უცნობს, რომელსაც თავი ღუმელთან მიეახლოებინა და უღვაშებზე ყინვას იდნობდა. ქოხში ორი საწოლი იდგა. როცა მან ბოლოს ტუჩები გაითავისუფლა, ქვეშაგების შეკვრა ერთ-ერთ მათგანზე შეაგდო.

„ჩვენ აქ დავიძინებთ, თუ თქვენ ეს საწოლი არ გირჩევნიათ.“ — უთხრა მან მესნერს. — „თქვენ პირველი მოხვდით და არჩევანიც თქვენია.“

„ჩემთვის სულერთია.“ — მიუგო მან. — „ორივე კარგია.“



მერე მეორე საწოლზე გაშალა ლოგინი და კიდევ მოთავსდა. უცნობმა სამგზავრო საექიმო ჩანთა საბანქევში ამოდო ბაქარებში.

„ექიმი ხართ?“ — ჰკითხა მესნერმა.

„ღიას“, — დაუდასტურა მან: — „მაგრამ გარწმუნებთ, კლონდაიკში პრაქტიკის მისაღებად არ მოვსულვარ.“

ქალი საშუმელს ამზადებდა, ხოლო მამაკაცი შაშხს ჰკრიდა და ლუმელში შვშას უმატებდა. ქოხში მკრთალი სინათლე იდგა, რომელიც პატარა სარკმლიდან შემოდის, სარკმელზე გაქონილი ქალაქი იყო გაკრული. ამიტომ ჯონ მესნერმა კარგად ვერ გაარჩია, როგორი იყო ქალი. იგი არც ცდილა ამას. როგორც ჩანდა, ეს ქალი მას არ აინტერესებდა. მაგრამ ის, თავის მხრივ, ხშირად აპყრობდა ცნობისწადილით სავსე მზერას იმ კუთხისკენ, სადაც მესნერი იჯდა.

„ოჰ, დიდებულია აქ ცხოვრება!“ — აღტკინებით წარმოთქვა ექიმმა და ლუმელის მიღზე დანის ლეკვას თავი ანება. — „ო, როგორ მიტაცებს ყოველდღიური ჭიდილი სიცოცხლისათვის, ბრძოლა საკუთარი ლუკმისათვის, მიყვარს მისი პრიმიტიულობა, მისი რეალობა!“

„აქ ტემპერატურა მართლაც რომ საკმაოდ რეალურია,“ — გაეცნა მესნერს.

„იცით, ახლა რამდენი გრადუსია?“ — შეეკითხა ექიმი.

მან თავი გააქნია.

„მაშინ მე გეტყვით. სპირტის თერმომეტრი, მარხილში რომ მაქვს, სამოცდათხუთმეტ გრადუსს ყინვას უჩვენებს.“

„ე. ი. ა. აქვს — გაყინვის წიგრილს ჩვევით. მგზავრობისათვის მეტი-მეტია, არა?“

„ნამდვილი თვითმკვლელობა“ — დასძინა ექიმმა, — „ადამიანს ღონე ელევა. მიძიდ სუნთქავს, ხარბად ნთქავს გათოშოლ ჰაერს, ქსოვილების კიდევს რომ უყინავს. მერე მას მშრალი, მკვირი ხველები შემოიჩვივა და მკვდარ ქსოვილს ამოახველებს. მომავალ გაზაფხულზე კი იგი კვდება ფილტვების ანთებისაგან, რომელიც ვერ გაუგია საიდან დაემართა. თუ ტემპერატურა ნულს ქვემოთ 50 გრადუსამდე მინც არ აიწია, ამ ქოხიდან ერთ კვირას ფიხს არ მოვიცვლი.“

„აბა, შეხედე ტეს,“ — დააყოლა მან. — „მგონი, ყავა კიდევაც დულს!“

ქალის სახელი რომ მოესმა, ჯონ მესნერი უეცრად შეკრთა, მერე მას ელვისებური მზერა ესროლა და სახე მოელუშა. დიდი ხნის მოშუშებულმა იარამ პირი მოიხსნა. მაგრამ იმ წამსვე დაიოკა მღელვარება, სახეზე სიმშვიდე გამოეხატა, თუმცა შინაგანად აფორაქებული და უკმაყოფილო იყო, რადგან მკრთალი შუქი ქალის გარკვევით დანახვის საშუალებას არ აძლევდა.

ქალმა ანგარიშმიუცემლად, პირველ რიგში, ლუმელიდან ყავადანი გადმოღვა და მერე მესნერს დააკვირდა. მას უკვე აღარაფერი ემჩნეოდა, საწოლის კიდევზე იჯდა და გულგრილად დაცქეროდა საკუთარ მოკასინებს. მაგრამ შემდეგ, ტესი რომ კვლავ თავის საქმეს მიუბრუნდა, მესნერმა სწრაფად შეხედა მას და ანაზღად მობრუნებულმა ქალმა დაიჭირა ეს გამოხედვა. მესნერმა მზერა საჩქაროდ ექიმზე გადაიტანა და ბაგეზე ღიმილი აუთამამდა, ეს რა ხაფანგი დამიგოო.

ქალმა ყუთიდან სანთელი ამოიღო და აანთო. მესნერისათვის ერთი შეხედვაც საკმარისი აღმოჩნდა მის განათებულ სახეზე. პატარა ქოხში ქალმა რამდენიმე ნაბიჯი გადმოღვა და მას გვერდით გაუჩერდა. სანთელი განზრახ მესნერის თავს მიუახლოვა და სახეში შეაჩერდა. ქალის გაფართოებული თვალები მოწმობდნენ, რომ მან იცნო ის. მესნერმა მშვიდად გაუღიმა.

„რას ეძებ, ტეს?“ — ჰკითხა ექიმმა.

„თმის დასამაგრებელს,“ — უპასუხა მან და საწოლზე დადგმულს მისი საცმლის ფუთა გახსნა.

ახალმოსულებმა საჭმელი საკუთარ ყუთზე დადგეს და თვითონ მესნერის პირდაპირ მოთავსდნენ. ის კი ლოგინზე გაიმხლართა და ხელები თავქვე ამოიწყო. ასე გეგონებოდათ, ამ მცირე ქონში სამივე ერთ მაგიდას შექმოსნდომიყო.

„საიდან ხართ?“ — იკითხა მესნერმა.

„სან-ფრანცისკოდან,“ — აუხსნა ექიმი, — „თუმცა, ორი წელია აქ ვარ.“

„მეც კალიფორნიელი გახლავართ,“ — განაცხადა მესნერმა.

ქალმა ვედრებით შეხედა მას. მაგრამ მან გაიღიმა და განაგრძო — „ბერკლიდან.“

ექიმი დაინტერესდა.

„კალიფორნიის უნივერსიტეტიდან?“ — შეეკითხა.

„დიახ. მნ წელს დავამთავრე.“

„ერთი შეხედვით, პროფესორი მეგონეთ.“ — დასძინა ექიმი.

„სამწუხაროა,“ — გაუღიმა მესნერმა. — „მე მირჩევნია, ვინმეს ოქროს შაძიებელი ანდა ძაღლების გამრეკი ვეგონო.“

„ჩემის აზრით, იგი ისე ჰგავს პროფესორს, როგორც შენ ექიმს,“ — ჩაუბრა ქალმა.

„გმადლობთ,“ — უთხრა მესნერმა და კვლავ მამაკაცს მიუბრუნდა:

„სხვათაშორის, ექიმი, რა გვარი ხართ?“

„ჰეითორნი, — მშრალ სიტყვას თუ დაიჭერებთ. სავიზიტო ბარათები ვივილიზაციასთან ერთად მივატოვი.“

„და თქვენ მისის ჰეითორნი, არა?“ — გაუღიმა მესნერმა ქალს და თავი დაუკრა.

მან ბრაზიანი თვალები შეაგება.

ახლა ჰეითორნს თვითონ უნდოდა გაეგო მისი გვარი, მაგრამ კითხვარომ დააპირა, მესნერმა დაასწრო:

„ექიმი, ხომ არ შეგიძლიათ დააკმაყოფილოთ ჩემი ცნობისმოყვარეობა! ამ ორი-სამი წლის წინათ პროფესორთა წრეებში სკანდალური ამბავი მოხდა. ერთ-ერთი პროფესორის ცოლი, — მათივე, მისის ჰეითორნი, — გაიქცა რომელიღაც სან-ფრანცისკოელ ექიმთან ერთად. ვიცოდი მისი გვარი, მაგრამ ახლა არ მაგონდება. გახსოვთ ეს შემთხვევა?“

ჰეითორნმა თავი დაუქნია.

„ამ ამბავმა თავის დროზე დიდი მითქმა-მოთქმა გამოიწვია. მისი გვარი იყო უომბლი—გრეჰემ უომბლი. კარგი პრაქტიკა ჰქონდა. მე შორიდან ვიცნობდი მას.“


„საინტერესოა, რა მოუვიდათ? ბევრი ვეცადე, მაგრამ მათი ასავალდასავლის ვერაფერი გავიგე. იქნებ თქვენ რაიმეს მოჰყარით ყური. ისინი უკვლოდ გაჰქრნენ.“

„ეს მართალია. უომბლმა ყველა კვალი მარჯვედ მოსპო.“ — ჰეითორნმა ჩაახველა. — „მაინც ხმა გავარდა, თითქოს ისინი სამხრეთ ზღვებისკენ გაემგზავრნენო და სავაჭრო ხომალდი, რომლითაც მიცურავდნენ, ტაიფუნის დროს ჩაიძირაო. ბევრ ამის მაგვარს ლაპარაკობდნენ კიდეც.“

„პირველად მესმის,“ — თქვა მესნერმა, — „თქვენ გახსოვთ ეს ამბავი, მისის ჰეითორნი?“

„საუცხოოდ.“ — მშვიდად მიუგო ქალმა, მიუხედავად სახეში მოწოლილი სიბრაზისა, და, ჰეითორნს რომ არ შეემჩნია, თავი მიიბრუნა.

ამ უკანასკნელს კიდეც უნდოდა მესნერისათვის გვარი ეკითხა, მაგრამ მან კვლავ დაასწრო:



„ის უომბლი, ამბობენ, ძალიან ლამაზი იყო და... ქალიშვილი მისი ბით სარგებლობდა.“

„შესაძლოა აგრეც იყო, მაგრამ ამ საქმემ საბოლოოდ მოსტეხა კისერი,“ — ჩაიბუზღუნა ჰეითორნმა.

„ის ქალი კი ნამდვილი მეგერა ყოფილა, ყოველ შემთხვევაში მე ასე მითხრეს. უმეტესობა ბერკლში იმ აზრისა იყო, რომ მის ხელში ქმრის ცხოვრება სამოთხეს ნაკლებად ჰგავდა.“

„მე ეს არ გამიგონია,“ — უპასუხა ჰეითორნმა, — „სან-ფრანცისკოში სულ სხვა რამეს ამბობდნენ.“

„ტანჯული ქალი, ა? — ცოლ-ქმრული მოვალეობით ჯვარცმული?“

ექიმმა თავი დაუქნია. მესნერის თვალეზში მსუბუქი ცნობისწადილი აცივლიდა, და მან განაგრძო:

„ეს მოსალოდნელიც იყო, — აქ საკითხის ორი მხარეა. — სანამ ბერკლში ვცხოვრობდი, ჩემთვის მხოლოდ ერთი მხარე იყო ცნობილი. როგორც ჩანს, ეს ქალი ხშირად დადიოდა სან-ფრანცისკოში.“

„გეთაყვა, ყავა დამისხი,“ — მიმართა ჰეითორნმა.

ქალმა ჭიქა გაუვსო და ძალდაუტანებლად გაიცინა.

„როგორ ბებრუხანებევით ჭორაობთ,“ — უსაყვედურა ქმარს.

„ეს მეტად საინტერესოა,“ — გაუღიმა მესნერმა და მერე ექიმს მიუბრუნდა: „მე მგონია, ქმარი დიდი ვერაფერი სახეირო რეპუტაციით სარგებლობდა სან-ფრანცისკოში, ა?“

„პირიქით, იგი მაღალხნეობრივ პიროვნებად ითვლებოდა,“ — ზედმეტრთავგამოდებით თქვა ჰეითორნმა, — „ცივისისხლიანი იყო, ნამდვილი პედანტობის განსახიერება.“

„თქვენ მას იცნობდით?“

„თვალის არასოდეს მომიკრავს — მე უნივერსიტეტის წრეებში არ ვტრიალებდი.“

„კვლავ საკითხის ერთი მხარე!“ — ისეთი ტონით დასძინა მესნერმა, თითქოს საქმის ყოველმხრივ მიუკერძოებელ განხილვას შეუდგაო. — „ეს ნართალია, რომ გარეგნობით იგი, თუ დიდი ზედნა ვერა, სხვებზე ნაკლებიც არ ყოფილა. სტუდენტთა სპორტულ შეჯიბრებებს ცხოველი ინტერესით ეკიდებოდა. ცოტათინი ტალანტიც გააჩნდა. ერთხელ საშობაო პიესაც კი დასწერა, რომელმაც კარგი შეფასება დაიმსახურა. მე ისიც გავიგონე, მას ინგლისური განყოფილების კათედრის გამგედ ნიშნავდნენ. მაგრამ იმ ხანებში სწორედ ეს ამბავი მოხდა. მერე მან ყველაფერზე უარი თქვა და სადღაც გადაიკარგა. როგორც ჩანს, ამ საქმემ ბოლო მოუღო მის კარიერას. ყოველ შემთხვევაში, ჩვენთან მას დაღუპულად აღამიანად სთვლიდნენ. ამბობენ, ცოლს თავზე ევლებოდა.“

ჰეითორნმა ჭიქა გამოსცალა, გულგრილად რაღაც ჩაიდუღუნა და ყალიონი გააჩაღა.


„კიდევ კარგი, რომ ბავშვები არ ჰყავდათ,“ — განაგრძობდა მესნერი. მაგრამ ღუმელს რომ შეხედა, ჰეითორნმა ქუდი და ხელთათმანები აიღო.

„წავალ, ცოტა შეშას მოვიტან“, — თქვა მან. — „შემდეგ მოკასიანებს გავიხდი და რივიანად მოვიწყობი.“ — კარი რომ მიიხურა, ქონში კარგახანს სინემე ჩამოვარდა. მესნერი გაუნძრევლად იწვა ლოჯინზე. ქალი პირდაპირ ყუთზე იჯდა.

„რას აპირებთ?“ — უცებ ჰკითხა ქალმა.

მესნერმა ყოყმანით შეხედა მას. „თქვენის აზრით, მაინც რა უნდა გააკეთო? იმედი მაქვს, სცენის გათამაშება არ დამჭირდება. ხომ ხედავთ, საშინლად დაღლილი ვარ და ლოჯინზე წოლა მეტად მსიამოვნებს.“

სიბრაზისაგან ქალმა ქვედა ბაგეზე იკბინა.



„მაგრამ...“ ცხარედ დაიწყო მან, მერე ხელი ხელს მოუჭირა და დადუმდა.

„იმედი მაქვს, არ მომთხოვთ მისტერ... ჰეითორნის მოკვლას,“ — მისხარდა მისნერმა თითქმის მავედრებელი ხმით. — „ეს ერთობ სამწუხაროა და და, გარწმუნებთ, სრულებით საჭირო არ არის.“

„მაგრამ თქვენ უნდა ილონოთ რამე,“ — იყვირა ქალმა.

„პირიქით, სავსებით მოსალოდნელია არაფერიც არ გავაკეთო.“

„თქვენ აქ დარჩებით?“

მან თავი დაუქნია.

ქალმა სასოწარკვეთილებით შეათვალიერა ქოხი და ლოგინი, მეორე საწოლზე რომ იყო გაშლილი.

„მალე დადამდება. თქვენი აქ დარჩენა შეუძლებელია, შეუძლებელი! გეუბნებით, არ შეიძლება-მეთქი!“

„რატომ არა, შეიძლება. ნება მომეცით შეგახსენოთ, რომ ეს ქოხი მე პირველმა ვიპოვე და თქვენ ჩემი სტუმრები ხართ.“

ქალმა ისევ ახედ-დახედა ოთახს და, როცა თვალები მეორე საწოლს მიეხრინა, ისინი შიშით აღივსნენ.

„მაშინ ჩვენ წავალთ,“ — შეუვალი ხმით განაცხადა მან.

„ეს შეუძლებელია. თქვენ, სწორედ იმ მშრალი, მკვეთრი ხეილებით ახველებთ, რომელიც ასე ზუსტად აღწერა მისტერ... ჰეითორნმა. თქვენი ფილტვები უკვე ცოტათი გაცოვებულია. ის ხომ ექიმია და ეს საქმე კარგად ესმის. იგი ამის უფლებას არ მოგცემთ.“

„კი მაგრამ, მაშინ თქვენ რაღას იზამთ?“ — ისევ იკითხა მან თავშიკავებული სიმშვიდით, რაც კარგს არაფერს მოასწავებდა.

მისნერმა მამობრივი მზრუნველობით შეხედა ქალს. მისი მზერა უღრ-მეს თანაგრძნობასა და მოთმინებას გამოხატავდა.

„ძვირფასო ტერეზა, მე ხომ გითხარით, არ ვიცი-მეთქი. ამაზე ჯერ არ მიფიქრია.“

„ოჰ, თქვენ მე ჰკუიდან შემშლით!“ — უთხრა ქალმა. მერე ზეზე წა-შოიჭრა და უმწეო სიბრაზისაგან ხელები დაიმტვრია. „არასოდეს თქვენ ასეთი არ ყოფილხართ.“

„მართალია. მთელი ჩემი არსებით თვინიერებისა და მორჩილების განსახიერება ვიყავი,“ — დაეთანხმა ის. — „განა ამისათვის არ მიმატოვეთ?“

„თქვენ ძალზე გამოცვლილხართ. ეგ შემადარწმუნებელი სიმშვიდე მაშინ-ნებს. თითქოს ვგრძნობ, რომ რაღაც საშინელს ამზადებთ. მაგრამ, რაც არ უნდა იყოს, ნუ ჩაიდნთ გამოუსწორებელს, ნუ აღელდებით.“

„მას შემდეგ, რაც თქვენ წამოხვედით, მე არ ვიცი რა არის აღელვება,“ — შეაწყვეტინა მისნერმა.

„თქვენ შესამჩნევად წინ წასულხართ,“ — მკვახედ მოუჭრა მან.

მისნერი ღიმილით დაეთანხმა.

„ვიდრე მე მოვიფიქრებდი, რა უნდა ვქნა, უთხარით მისტერ... ჰეით-ორნს ჩემი ვინაობა. ეს კი ჩვენს ქონში ყოფნას, თუ შეიძლება ასე ითქვას, უფრო გააადვილებს.“

„რატომ დამედევნეთ ამ საძაგელ ქვეყანაში?“ — მოულოდნელად ჰკით-ხა ქალმა.

„არ გეგონოთ. რომ აქ თქვენს საქმეებზე გამოგეშურე, ტერეზა, ნუ მოატყუებთ თქვენს პატივმოყვარეობას. ჩვენი შეხვედრა სავსებით უემთ-ხვევითია. როცა უნივერსიტეტთან კავშირი გავწყვიტე, სადმე ხომ უნდა წავსულიყავ. სიმართლე რომ ვთქვა, კლონდაიკში სწორედ იმიტომ მოვე-დი, რომ აქ თქვენს ნახვას ყველაზე ნაკლებ მოვილოდი.“

გარეთ საგდულის ჩხარუნი გაისმა. მერე კარი გაიღო და შეშა ამოღლიავე-



ბული ჰეითორნი გამოჩნდა. ტერეზა მაშინვე, თითქოს აქ არაფერიც, ჰურჯლის ალაგებას შეუდგა. ჰეითორნი კვლავ შემის მოსატანად გავიდა.

„რატომ არ გაგვაცანი ერთმანეთი?“ — შეეკითხა მესნერი.

„მე ვეტყვი მას. ნუ გგონიათ, რომ მეშინია.“

„არასოდეს შემიმჩნევია, რომ თქვენ რაიმესი განსაკუთრებით გშინებოდეთ.“

„აღსარების თქმისაც არ შემეშინდებდა.“ — რბილად უპასუხა ქალმა და მორჩილება აისახა.

„ვშიშობ, რომ თქვენ აღსარებას შენიღბული ინტერესებისათვის გამოთყუარებით, მოხერხებულად ეცდებით საკუთარ სარგებლობას, თვითგანდიდებას ღმერთის ხარჯზე.“

„მეტად მწიგნობრულად მსჯელობთ,“ — ტუჩები აიბზუა მან, თუმცა ხმაში მეტი სირბილე შეეპარა.

„ვერ ვიტან ასეთ ბრძნულ კამათს. მიუხედავად ამისა, არ შემეშინდებდა პატიების თხოვა.“

„აქ საპატიებელი არაფერია, ტერეზა. ნამდვილად მე უნდა გითხრათ მაღლობა. ისიც მართალია, რომ პირველად ძალზე განვიცდიდი, მაგრამ შემდეგ გაზაფხულის მაცოცხლებელმა ფშვინვამ ბედნიერება მაგრძნობინა, აუწერელი ბედნიერება, და ეს ჩემთვის საოცარი აღმოჩენა იყო.“

„რა იქნებოდა, რომ დაგბრუნებოდით?“ — ჰკითხა ქალმა.

„ეს ერთობ მძიმე მდგომარეობაში ჩამაყენებდა,“ — მიუგო მან და უცნაურად შეხედა.

„მე თქვენი ცოლი ვარ, ჩვენ ხომ განქორწინებული არა ვართ.“

„არა,“ — ჩაფიქრდნ იგი. — „ამისთვის არ მიზრუნია. მაგრამ პირველ რიგში ამ საქმეს მოვაგვარებ.“

ქალი მივიდა მასთან და მკლავზე ხელი მოჰკიდა.

„მე თქვენ აღარ გპირდებით, ჯონ?“ — მისი ხმა საკვს იყო ალერსით, ხელის შეხება კი — ცთუნებით.

„რომ გითხრათ შევცდი-მეთქი? რომ გითხრათ მეტად უბედურად ვარ-მეთქი? — მე მართლაც შევცდი, ნამდვილად უბედური ვარ.“

მესნერი შიშმა შეიპყრო. ის გრძნობდა, როგორ სუსტდებოდა ქალის მსუბუქი ხელის შეხებისაგან, როგორ ეცლებოდა ნებისყოფა, სულის სიმშვიდე. ქალი ნაზად უცქერდა და ისიც თანდათან დნებოდა. ცხადად ზედავდა, რომ უფსკრულში ვარდებოდა, მაგრამ მბიძგავ ძალასთან შებრძოლება აღარ შეეძლო.

„მე ისევ თქვენი ვიქნები, ჯონ, თქვენი ვიქნები დღესვე... ახლავე.“

მესნერი ცდილობდა გასხლტომოდა ხელს, რომელიც მაჯლაჯუნსავით აწვა — ქალის ხმა ლორელაის ტკბილ სიმღერასავით ელამუნებოდა. თითქოს სადღაც შორს მუსიკას უკრავდნენ და აკორდები მთელ სხეულში ეღვრებოდა.

უცებ იგი წამოიჭრა, მოსახვევად გამზადებული ქალის ხელები მოიშორა და კარისკენ გახტა დაფეთებულივით.

„საშინელებას ჩავიდნ!“ — იყვირა მან.

„მე ხომ გაგაფრთხილეთ, არ აღელდეთ-მეთქი...“ — გაიცინა ქალმა და ჰურჯლის რეცხვას მიუბრუნდა. „არავის თქვენ არ უნდისხართ. ეს მხოლოდ ხუმრობა იყო. მე ბედნიერი ვარ მის ხელში.“

მაგრამ მესნერმა არ დაუჯერა. მას ახსოვდა, რა ადვილად იცვლიდა ის ქალი ტაქტიკას. ამჯერადაც ასე მოიქცა. იგი სხვის ხელში თურმე უკლებლად რია და აღიარებს შეცდომას. მესნერის თავმოყვარეობა დაკმაყოფილებული იყო. ქალს უნდოდა დაბრუნება, მაგრამ მას აღარ სურდა ის. მისდაუნებურად, ხელით კარის ურდულს მისწვდა.

„ნუ გარბიხართ, არ გიკბენთ,“ — დასცინა ქალმა.

„მე არ ვაგრბივარ,“ — ბავშვური სიფიცხით მიახალა მან და ხელთათმნები ჩამოიცივა, — „წყალი უნდა მოვიტანო“. შემდეგ კარი გააღო და შემოტრიალდა.

ეს თქვა და ცარიელ ვედროებს წამოავლო ხელი.

„არ დაგავიწყდეთ, მისტერ... ჰეითორნს უთხარით ვინცა ვარ.“

მესნერმა ჩამატვრია თხელი ყინული, ერთ საათში რომ გადაკვროდა ყინულჭრილის ძირს და ვედროები წყლით აავსო, მაგრამ ქოხში დაბრუნებას არ ჩქარობდა. ვედროები გზაზე დადგა და, რომ არ ვათომილიყო, ბოლთას სცემდა. ყინვა საშინლად იკბინებოდა. ბოლოს მას უშბლი მოეწმინდა და სახეზე მტკიცე გადაწყვეტილება გამოეხატა. წვერი ყინვას დაერთვილა. უკვე მოიფიქრა როგორ მოქცეულიყო და გაფითრებულ ტუჩებზე კმაყოფილების ღიმილი მოეფინა. მერე ვედროები აიღო და ქოხისკენ გაემართა.

„ოიგ რომ შევიდა, ღუმელთან მდგომ ექიმს მოჰკრა თვალი. სახის გამომეტყველება მას დაძაბული და გაუბედავი ჰქონდა. მესნერმა ვედროები დადგა.

„მონახული ვარ, რომ გაგიცანით, გრეჰემ უომბლ,“ — ოფიციალური ტონით მიმართა მესნერმა, თითქოს ეს-ეს არის ერთმანეთი გაიცნესო.

მას ხელი არ გაუწვდია. უომბლი უხერხულად იმომუნებოდა. ამ წუთში მას შესძულდა მესნერი ისე, როგორც სძულთ ხლმე ადამიანი, რომელსაც ვნება მიაყენეს.

„მაშ ეს თქვენა ხართ, მეგობარო,“ — თითქოს გაიოცა მესნერმა. — „კარგია, კარგი. მე მართლაც მიხარია, რომ შეგხვდით. მინდოდა გამეგო... თუ რა ნახა ტერეზამ თქვენში და კიდევ, თუ შეიძლება ასე ითქვას, რითა ხართ მიმზიდველი. ძალიან კარგია, ძალიან კარგი.“

მერე მას გასაყიდი ცხენით თავიდან ფეხებამდე ახედ-დახედა.

„მე თქვენ გაგიგეთ,“ — დაიწყო ჰეითორნმა.

„ო, რას ამბობთ,“ — შეაწყვეტინა მესნერმა გაზვიადებული ვულწრფელობით, — „ამაზე ლაპარაკიც არა ღირს. მაინტერესებს მხოლოდ, რას იტყვით ტერეზაზე. გაგიმართლათ მოლოდინი? კარგად იქცეოდა? თქვენი ცხოვრება მას შემდეგ, ალბათ, ტკბილ სიზმარს ჰგავს, ხომ?“

„ნუ სულელობთ,“ — ჩაერია ტერეზა.

„მე იმას ვამბობ, რასაც ვფიქრობ,“ — უკმაყოფილოდ მოუტრა მესნერმა.

„ყოველ შემთხვევაში, გარემოებას ანგარიში უნდა გაუწიოთ“, — შეუტია უომბლმა. — „ჩვენ გვინდა ვიცოდეთ, რას აპირებთ?“

მესნერმა თავი მოიკატუნა და უმწეოდ ჩაილაპარაკა:

„მართალი გითხრათ, არ ვიცი რა ვქნა. ასეთი მდგომარეობიდან გამოსავალს ადვილად ვერ მონახავს კაცი.“

„სამივე ამალამ ვერ დავრჩებით ქოხში.“



მესნერი დაეთანხმა.

„მაშინ ვინმე უნდა წავიდეს.“

„ესეც უღაოა,“ — კვერი დაუკრა მესნერმა. — „როცა სამი სხეული მოცემულ სივრცეში ერთდროულად ვერ თავსდება, ერთ-ერთი უნდა მოეცალოს.“

„ეს ერთ-ერთი თქვენ იქნებოთ,“ — მტკიცედ განაცხადა უომბლმა. — „უახლოეს სადგომამდე ათი მილი იქნება, მაგრამ თქვენ ამ შანძილს როგორნე გავივლით.“

„აი ეს არის თქვენი მსჯელობის პირველი შეცდომა,“ — შეაწყვიტინა მესნერმა, — „რატომ მაინცდამაინც მე უნდა წავიდე? მე პირველმა ვიპოვე ეს ქოხი.“

„მაგრამ ტესი ხომ ვერ წავა. ფილტვები უკვე გაცივილებული აქვს,“ — აუხსნა უომბლმა.

„გეთანხმებით. ასეთ ყინვაში იგი ვერ გარისკავს ათი მილის გავლას. გამოდის, რომ ის უნდა დარჩეს.“

„მაშინ ისე იქნება, როგორც მე ვთქვი,“ — გადაწყვიტით განაცხადა უომბლმა.

მესნერმა ჩაახველა.

„თქვენი ფილტვები ხომ წესრიგშია?“

„დიახ, მერე რა?“

მესნერმა კვლავ ჩაახველა და გულგრილი ტონით, ნელა წარმოთქვა:

„არაფერი, გარდა იმისა, რომ თქვენივე მსჯელობის თანახმად, არ გავიჭირდებათ ამ ყინვაში რაღაც ათიოდე მილის გავლა. თქვენ ამას როგორმე მოახერხებთ.“

უომბლმა დაეჭვებით შეხედა ტერეზას და მის თვალებში საამო გოაცების შუქი შენიშნა.

„აბა რას იტყვი?“ — შეეკითხა.

ქალი ყოყმანობდა. უომბლს ბოლმისაგან სახე მოეღუჟა და მესნერს მიუბრუნდა:

„კმარა! თქვენი აქ დარჩენა შეუძლებელია.“

„რატომ? შეიძლება.“

„ნებას არ მოგცემთ. აქ მე ვარ ბატონ-პატრონი,“ — მხრები შეაქანა უომბლმა.

„მე მაინც დავრჩები,“ — ჯიუტობდა მესნერი.

„გაგადებთ.“

„დავბრუნდები.“


უომბლი ერთ წამს შეჩერდა, რათა ხმისთვის მეტი სიმტკიცე მიეცა და მლელვარება დაეცხრო. მერე მან ნელი, თავშეკავებული ხმით განაცხადა:

„გამიგონეთ მესნერ, თუ არ წახვალთ, მაგრად მიგბეგავთ. აქ კალიფორნია როდია. ამ მუშტებით გვერდებს დაგიზღვით.“

მესნერმა მხრები აიჩეჩა.

„თუ თქვენ ამას ჩაიდნთ, მე დავუძახებ თქროს მაძიებლებს და ვისერიებ. როცა პირველსავე ხეზე ჩამოგვიდებენ. აქ კალიფორნია არ არის. თქროს მაძიებლები უბრალო ხალხია და ჩემთვის საკმარისი იქნება მათ ნაცემი ადგილები ვაჩვენო, ვუთხრო სიმართლე თქვენს შესახებ და უფლება განვაცხადო საკუთარ ცოლზე.“





ქალმა რაღაცის თქმა დააბირა, მაგრამ უომბლი დააცხრა თავს.

„შენ შენთვის იყავი!“ — დაუყვირა მან.

„გეთაყვა, ნუ ჩაგვერევით, ტერეზა,“ — საესებით საწინააღმდეგო ტონით მიმართა მესნერმა.

სიბრაზისა და მღელვარებისაგან ქალს მშრალი, მჭახე ხველება აუტყდა. სახეში სისხლი მოაწვა, ცალი ხელი მკერდზე მიიღო და შეტივის დაცხრომას დაელოდა.

ხველების ხმა რომ გაიგონა, უომბლი უფრო მოიღუწა.

„რაღაც უნდა გადაწყდეს!“ — თქვა მან. — „მისი ფილტვებით ღია ჰაერზე გასვლა არ შეიძლება. სანამ ტემპერატურა არ აიწევს, ის ვერსად წავა. გარდა ამისა, არ ვაპირებ იგი თქვენ დაგიბოლო.“

მესნერმა ხმა გაიწმინდა, ჩაახველა და მერე ნახევრად ბოდიშის კილოთი თქვა:

„მე ფული მჭირდება.“

უომბლის სახე მყისვე ზიზლით აღივსო. ბოლოსდაბოლოს, მესნერი მასზე საძაგელი აღმოჩნდა, სამარცხვინოდ დაეცა.

„თქვენ ფულით გატენილი ტომარა გაქვთ,“ — განაგრძო მესნერმა, —

„მარხილიდან რომ გადმოგქონდათ, მაშინ დაგინახე.“

„რამდენს მოითხოვთ?“ — შეეკითხა უომბლი. მისი ხმა ისეთსავე ზიზლს გამოხატავდა, როგორსაც სახე.

„მე დაახლოებით ვივარაუდებ ტომარაში ჩაყრილი ოქროს რაოდენობა და მგონია... ის ოც გირვანქას გადააჭარბებს. რას იტყვიან ოთხი ათასზე?“

„მაგრამ ეს ხომ მთელი ჩემი ავლადიდებაა!“ — წამოიძახა უომბლმა.

„სამაგიეროდ ტერეზა ხომ თქვენია“, — ანუეგა მესნერმა, — „იგი ამ ფასად უთუოდ ღირს — ხომ ხედავთ, რას ვიმეტებ. ჰემმარიტად, ეს სწორედ შესაფერისი თანხაა.“

„მაგრე იყოს!“ — უომბლი ოქროთი გავსებულ ტომარასთან მიიჭრა. — ოღონდ ჩქარა მოვრჩე ამ საქმეს. ო, თქვე არარაობა!“


„ახლა კი ცდებით,“ — ღიმილით შეედავა მესნერი, — „განა ეთიკის თვალსაზრისით ის კაცი, ქრთამს რომ იძლევა, უკეთესია იმაზე, ვინც ამ ქრთამს იღებს? ნაქურდალის შემნახველი ისეთივე ცუდი ადამიანია, როგორც ქურდი. ამიტომ თავს ნუ დაიმშვიდებთ ვითომდა მორალური უპირატესობით ამ პატარა საქმეში.“

„ჯანდაბას თქვენი ეთიკა!“ — აფეთქდა უომბლი, — „აქ მოდით და მიყურეთ ოქროს აწონვაზე. მე შემიძლია მოგატყუოთ.“

ქალს კი, საწოლს რომ მიყარდნობოდა, ახრჩობდა სიბრაზე და საკუთარი უძლურების გრძნობა, როცა ხედავდა, როგორ სწონდნენ ყუთზე დადგმულ სასწორზე მის საფასურ ყვითელ ოქროს. რაკი სასწორი მომცრო იყო, ნაწილ-ნაწილ წონდნენ. და მესნერიც ზუსტად ამოწმებდა ანგარიშს.

„აქ ბევრი ვერცხლია,“ — შენიშნა მან, ტომარას რომ თავი მოუჭრა. — „არა მგონია, რომ წმინდა წონამ თქვენს მიტს გადააჭარბოს გირვანქაზე. თქვენ მე ცოტათი გამაცურეთ, უომბლ.“

მერე მან ფრთხილად ასწია ტომარა, როგორც ეს მის სიმდიდრეს შეიფიქრებოდა, და მარხილისაყენ წაიღო. უკან რომ დაბრუნდა, ქურჭილი შეაგროვა, სასურსათო ყუთი შეკრა და ლოგინი აკეცა.



როცა მარხილის დატვირთვა მოათავა და უკმაყოფილო ძაღლები შეიკა, იგი ქოხში შემობრუნდა ხელთათმანებისათვის.

„მშვიდობით, ტეს!“ — კარიდან დაუძახა მესნერმა.

ქალი მოტრიალდა, ეტყობოდა, რაღაცის თქმა სურდა, რათა ბოღმა მოეკლა.

„მშვიდობით, ტეს!“ — რბილად გაიმეორა მან.

„მხეცი!“ — ძლივს მოახერხა ქალმა.

იგი შებრუნდა და ბარბაცით მივიდა ლოგინთან. მერე ზედ პირქვე დაიგზო და ქვითინი აუვარდა.

„მხეცები! მხეცები!“

მესნერმა კარი ნელა გამოიხურა, ძაღლები გარეკა და, ქვევით რომ ჩავიდა, უდიდესი კმაყოფილების გრძნობით გამოხედა ქოხს. მარხილი ყინულ-ქრილთან შეაყენა და ოქროთი გატენილი ტომარა გადმოიღო. წყალს უკვე გადაკვროდა ყინულის თხელი ფენა. მან იგი მჯილით ჩაამტვრია, მერე ტომარას თავი მოხსნა და ოქროს წყალში გადაუძახა. აქ მდინარე თხელი იყო და მესნერმა ორი ფუტის სიღრმეზე დაინახა ფსკერი, რომელიც ყვითლად იღვარებდა მიმწუხრის მკრთალ შუქზე. მან ჩააფურთხა შიგ.

ძაღლები იუკონისაკენ გარეკა. ისინი საწყალობლად წკმუტუნებდნენ და ურჩობდნენ. მარჯვენა ხელით რომ სამართავი ლატანი ეჭირა, მესნერი მარცხენათი ცხვირსა და ლოყებს ისრესდა. როცა ძაღლებმა მოუხვიეს, იგი ღვედს წამოედო და წაიბორძიკა.

„აბა, მოუსვით, დაფეხვილებო!“ — დასწყვილა მან, — „აბა, მოუსვით!“

ინგლისურიდან თარგმნა ვ. მაჭუტაძემ.



## იასონ სერსუკაძე

### საგომბროსათვის თავდადებულნი

მიმდინარე წლის 23 თებერვალს საბჭოთა შეიარაღებულ ძალებს ორმოცი წელი შეუსრულდა. ეს დღისშესანიშნავი თარიღი მთელმა ჩვენმა ხალხმა დიდი ზეიმით აღნიშნა.

სამოქალაქო ომისა და უცხოეთის სამხედრო ინტერვენციის მკაცრ წლებში ახალგაზრდა წითელმა არმიამ სასტიკი დამარცხება აგემა საბჭოების ყველა ჯურის მტრებს და ბრწყინვალედ დაიცვა დიდი ოქტომბრის მონაპოვარნი.

შეუღარებელი გმირობა, მამაცობა და მხედრული ოსტატობა გამოიჩინეს საბჭოთა შეიარაღებულმა ძალებმა დიდ სამამულო ომში. ეს მით უფრო საამაყოა, რომ ამ ომს ვერც ერთი წინანდელი ომი ვერ შეედრება ვერც თავისი მასშტაბით, ვერც ჯარებისა და ტექნიკის სიმრავლით, ვერც ბრძოლების გააფთრებული და დაძაბული ხასიათით.

ჩვენი არმიისა და სამხედრო-სახლგაო ფლოტის სახელოვანი გამარჯვება დიდ სამამულო ომში უზრუნველყო კომუნისტური პარტიის ბრძნულმა ხელმძღვანელობამ. პარტიის, მისი ცენტრალური კომიტეტის შეთავრებით, რომელსაც სათავეში ი. ბ. სტალინი ედგა, საბჭოთა ხალხი ერთსულოვნად დარაობა მომხდური მტრის აღსავად და ბრწყინვალე გამარჯვებაც მოიპოვა. ამ სახელოვანმა გამარჯვებამ განუზომლად გაზარდა სსრ კავშირის ავტორიტეტი და მისი როლი მთელ საერთაშორისო ცხოვრებაში.

ომმა ახალი ძალით ცხადყო ჩვენი სოციალისტური საზოგადოებრივი და სახელმწიფოებრივი წყობილების სიმტკიცე, საბჭოთა არმიის ძლევამოსილება. მან ცხადყო, თუ როგორ ურღვევია სსრ კავშირის ხალხთა მეგობრობა, რა ძლიერად უყვართ სოციალისტური სამშობლო საბჭოთა აღმასიანებს.

დიდი რუსი ხალხისა და სხვა მოძმე ხალხთა შეილებთან ერთად ომის პირველი დღეებიდანვე საქართველოს საუკეთესო ჯუჯაკები იარაღით ზეგში გაემუდრნენ ფრონტზე სამშობლოს დასაცავად. რუსეთისა და უკრაინის ტრაპალებში, ბელორუსიის ტყეებში, ბალტიისპირეთში, მოსკოვთან და ლენინგრადთან, კავკასიონის მისადგომებთან, ყირიმში, სტალინგრადის კედლებთან — ყველგან, ფრონტის ყველა

უბანზე გვიჩვენებდნენ ისინი მამაცობის, გმირობისა და მხედრული ოსტატობის ბრწყინვალე ნიმუშებს.

...1943 წლის დამდეგს ჩრდილო კავკასიის ფრონტის ერთ-ერთ უბანზე ცხარე ბრძოლები გაიმართა, რაც ოთხ დღე-ღამეს გრძელდებოდა. უსახელო გორაკი, რომელიც მძაფრი ბრძოლების ცენტრში მოექცა, ხელიდან ხელში გადადიოდა... აქ შეიჭრა სერჟანტ სიკოლოზ ივანეს-ძე გოგიჩაიშვილის ათეული. მიგრძობა გორაკზე გამართეს დაზვის ტყვიამფრქვევი. გერმანელები კონტრიერიზზე გადმოვიდნენ. მდგომარეობა სახიფათო გახდა. ცეცხლის წვიმა მოდიოდა ჰაერიდან. ირგვლივ სკდებოდა მსხვილყალიბიანი ნალმტყორცებისა და ქვემეხების ყუმბარები. ყველაფერი ცეცხლის კვამლში გაეხვია. გოგიჩაიშვილის 12 მეზობლიდან გმირთა სიკვდილით დაეცა რვა.

— ვიდგეთ სიკვდილამდე! — წარმოთქვა ამ მირისხანე მომენტში სერჟანტმა გოგიჩაიშვილმა. მეგობრებმა ერთგულემა შეჭვიცეს ერთმანეთს და სიცოცხლის უქანსკენელ წუთებამდე გმირულად იბრძოდნენ.

ოთხმა მეტყვიამფრქვევემ ჰიტლერილებს გრივალისებური ცეცხლი დაუშინა და განუწყვეტელი გამანადგურებელი სროლით მტრის ჯარბი ძალები უკუაქცია. გერმანელებმა კვლავ მოიტანეს იერიში, მაგრამ აშაოდ. გმირმა მეტყვიამფრქვევემ 15 ათასი ვაზნა გაისროლა, ასობით ჰიტლერული გაულტა და მტერს არ მისცა საშუალება დახმარება გაეწია წინ წამოწეული თავისი ჯარისკაცებისათვის. უქანსკენლად ფასისტებმა სინჯეს კონტრიერიზზე გადმოსვლა, მაგრამ უნაყოფოდ. ამ დროს ერთი ჩვენი ბატალიონი კონტრშეტევაზე გადავიდა და გერმანელები კვლავ უკუაქცია. როცა მტრის მიერ დაკავებული ადგილები გაწმინდეს, ჩვენმა მეზობლებმა ნახეს ტყვიამფრქვევითან მიმგდარი გოგიჩაიშვილი, რომელიც მცირე ჯიჩრებით ესროდა უქანსკენელ მტერს.

გერმანელ დამპყრობთა წინააღმდეგ ბრძოლის ფრონტზე სარდლობის დავალებათა სანიმუშოდ შესრულებისა და ამასთან მამაცობისა

და გმირობის გამოჩენისათვის სერჟანტ ნ. ი. ვოგინაიშვილს სსრ კავშირის უმაღლესი საბჭოს პრეზიდიუმის ბრძანებულებით მიენიჭა საბჭოთა კავშირის გმირის წოდება. 1943 წლის 11 ივნისს ფრონტის სამხედრო საბჭომ სპეციალურად მოწყობილ მიტინგზე, რომელსაც რამდენიმე ათასი მებრძოლი ესწრებოდა, სახელოვან მეომარს გადასცა მთავრობის უმაღლესი ჯილდო — ლენინის ორდენი და მედალი „ოქროს ვარსკვლავი“.

საქართველოს ფარგლებს გარეთაც ცნობილია ბათუმის რაიონის მკვიდრის მახინჯაურელი ისრაფელ ჭინჭარაძის სახელი.

დიდი სამამულო ომის ვაჟი ივანე ოპერაციებში მან გვიჩვენა უმაგალითო გმირობა. სტალინგრადისა და ვორონეჟის ფრონტებზე 23 წლის გულადი ოფიცერი კომუნისტი ჭინჭარაძე 92-ჯერ აიჭრა ჰაერში და ფაშტეტ სეპეცებთან ბევრი უთანასწორო ბრძოლა გამართა. მან მტრის უამრავი ავტომანქანა, ტანკი, თვითმფრინავი, საარტილერიო ბატარეა, ჯარისკაცი და ოფიცერი გაანადგურა, რისთვისაც მთავრობის მაღალი ჯილდოები დაიმსახურა, ხლო 1944 წლის 4 თებერვალს სსრ კავშირის უმაღლესი საბჭოს პრეზიდიუმის ბრძანებულებით

სარდლობის დავალებათა წარმატებით შესრულებისა და ამასთან გმირობისა და მამაცობის გამოჩენისათვის მას მიენიჭა საბჭოთა კავშირის გმირის წოდება. სხვებთან ერთად სახელოვან თანასოფელს დიდ პატივს სცემენ მახინჯაურელი კოლმეურნეები. შარშან მათ თავიანთ სოფლის კოლმეურნეობას მიანიჭეს დიდი სამამულო ომის გმირის ისრაფელ ჭინჭარაძის სახელი. მთელი აჭარა მღერის პოეტ ფრიდონ ხალვაშის ლექსს:

გიგონებს მახინჯაური,  
შენი გამზრდელი მთა-ბარი,  
დედა ნატრული ცრემლებით  
შენს ნაწერ ბარათს დაჰხარის,  
მეც მიხარია — შენა ხარ  
პირველი გმირი აჭარის.

სამამულო ომის დღეებში თავი ისახელა ქობულეთის რაიონის მკვიდრმა კაპიტანმა აბდულ წულუკიძემ.

1943 წლის შემოდგომის ბოლოქარი დღეები... 414-ე ქართული დივიზიის პირადი შემადგენლობა ყოველმხრივ მზად არის ყირიმში შეტრეკვითი ოპერაციების დაწყებისათვის... დიწყო სისხლისმღვრელი ბრძოლები... ჯერი მიდგა ქერჩზე. ერთ-ერთი ასტრეი ბრძოლის დროს ბატალიონის მეთაური მწყობრიდან გამოვიდა. იგი შეცვალა მისმა მოადგილემ პოლიტიკურ ნაწილში კაპიტანმა ა. წულუკიძემ, გაბედულად წაიყვანა მეომრები იერიშზე და მტერი განდევნა მნიშვნელოვანი მარცხობიდან. ამ საბრძოლო დავალების ბრწყინვალედ შესრულებისათვის უშუალოდ ოფიცერმა მთავრობის ჯილდო — სამამულო ომის მეორე ხარისხის ორდენი დაიმსახურა.

ერთ-ერთი სისხლისმღვრელი ბრძოლის დროს კაპიტანი წულუკიძე გმირთა სიკვდილით დაეცა. გულადი მეომრის დეკარავის ამბავი ილიის სისწრაფით მოიღო მთელ დივიზიას. ნაწილის პარტიზოროს სხდომაზე, რომელიც იმავე დღეს გაიმართა, მიიღეს ასეთი გადაწყვეტილებები:

„კაპიტან წულუკიძის გმირულად დაღუპვა ბრძოლის ველზე უდიდესი დანაკლისია. მთელი ჩვენი პარტიული ორგანიზაციისთვის უკმაყოფილოდ ვგრძობთ, რომ ორგზის უკმაყოფილოდ ვგრძობთ კაპიტანმა წულუკიძემ მთელი თავისი ლამაზი სიცოცხლე შესწირა სამშობლოს დაცვის საქმეს. წულუკიძის გმირულად დაღუპვას უნდა ვუპასუხოთ ახალ წარმატებათა მოპოვებით და ფაშისტებზე სასტიკი შურისძიებით“.

და მართლაც, ყირიმის ბრძოლებში ქართველმა მეომრებმა სასტიკად იბრძო შეური ვერმანულ ფაშისტებზე და 1944 წლის 12 მაისს ყირიმის მიწა-წყალი გაწმინდეს ჰიტლერულ ბრძანებთან. აჭარის ამ სასტიკად უმცლესი შესახებ დღეს ლექსად ასე მღერის:

გკითხულობენ მთა-გორები,  
დავებებენ წარინგებო,  
ველარ გნახეს, ომის ცეცხლში  
შეწყდა შენი ნაბიჯები,  
მაგრად ისევ იბრძვი თითქო,  
გაბედულად ისევ უტევი;  
შენ გმირულად დაცემული  
მშობელ მიწას ჩაეხუტე.

ქართველი ხალხი არასოდეს არ დაიწყებებს აგრეთვე ასეულის მეთაურს კაპიტან ახმედ ვერულიძეს, რომელიც ფაშისტებმა კოცონზე დაწვეს იმისათვის, რომ მტერს არ გაუშხლო ბატალიონის ადგილსამყოფელი.

უშუალო რადიკტი ჰური ინაიშვილი კარბატების მთებში ერთ-ერთი საბრძოლო ოპერაციის შესრულების დროს გულადობისა და მამაცობისათვის დაჯილდოებულ იქნა „წითელი ვარსკვლავის“ ორდენით. ასლან ფიჭვნარის რეპლიანი სკოლის დირექტორია და ენერგის არ ზოგავს მომავალი თაობის კომუნისტური აღზრდისათვის.

დამსახურებული სოცარულითა და პატივისცემით სარგებლობენ ჩვენი რესპუბლიკის მკვიდრნი: პოლკოვნიკები ასლან ბაჯელიძე და ხუსეინ ბეჯანიძე, პოლპოლკოვნიკი დურსუნ შავიშვილი, ლეიტენანტები მინელი ბაყუნაშვილი, ასლან ვაგიტოძე და ბეგრი სხვა.

ა. ბაჯელიძე, ხ. ბეჯანიძე და დ. შავიშვილი პოლკებს მეთაურობდნენ და საბჭოთა არმიასი უმწიკვლოდ 25-30 წელზე მეტი იმსახურეს. მათ თავი ისახელეს სამამულო ომშიც და მთავრობის მაღალი ჯილდოები — ბევრი ორდენი და მედალი დაიმსახურეს.

ასლან ბაჯელიძის გულმკერდს, მაგალითად, ამშვენებს ლენინის, სამი წითელი დროშის, საპატიო ნიშნის, სამამულო ომის ორდენები და ექვსი მედალი. ექვსი ორდენი და ოთხი მედალი დაიმსახურა პოლკოვნიკმა ხუსეინ ბეჯანიძემ.

პოლპოლკოვნიკი რიფათ ართმელაძე 1939 წლიდან საბჭოთა არმიის რიგებშია. ჩრდილო კავკასიისა და სმოლენსკის ბრძოლებში არაერთხელ გამოიჩინა თავი როგორც მამაცმა ოფიცერმა. მის გულმკერდს მთავრობის ექვსი ჯილდო ამშვენებს. იგი საბჭოთა არმიასი მოვიდა როგორც პედაგოგი და მართლაც ხელკეითების ნამდვილი აღმზრდელია. გასულ

წელს მან წარმატებით დაამთავრა ქუთაისის პედაგოგიური ინსტიტუტის დაუსწრებელი განყოფილება და ამჟამად მუშაობს აჭარის ასს რესპუბლიკის სამხედრო კომისრად.

აჭარის სამხედრო კომისარატიდან საბჭოთა არმიის რიგებში 1941 წელს ქართველებთან ერთად მოიხილნაცხით გაუვეულ იქნენ რუსი, უკრაინელი, ბელორუსი, სომეხი, აზერბაიჯანელი, ბეოიენი და სხვა ეროვნების ვაჟკაცებიც. ბევრი მათგანი კვლავ ბათუმში დაბრუნდა და ასლა წარმატებით მუშაობს შრომის ფრონტზე.

სხვადასხვა დროს ბათუმში მუშაობდნენ და აქედან გაიწვიეს საბჭოთა არმიაში, მაგალითად, ა. ი. გორბაჩევსკი და ნ. მ. გორბაჩევი, რომლებსაც დიდი სამამულო ომის პერიოდში გამოჩენილი გმირობისა და მამაცობისათვის მიენიჭათ საბჭოთა კავშირის გმირის წოდება. საბჭოთა კავშირის გმირები გახდნენ აგრეთვე მაიორი დ. ე. თავაძე, უფროსი ლეიტენანტი პ. ა. მერკვილაძე, ხოლო ტანკისტმა ა. სულაბერიძემ ეს საპატიო წოდება მოიპოვა 1939 წელს ფინეთის ბრძოლებში.

რუსი მეომარი ალექსი ლომანიუკი მონაწილეობდა ბერლინის ბრძოლებში. ომის დამთავრების შემდეგ კვლავ ბათუმშია და ამჟამად არტელ „მზიდავში“ მუშაობს.

სერჯანტია უკრაინელი მოსე გლადკო. იგი მონაწილეობდა პრალის, ბუდაპეშტისა და ბერლინის განთავისუფლებაში. გლადკო მშენებელია და ბათუმის საქალაქო საბჭოს აღმასკომის სარემონტო კანტორაში მუშაობს.

ბელორუსი მეზღვაური ეფიმ ბრელი 1942 წლიდან 1945 წლამდე შავი ზღვის ფლოტში იყო და თავი ისახელა როგორც მამაცმა მებრძოლმა. მან მთავრობის რამდენიმე წილდო დაიმსახურა. ამჟამად ე. ბრელი კოფეინის ქარხანაში მუშაობს მემანქანედ.

სომეხმა აშოტ არამიანცმა მონაწილეობდა პრალისა და ბერლინის განთავისუფლებაში. იგი რკინიგზელია.

ბერძენი ალექსი ვასილიადი მონაწილეობდა ბერლინის იერიში როგორც რიგოსანი-მესანგარე. დიდი სამამულო ომის წლებში მან მთავრობის ოთხი წილდო დაიმსახურა და ასლამე-5 სამშენებლო ტრესტის კალატოზია.

ასე სახელოვნად გაამართლეს საქართველოს წარგზავნილებმა წინაპართა ტრადიციები, გაამართლეს დიდი ქართველი პოეტის ვაჟა-ფშაველას სიტყვები:

არ მივცემთ სხვასა სამშობლოს ჩვენის ცოცხალი თავითა.

ამიტომ შემთხვევითი როდი იყო, რომ გახეთი „პრადვა“ 1944 წლის ივნისში წერდა:

„ბედნიერია საქართველო, რომელსაც ასეთი შვილები ჰყავს, უძლიერელია საბჭოთა ქვეყანა, რომელმაც თავის ხალხს აღზარდა ურღვევი მებრძოლები“.

საკმარისია ითქვას, რომ სამამულო ომში მამაცობისა და გმირობისათვის 120 ქართველ მეომარს საბჭოთა კავშირის გმირის წოდება მიენიჭა, 40 ათასზე მეტს კი გადაეცა მთავრობის მაღალი წილდოები — ორდენები და მედლები.

საბჭოთა ხალხის მშვიდობიანი შემოქმედებითი შრომისა და სსრ კავშირის სახელმწიფო ინტერესების სადარაჯოზე კვლავ ფხიზლად დგანან ჩვენი მამაცი შეიარაღებული ძალები და, თუ აგრესორი გაბედავს თავს დაესხას ჩვენს სამშობლოს, გამანადგურებელ პასუხს მიიღებს.

დიდება საბჭოთა არმიას — მშვიდობისა და სოციალიზმის ძლევამოსილ გულშეას!



## პრიზოც კიდეც

### მისი ცხოვრების გზა

პირველკლასელი გოგონა ხარბად ათვალისწინებდა ნახატებიან წიგნს და თან ფეხდაფეხ მისდევდა ჭაღარა მამას. რომელსაც ჩაქვიდან შინისაკენ მიეჩქარებოდა. მათ გზაში მანქანა წამოეწიათ. ხუსეინმა მოკრძალებით სთხოვა შოფერს, დიდჯამეში ამოეყვანეთ. პატარა ფიქრიემ წიგნი დახურა და გაკვირვებით შეხედა მამას: შინ არ მივდივართო? — ჰკითხა მას.

ხუსეინს პირველად გაუფიქრდა ბავშვის ასეთი შეკითხვა: „რადღა ისწავლის, თავისი სოფლის სახელი დაეწინაო“, გაიფიქრა, მაგრამ შემდეგ მოაგონდა, რომ ფიქრიეს მეხსიერებაში აღარ არის დიდი ჯამე, ძველი სოფელი. ზავშემა მხოლოდ და მხოლოდ ახალი სოფელი იცის, რომელსაც თავისუფალი შრომის სიყვარულით ხალხმა ჩაისუბნა დაარქვა.

— კი, შეილო, შინ მივდივარ, — ლიბლით უთხრა მან გოგონას და იგი მანქანაში ჩასვა, შემდეგ თვითონ გვერდით მიუჯდა და, თითქოს შეცდომის გასწორება სწადიაო, თავისი სახლისაკენ ხელი გაიშვირა და ბავშვს უთხრა: — ამ სოფელს წინათ ჩაისუბნა კი არა, დიდი ჯამე ერქვა. ჩაისუბნა მამის დავარქვით, როცა ჩაი ბლომად გავაშენეთ და მისი შემოსავლით სხვა სიკეთესთან ერთად შენთვის ასეთი წიგნების ყიდვაც შეეძლო.

„ რატომ, რატომ გადაარქვეს სოფელს სახელი? — მაინც გაუარკვეველი

რჩებოდა ბავშვისათვის, მაგრამ ფიქრიეს მამის ეს არ უკითხავს მამისათვის. შინ მისვლისთანავე ბოსელში შეიბრინა, ხბოს წაეთამაშა, შემდეგ სუფთა ბაგა ბალახით გაუვსო და, თითქოს მოვალეობა მოიხადაო, კმაყოფილმა მიიბრინა სამზარეულოში, სადაც დედა ვახშამს ამზადებდა. აქაც საკმაო საქმეს აკეთებდა გოგონა, ქალის საქმე ოჯახში დაუღვევლია. მას უკვე ხანშესული მაზენი ვერ აუფა.

სწავლობდა და თან შრომობდა ფიქრიემ ყურწუბაძე. ხუსეინ ყურწუბაძისათვის რომ გეკითხათ, ვაყებდა და ქალიშვილებს შორის ვინ უფრო გიყვარსო, იგი უთუოდ ფიქრიეზე განიშნებდათ: „ყოჩაღია, კაცის საქმესაც აკეთებს და ქალისაცო, მეც მშველის და დედამისაცო.“

დიდი სამამულო ომის წლებში ფიქრიემ უკვე შეგებულ ქალიშვილი იყო.

... სოფელში ახალგაზრდების კრება გაიმართა. ყველაფერი ფრონტისათვის! — ასე დაამთავრა მომხსენებელმა თავისი სიტყვა. კომკავშირელებიც გამოვიდნენ და ეს ამაღლებელი სიტყვები ყველამ გაიმეორა. ფიქრიეს სიტყვა არ უთქვამს. კრების დამთავრებისთანავე იგი შინ გაიქცა. უჭრა გამოალო, პირადად მის მიერ გამომუშავებულ შრომაღლებზე მიღებული ფულიდან ყოველი შემთხვევისათვის შემონახული დანახოვი მთლიანად ამოიღო და სასოფლო საბჭოში მიიტანა, სადაც ფრონ-

ტის დასახმარებლად სახსრებს აგროვე-  
ბდნენ. მეორე დღეს კი საკოლმეურნეო  
კომკავშირულ ორგანიზაციანი განცხა-  
დება შეიტანა ლენინურ კომკავშირში  
მიღების შესახებ და, რა თქმა უნდა,  
თანასოფელელმა კომკავშირელებმა იგი  
კმაყოფილებით მიიღეს თავიანთ რი-  
გებში.

„რა სარგებლობა შემიძლია მოვუ-  
ტანო სოფელს?“ ბევრჯერ დაუს-  
ვამს ასეთი კითხვა ფიქრიე ყურმუბაძეს.  
რა თქმა უნდა, ყველაზე სასარგებლო  
საქმეს გავაკეთებ ჩაის მოსავლიანობის  
გადიდებით, — მტკიცედ გადაწყვიტა  
ფიქრიემ. იგი საგულდაგულოდ უვლი-  
და ჩაის ბუჩქებს, მაგრამ შედეგი დიდ-  
ხანს არ ჩანდა. მაშინ პლანტაციებს ერ-  
თად, ნადურად ამუშავებდნენ. აბა ვინ  
გაარკვევდა, ვისმა მოვლილმა ბუჩქებ-  
მა რამდენი მოსავალი მისცა კოლმე-  
ურნეობას?! ზარმაცებიც ხომ იყვნენ.

— არა, ასე არ შეიძლება, — გადა-  
წყვიტეს მეჩაიეებმა, — ჩაის პლანტა-  
ციას ვინც უვლის, ფოთოლიც მან  
მოკრიფოს. მაშინ გამოჩნდება, ვინ კარ-  
გად შრომობს და ვინ ცუდად.

ფიქრიე ერთ-ერთი პირველი აღფრ-  
თოვანებით შეეგება ამ გადაწყვეტილე-  
ბას. ჩაის ფოთლის უხვი მოსავლის ოს-  
ტატთან, ამჟამად სოციალისტური  
შრომის გმირ ასეი ყურმუბაძესთან ერ-  
თად, იგი სოციალისტურ შეჯიბრებაში  
ჩაება, ნახევარი ჰექტარი ფართობი აი-  
ლო მოსავლელად და პირობა დადო, გე-  
გმის გადამეტებით ხუთას კილოგრამ  
ფოთოლს მოეკრეფო.

სამამულო ომის წლებში ნიადაგს  
სასუქები მოაკლდა. ბევრი ბუჩქი გახმა,  
მწკრივები გამეჩხრდა. ერთი ხელის და-  
კვრით ამ მდგომარეობის გამოსწორება  
შეუძლებელი იყო, მაგრამ გამრჩე ქალის  
მარჯვენმა ეს წინააღმდეგობა დაძლია.  
მოსავლის გადიდებისათვის მან მთავრო-  
ბის ჯილდო—მედალი „მამაცური შრო-  
მისათვის“ დაიმსახურა. მეორე წელს

ფიქრიე შრომის წითელი დროშისა და  
დენით დააჯილდოვეს.

მაგრამ ყველაზე დიდ სიხარულს ფი-  
ქრიე ყურმუბაძე სსრ კავშირის უმაღ-  
ლესი საბჭოს არჩევნებისათვის მხა-  
დების დღეებში განიცდიდა. ჩაის-  
უბნელმა კოლმეურნეებმა, ვ. ი. ლენინ-  
ის სახელობის ჩაქვის საბჭოთა მეურ-  
ნეობის მუშებმა, მოსამსახურეებმა და  
სპეციალისტებმა თავიანთ წინასაარჩე-  
ვნო კრებებზე იგი სსრ კავშირის უმა-  
ღლესი საბჭოს ეროვნებათა საბჭოს დე-  
პუტატობის კანდიდატად დაასახელეს.  
ამის გამო ხალხმრავალი კრება შედგა  
ჩაქვის საბჭოთა მეურნეობის კლუბში.  
აქ მოვიდნენ წარმომადგენლები ხუცუ-  
ბნის, დავის, ბობოყვათის, ქვედა და  
ზედა ულიანოვკის, აჭყვის, სახალვაშოს  
კოლმეურნეობებიდან, საბჭოთა მეურ-  
ნეობებიდან, აგრეთვე ჩაის ფაბრიკე-  
ბიდან, რომელთა მშრომელებმაც მხა-  
რი დაუჭირეს სსრ კავშირის უმაღლესი  
საბჭოს დეპუტატობის კანდიდატად  
ფიქრიე ხუსენის ასულ ყურმუბაძის  
დასახელებას. საოლქო წინასაარჩევნო  
კრების თხონით ფ. ხ. ყურმუბაძე და-  
თანხმდა ეროვნებათა საბჭოს არჩევნე-  
ბის ჩაქვის № 392 საარჩევნო ოლქში  
კენჭი ეყარა სსრ კავშირის უმაღლესი  
საბჭოს დეპუტატობაზე.

ასსოვს და არასოდეს არ დაავიწყდე-  
ბა ფიქრიეს მამის ნაყიდი ნახატებიანი  
წიგნი, პირველი მოგზაურობა ჩაქვიდან  
ჩაისუბნამდე ავტომანქანით, ის სიკეთე  
რაც ამ სოფლის მშრომელებს მოუტანა  
ჩაის კულტურამ, ციტრუსებმა, საზო-  
გადოებრივმა მეცხოველეობამ.

შარშან კოლმეურნეებმა იმდენი  
ჩაის ფოთოლი და ციტრუსოვანთა ნა-  
ყოფი მოიყვანეს, რომ სრულიად საკავ-  
შირო სასოფლო-სამეურნეო გამოფენა-  
ში ფართო ჩვენებით მონაწილეობის  
უფლება დაიმსახურეს.

ყველაფერი ეს ახარებს ფიქრიე ყურ-  
მუბაძეს, რადგან სოფლის ამ დიდ  
წარმატებებში თვალსაჩინოა მისი  
წვლილიც.



პირველი

პარტიულობის პრინციპი საბჭოთა ლიტერატურის  
ძირითადი პრინციპია

საყოველთაოდ ცნობილია, რომ საბჭოთა ლიტერატურა მსოფლიოში ყველაზე ახალგაზრდა ლიტერატურაა, მაგრამ, მიუხედავად ამისა, არაერთი შესანიშნავი ნაწარმოები გაამდიდრა მსოფლიო კულტურის საგანძური და უდიდესი გავლენა მოახდინა ამ კულტურის მთელ განვითარებაზე. მაქსიმ გორკის, ვლადიმერ მაიაკოვსკის, მიხეილ შოლოხოვის, ალექსი ტოლსტოის, ალექსანდრე ფადეევის, ლეო ქიაჩელის, გიორგი ლეონიძის, მიროზო ტურსუნ-ზადესა და სხვა საბჭოთა მწერლების მხატვრულ თხზულებებს ახლა დედამიწის თითქმის ყველა კუთხეში იცნობენ და მათ მილიონობით მკითხველი ჰყავთ.

თავისთავად ცხადია, რომ ეს წარმატებანი თავისით არ მოსულა, ისინი ბრძოლით, დაუცხრომელი შრომით მოვიპოვეთ. კომუნისტური პარტია და საბჭოთა მთავრობა მხრუნველობით ზრდიდნენ მწერალთა და ხელოვანთა მძლავრ არმიას, განუმარტავდნენ მათ ლიტერატურისა და ხელოვნების წინაშე მდგომ ამოცანებს და სულ უფრო მჭიდროდ რაზმავდნენ ამ ამოცანების პირნათლად გადაწყვეტისათვის. სწორედ ამის შედეგია, რომ ჩვენმა ლიტერატურამ და ხელოვნებამ ხალხის საყოველთაო მხარდაჭერა და უსაზღვრო სიყვარული დაიმსახურა. თვით თელი ახალი საუკეთესო მხატვრული ნაწარმოებები, ლიტერატურისა და ხელოვნების რადარგასაც არ უნდა ეკუთვნოდეს იგი, ჩვენს ხალხს სამართლიანად მიაჩნია დიდ გამარჯვებად კომუნისმის მშენებლობაში, მისი სტუდენტების, კულტურის გამდიდრების მკაფიო გამოხატულებად.

სხვა პირობებთან ერთად საბჭოთა ხელოვნებისა და ლიტერატურის განუხრავი წინსვლა

უზრუნველყო პარტიულობის პრინციპის მტკიცედ დაცვამ მთელ შემოქმედებითს საქმიანობაში. ეს პრინციპი, როგორც ცნობილია, პირველმა წამოაყენა და ყოველმხრივ დაასაბუთა დიდმა ლენინმა გენიალურ სტატიაში „პარტიული ორგანიზაცია და პარტიული ლიტერატურა“. მაგრამ მისი ჩანასახი მკაფიოდ ჩანს ფრ. ენგელსის ერთ-ერთ პირად წერილში. „მე, — წერდა ენგელსი კ. კაუტსკის, — არავითარ შემთხვევაში არა ვარ ტენდენციური პოეზიის, როგორც ასეთის, წინააღმდეგი. ტრაგედიის მამამთავარი ესქილე და კომედიის მამამთავარი არისტოფანე ორივენი მკვეთრად გამოვლენილი ტენდენციური პოეტები იყვნენ; სწორედ ასევე დანტეც და სერვანტესიც; ხოლო შილერის „ვერაგობა და სიყვარული“ უმთავრესი ღირსება ის არის, რომ ეს პირველი გერმანული პოლიტიკურ-ტენდენციური დრამაა. თანამედროვე რუსი და ნორვეგიელი მწერლები, რომლებიც ჩინებულ რომანებს წერენ, ყველანი მთლიანად ტენდენციურები არიან. მაგრამ მე ვფიქრობ, რომ ტენდენცია თავისთავად უნდა გამოდინარებოდეს მდგომარეობიდან და მოქმედებიდან, მასზე საგანგებო მითითების გარეშე, და რომ მწერალი ვალდებული არ არის მკითხველს მუხასხით მისცეს მის მიერ გამოსახული საზოგადოებრივი კონფლიქტების მომავალი ისტორიული გადაწყვეტა“.

როგორც ამ ამონაწერიდან ჩანს, ფრ. ენგელსს მიაჩნია, რომ მსოფლიო ლიტერატურის ყველა საუკეთესო ნაწარმოები გაყვანილია გარკვეული ტენდენციით, ემსახურება გარკვეულ პოლიტიკურ ინტერესებს. ვ. ი. ლენინმა





შემდგომ განავითარა ფრ. ენგელსის ეს დებულება და გენიალურად განსაზღვრა ლიტერატურის პარტიულობის არსი. იგი, ერთი მხრივ, ნიშნავს იმ უდავო ფაქტის აღიარებას, რომ ლიტერატურა საერთოდ აუცილებლად ემსახურება პოლიტიკას, გამოხატავს და იცავს ამა თუ იმ კლასის ინტერესებს, რომ იგი არც ერთ კლასობრივ საზოგადოებაში არ შეიძლება იყოს ინდივიდუალური საქმე, ცალკეულ შემოქმედთა კერძო საქმე. ხოლო, მეორე მხრივ, რაკი ეს ასეა, პროლეტარიატის პარტია, კომუნისტური პარტია აუცილებლად უნდა ხელმძღვანელობდეს და წარმართავდეს ლიტერატურისა და ხელოვნების მთელ განვითარებას, როგორც საერთოპოლიტიკური საქმის ნაწილს, ამასთან ერთ-ერთ ყველაზე მნიშვნელოვან ნაწილს.

\* \* \*


ლიტერატურა და ხელოვნება უხსოვარი დროიდან იყო და არის საზოგადოებრივი ბრძოლის მძლავრი იარაღი. ყოველი კლასი ცდილობდა და ცდილობს გამოიყენოს ისინი თავისი კლასობრივი ინტერესებისათვის, მისცეს მათ ისეთი ნიშანსი, რომელიც მთლიანად და საესეებით უზასუნებდა მის მოთხოვნებს საზოგადოებრივი ბრძოლის მსვლელობაში. ბურჟუაზია, მაგალითად, ყველაფერს აკეთებს იმისათვის, რათა ლიტერატურა და ხელოვნება ასრულებდეს ექსპლუატატორთა სოციალურ დაკვეთას. კერძოდ, ამერიკის შეერთებულ შტატებში იგი მოითხოვს ლიტერატურის მთავარი გმირი გახდეს ბიზნესმენი. ამასთან ისეთი ბიზნესმენი, რომელიც წარმატებას წარმატებაზე აღწევს. და ოფიციალური ამერიკელი ლიტერატურა ცნებზე ფეხს იდგამს, რათა შესარულოს ეს დაკვეთა, თავისი „წვლილი“ შეიტანოს გარდუვალად დაღუპვისაგან კაპიტალიზმის გადარჩენაში, გამსჭვალოს მასები ომის ფსიქოზით, მოწამლოს მათი შეგნება რეაქციული ბურჟუაზიული იდეებით. ერთ-ერთი ამერიკელი მწერალი დოს-პასოსი, რომელიც რამდენიმე ათეული წლის წინათ კაპიტალისტური სინამდვილის მახინჯ მოვლენებს არცთუ ცუდად ხედავდა, ახლა უსირცხვილოდ აცხადებს, თითქოს ამ ბოლო დროს კაპიტალიზმი საგრძნობლად გამოკეთდა და ცუდიდან გახდა კარგი, რომ კაცობრიობას მხსნელად მოეცლინა რუსეველტი და არა მარქსი და ენგელსი.

სავსებით აშკარაა, რომ დოს-პასოსი და მისი თანამოკალმენი გამოხატავენ და იცავენ კაპიტალისტთა კლასობრივ ინტერესებს. მაგრამ ბურჟუაზიას მიაჩნია, რომ ამ უდავო ფაქტის პირდაპირი აღიარება სასარგებლო არ არის,

სახელს გაუტეხს ბურჟუაზიულ ლიტერატურას და ხელი ჩასჭიდა „თეორიას“ ლიტერატურისა და ხელოვნების ვითომდებარე ინდივიდუალურობის, შემოქმედის ვითომდა აბსოლუტური თავისუფლების შესახებ. ამავე დროს ცდილობენ საქმე ისე წარმოვიდგინონ, თითქოს არა სხვა რომელიმე საზოგადოებრივი წყობილება, არამედ მხოლოდ კაპიტალიზმი უზრუნველყოფს შემოქმედის სრულ დამოუკიდებლობას და მის აბსოლუტურ თავისუფლებას. სწორედ ასეთი ბინძური მიზნით, ვილკატურისა და ხელოვნების კლასობრივი არსის მისაჩქმალავად გამოაგონეს უბადრუკი და საქვეყნოდ ყბადაღებული თეორია „ხელოვნება ხელოვნებისათვის“. ხელოვნება, ამბობენ ბურჟუაზიის მოსყიდული იდეოლოგები, ეს არის სპილოს ძეგლისაგან ნაგებ ტაძარი, რომელსაც ვერ წვდება „კაცთ ჟრიაშული“, და მას ისევე სუსხავს სოციალური იდეების სამსახური, როგორადაც გაზაფხულის ყინვა ნორჩ ყვავილებს. რაკი ეს ასეა, ამავე „თეორიის“ მიხედვით, შემოქმედი აბსოლუტურად თავისუფალია და ქმნის მხოლოდ იმას, რაც პირადად მას აინტერესებს და აელევეებს, ლიტერატურა და ხელოვნება მისი პირადი საქმეა და არა საზოგადოებრივი.

ფრიად დამახასიათებელია, რომ თანამედროვე ბურჟუაზიული ლიტერატურული კრიტიკა, უარყოფს რა რეალიზმს, ხელოვნების კავშირს სინამდვილესთან, ცხოვრებასთან, არ ერიდება ფროიდის პირდაპირ ქადაგებასაც კი, ოღონდ მკითხველებს მოაჩვენოს ხელოვნებისა და ლიტერატურის დამოუკიდებლობა ყოფიერებისაგან, სინამდვილისაგან. ამერიკელი კალვან პოლი, მაგალითად, პირდაპირ წერს, რომ გარკვეულ წრეებში მიაჩნიათ, თითქოს შექმნილი სონეტები, უოლტ უიტმენის პოეზია, პიროკსეის მუსიკა და პრუსტის დიდი რომანი სხვა არაფერია, თუ არა მათი ჰომოსექსუალური მისწრაფებათა სუბილიმიაციური გამოხატულება. სავსებით აშკარაა, რომ ეს საზოგადოებრივი იმისათვის შეთხზეს, რათა „ცხადეყოთ“, თუ რა შორს დგას ხელოვნება ცხოვრების დუღილისაგან და რა ვიწროპირადელი ინტერესებით ცოცხლობს თითქოს იგი.

მაგრამ ნათქვამია: „შუბი ხალთაში არ დაიმალება“, და მართლაც, განა დღესათვის ნათელი არ არის, რომ ზღაპარი ბურჟუაზიული შემოქმედის აბსოლუტური თავისუფლების, მისი სრული დამოუკიდებლობისა საზოგადოებრივი ცხოვრებისაგან საზოგადოებრივი თვალთმაქცობაა, რომელიც მიზნად ისახავს გააბრიყვოს მკითხველები და შეუქმნას მათ ყალბი წარმოდ-



გენა ლიტერატურისა და ხელოვნების არსისა და დანიშნულების შესახებ. უსინდისოდ, ურცვად შენიღბოს ბურჟუაზიული მწერლისა თუ ხელოვნებას მუშაყის პირდაპირი დამოკიდებულება ფულის ქისაზე. ჯერ კიდევ ბალზაქმა. მოპასანმა და სხვა საქვეყნოდ სახელგანთქმულმა მწერლებმა დამაჯერებლად ცხადყვეს, თუ რას წარმოადგენს სინამდვილეში შემოქმედის ბურჟუაზიული „თავისუფლება“ — იგი არის თავისუფლება შექმნა კაპიტალიზმის სადიდებელი ნაწარმოები და სამაგიეროდ უზრუნველყო პირადი კეთილდღეობა. ასე, მაგალითად, მოპასანის „ლაშაში შეგობრის“ მთავარ პერსონაჟს, ჟორჟ დიურუას, თავისი ჟურნალისტური მოღვაწეობა მიაჩნია მხოლოდ ფულის შოვის საშუალებად და მისთვის არაფერი წმიდა არ არსებობს. ამავე დროს მან ძალიან კარგად იცის, რომ მისი „თავისუფლება“ მაინც ვაჭრება, როგორც კი გადაწყვეტს აღარ შეასრულოს შეფის სურვილები თუ განკარგულებანი. და ეს სავსებით კანონზომიერია ბურჟუაზიულ საზოგადოებაში, სადაც ბატონობს ჯუნგლის კანონები და სადაც ყველაფრის საზომი ყვითელი თქროა.

წინააღმდეგ ბურჟუაზიისა, პროლეტარიატი აშკარად აცხადებს, რომ ლიტერატურა და ხელოვნება არ შეიძლება იყოს და არ არის აპოლიტიკური. იგი მუდამ ემსახურებოდა ამა თუ იმ კლასს და ახლაც ასევე ემსახურება. ამის გამო პროლეტარიატს არ შეუძლია ისინი, ლიტერატურა და ხელოვნება. დატოვოს კარიერისა და ანგარების წყაროდ, მით უმეტეს, რომ სოციალისტურ საზოგადოებაში კიდევ უფრო იზრდება როგორც მთელი იდეოლოგიური მუშაობის, ისე ლიტერატურისა და ხელოვნების როლი და მნიშვნელობა. მათ ეკისრებათ უდიდესი საპატიო ამოცანა — ხელი შეუწყონ მასების, უპირველეს ყოვლისა კი ახალგაზრდობის, კომუნისტურ აღზრდას, მათ გამსჭვალვას მარქსიზმ-ლენინიზმის იდეების სულსკვეთებით, კომუნისმისა და მშვიდობის გამარჯვებას. თავისთავად ცხადია, ეს ისეთი გრანდიოზული და უადრესად პასუხსაგები ამოცანაა, რომ მშრომლებს ლიტერატურა და ხელოვნება სამართლიანად მიაჩნიათ საერთო საკლასო მფიცოებრივ საქმედ, ჩვენი საერთოპარტიული საქმის ნაწილად, ამასთან მის ერთ-ერთ ყველაზე მნიშვნელოვან ნაწილად.

სწორედ ამის გამო ნამდვილად თავისუფალი შეიტება იყოს და მართლაც არის საბჭოთა ლიტერატურა. ეს იმიტომ, რომ სოციალისტურ საზოგადოებაში შემოქმედის ამოძრავებს არა კარიერა, არა ანგარება, არამედ კომუნისმის დიდი იდეა, იგი ემსახურება არა ქონმოძებულ ბურჟუას, არამედ ხალხს, მშრომლებს, რომ-

ლებსაც ეკუთვნით აწმყოც და მომავალს. საბჭოთა მწერალი თუ ხელოვანი ყოველთვის იბრძვის კომუნისმის გამარჯვებისთვის. მისი ბედს აშკარად, შეუნიღბავად უკავშირებს პროლეტარიატის, მთელი ხალხის ბედს და სამართლიანად ამყობს, რომ იგი ხალხის მსახურია. მან კარგად იცის, რომ ცხოვრობდენ საზოგადოებაში და თავისუფალი იყო მისგან შეუძლებელია, რომ მხოლოდ საერთოპოლიტიკური საქმისათვის შეგნებული ბრძოლით შეუძლია მოიპოვოს შემოქმედის ნამდვილი და არა მოჩვენებითი, არა ფარისევლური თავისუფლება.

ეს არის სწორედ ის ლიტერატურა, რომელიც ჯერ კიდევ 1905 წელს თავის გენიალურ სტატიის „პარტიული ორგანიზაცია და პარტიული ლიტერატურა“ ვ. ი. ლენინმა დაახასიათა როგორც „ნამდვილად თავისუფალი, პროლეტარიატთან აშკარად დაკავშირებული ლიტერატურა“. ეს იმიტომ, რომ „არა ანგარება და არა კარიერა, არამედ სოციალიზმის იდეა და მშრომლებისადმი თანაგრძნობა მიიზიდავს ახალ-ახალ ძალებს მის რიგებში. ეს ექნება თავისუფალი ლიტერატურა იმიტომ, რომ იგი სამსახურს გაუწევს არა სალონების გულმოყირკებულ „გმირ-ქალს“, არა მოწყენილ და სისუქუნის ქონით შეწუხებულ „ზედა ფენის ათეულ ათასებს“, არამედ მილიონობით და ათეულ მილიონობით მშრომლებს, რომელნიც ქვეყნის საუკეთესო ნაწილს, მის ძალას, მის მომავალს შეადგენენ“.

დიდი პროლეტარული მწერალი, სოციალისტური რეალიზმის ფუძემდებელი მაქსიმ გორკი არაერთხელ აღნიშნავდა, რომ შემოქმედის ნამდვილი ბედნიერება გულწრფელად და პატიოსნად ემსახურებოდეს მშობლიურ ხალხს. მხოლოდ ხალხის უანგარო სამსახური აძლევს შემოქმედს შესაძლებლობას სრულად, ყოველმხრივად გამოავლინოს თავისი ნიჭი და უნარი. ამის მკაფიო მაგალითია თვითონ მაქსიმ გორკის შემოქმედება. პროლეტარიატის დიად განმათავისუფლებელ მოძრაობასთან დაკავშირებამ, მარქსიზმ-ლენინიზმის ყოვლისმძლე იდეებით გამსჭვალვამ საშუალება მისცა დიდ მწერალს შეექმნა უკავადი „ღვინა“ და სხვა ბრწყინვალე ნაწარმოებნი, რომლებიც შევიდნენ და მტკიცედ დამკვიდრდნენ კაცობრიობის კულტურის სვავანტურში.

ჩვენი ეპოქის უნიჭიერესი პოეტი ვლადიმერ მაიაკოვსკი, რომელმაც ესოდენ ბევრი რამ გააკეთა საბჭოთა პოეზიის განვითარებისათვის, კანონიერად ამყობდა იმით, რომ ხალხს ემსახურებოდა, ასრულებდა პროლეტარიატისა და ყველა მშრომლის სოციალურ დაკვეთას. იგი

1. ვ. ი. ლენინი, თხზ., ტ. X, გვ. 40.

თავს გრძნობდა საბჭოეთის ქარხნად. ბედნიერებას რომ ჰქონდა. მაიაკოვსკის უმაღლესი იდეალი კომუნისმი იყო, და მან პირველმა შეაჯრთა პოეზია და კომუნისმი.

მე კომუნისმში

პოეზიის ლაქვარდებიდან  
ღავეში.

რადგან

მინდა მხოლოდ

მისი ტრფიალი.

ასე განსაზღვრავდა ვლადიმერ მაიაკოვსკი თავისი შემოქმედების დანიშნულებას და სურდა ლექსი ხიშტს გატოლებოდა, უკლებლივ ყველა მათგანი ყოფილიყო რევოლუციის ერთ-ერთი ჭაინკაცი, ჰქონოდა საყოველთაო-სახალხო ღირებულება.

ჩვენი დროს ერთ-ერთმა ყველაზე საუკეთესო მწერალმა მიხეილ შროხოვმა, ლაპარაკობდა რა შემოქმედის თავისუფლებაზე, ხაზგასმით აღნიშნა, რომ თვითელი საბჭოთა მწერალი თავის ნაწარმოებს ქმნის საკუთარი გულის კარნახით, ეს გული კი მთლიანად კუთვნიან მშობლიურ ხალხს, რომელიც კომუნისტური პარტიის ბრძნული ხელმძღვანელობით ასე დიდი წარმატებით აწევენ ახალ საზოგადოებას — კომუნისმსო.

ამრიგად, წინააღმდეგ ბურჟუაზიული მწერლებისა, რომლებიც კაპიტალიზმს ემსახურებიან, საბჭოთა მწერლები ხალხის სამსახურში დგანან და თავიანთ ნაწარმოებებში ასახავენ მის დაუცხრომელ ბრძოლას კომუნისმის, მშვიდობის კეთილშობილური საქმის გამარჯვებისათვის. მათ ბედნიერებად მიაჩნიათ გამოხატონ მშობლიური ხალხის გულისკმეა, ფიქრები და ჳრძნობები, ხელი შეუწყონ მშრომელთა აღზრდას ებოქის მოწინავე იდეების, მარქსიზმ-ლენინისმის იდეების სულისკვეთებით. ეს კი არის ლიტერატურის პარტიულობის პრინციპი მოქმედებაში.

\* \* \*

რამდენადაც ლიტერატურა და ხელოვნება წარმოადგენენ კლასობრივი ბრძოლის მძლავრ იარაღს, ე. ი. ემსახურებიან პოლიტიკას, კერძოდ ჩვენს სოციალისტურ საზოგადოებაში — მასების კომუნისტური აღზრდის დიად ამოცანას, ეს მოითხოვს ყველა შემოქმედებითი ორგანიზაციის საქმიანობას ხელმძღვანელობდეს და წარმართავდეს კომუნისტური პარტია, ლიტერატორთა და ხელოვნათა მთელ არმიას ზრდდეს მარქსიზმ-ლენინისმის, ხალხისადმი ერთგულების სულისკვეთებით. მხოლოდ ამ პირობით შეუძლია სოციალისტურ

ლიტერატურასა და ხელოვნებას იზრდებოდეს და ვითარდებოდეს განუხლებლად კომუნისმის, შეუწელებელი წინსვლის გზით.

ჩვენი პარტიისა და სახელმწიფოს შემქმნელი დიდი ლენინი, ითვალისწინებდა რა ლიტერატურისა და ხელოვნების მთელ სპეციფიკას, მუდამ ხაზგასმით აღნიშნავდა, რომ პარტიას არ შეუძლია განზე გაუდგეს იდეოლოგიის ამ ერთ-ერთი უმნიშვნელოვანესი სფეროსადმი ხელმძღვანელობას, და პრაქტიკულად ახორციელებდა ამ პრინციპს. უაღრესად ერთგული დიდი ლენინის მოძღვრებისა, კომუნისტური პარტია განვითარების ყველა ეტაპზე განსაკუთრებულ ყურადღებას უთმობდა ხელმძღვანელობას ლიტერატურისა და ხელოვნებისადმი, ყველაფერს აკეთებდა იმისათვის, რათა მათ პირნათლად შეესრულებინათ თავიანთი წმიდა მოვალეობა მშობლიური ხალხის წინაშე. და როგორც საბჭოთა ლიტერატურის, ისე საბჭოთა ხელოვნების განვითარების მთელი ისტორია მკაფიოდ მოწმობს, თუ რა გრანდიოზული მუშაობა ჩაატარა ამ მხრივ კომუნისტურმა პარტიამ, როგორ უზრუნველყო სსრ კავშირის ყველა ხალხის შინაარსით სოციალისტური, ფორმით ეროვნული ლიტერატურისა და ხელოვნების შეუწელებელი აღმავლობა.

კომუნისტური პარტია განსაკუთრებული მზრუნველობით ზრდიდა ლიტერატურისა და ხელოვნების მუშაკებს, ეხმარებოდა მათ გაეფართოებინათ თავიანთი რიგები ხალხის უღრმესი წიაღიდან გამოსული ტალანტებით, განუწყვეტლივ ემადლებინათ იდეური და მხატვრული დონე, მოენახათ სწორი გზა, გაერთიანებულნიყვენ ერთი საერთო მიზნის — ხალხისადმი უანგარო სამსახურის საფუძველზე. საკუპარისია აღინიშნოს, თუ რა დიდი როლი შეასრულა, კერძოდ, მწერალთა კონსოლიდაციის საქმეში პარტიის ცენტრალური კომიტეტის 1932 წლის 23 აპრილის დადგენილებამ, პროლეტარულ მწერალთა ასოციაციის გაუქმებამ და საბჭოთა მწერლების კავშირის შექმნამ. ამ კავშირში, როგორც ცნობილია, გაერთიანდა ჩვენი ქვეყნის ყველა მწერალი, რომლებმაც თავიანთი მოღვაწეობის მიზნად ხალხისადმი უანგარო სამსახური დაისახეს. ამ საერთო, მიზანმა შექმნა ლიტერატურის მუშაკთა ურდვევი ერთიანობა და უზრუნველყო მთელი შემოქმედებითი ძალების აქტიუზაცია, განვითარების მოცემულ ეტაპზე ლიტერატურის წინაშე მდგომი ამოცანების წარმატებით გადაწყვეტა.

კომუნისტური პარტიის ხელმძღვანელობით

ჩვენს ქვეყანაში წარმატებით აშენდა სოციალიზმი და დამკვიდრდა ადამიანთა ახალ ურთიერთობა, რამაც ხელი შეუწყო საბჭოთა ლიტერატურის ნოვატორული როლის ამღლეებასა და გაძლიერებას. პარტია ამჯერადაც დაეხმარა მწერლებს, ხელოვნების მუშაკებს ყოველმხრივ გაავარებინათ თავიანთი ახალი ისტორიული მისია და ხელი შეუწყო ახალი, ნოვატორული შემოქმედებითი მეთოდის — სოციალისტური რეალიზმის გავრცელებას. სოციალისტური რეალიზმის გამარჯვებამ უზრუნველყო საბჭოთა ლიტერატურის გიგანტური ზრდა და ახალი ფურცელი გადაშალა მსოფლიო ლიტერატურის განვითარებაში. ყველაფერი, რაც საუკეთესოა საბჭოთა ლიტერატურასა და ხელოვნებაში, შექმნილია ამ მეთოდით, მათ შორის მ. შოლოხოვის, ა. ტოლსტოის, კ. ფედინის, ლ. ლენინისა და სხვა გამოჩენილ მწერალთა საქვეყნოდ ცნობილი ნაწარმოებები. სოციალისტური რეალიზმის მეთოდი საშუალებას აძლევს მწერალს ყოველმხრივ და ღრმად ასახოს სინამდვილე; გვიჩვენოს არა მარტო ის, თუ როგორ ვითარდებიან მოვლენები აწმყონში, არამედ ისიც, თუ როგორ განვითარდებიან ისინი მომავალში.

პარტიის მზრუნველობითა და დახმარებით ჩვენი სოციალისტური ლიტერატურა გახდა საბჭოთა ადამიანის აღზრდის მძლავრი და შთამაგონებელი იარაღი. იგი მილიონობით მკითხველში ზრდის საუკეთესო მორალურ თვისებებს, ხელს უწყობს საბჭოთა პატრიოტიზმის, სოციალისტური ჰუმანიზმისა და პროლეტარული ინტერნაციონალიზმის გრძობების გავლევას, გვიჩვენებს ახალი ადამიანის — კომუნისტის მშენებლის უძლიერეს და ულამაზეს სულიერ სამყაროს, მოწინავეთა მაგალითზე ზრდის მასებს, კიბავს ჩამორჩენილებს, რომელთა შეგნებაში ჯერ კიდევ შემორჩენილია კაბიტალიზმის გადმონაშთები; და ეხმარება მათ ამ გადმონაშთების დაძლევაში. საბჭოთა ლიტერატურასა და ხელოვნებას დიდი წვლილი შეაქვთ სოციალისტური საზოგადოების მორალურ-პოლიტიკური ერთიანობის განმტკიცებაში, რაც უზრუნველყოფს ახალ-ახალ წარმატებათა მოპოვებას კომუნისტის მშენებლობის ყველა უბანზე.

ომისშემდგომ პერიოდში საბჭოთა ლიტერატურისა და ხელოვნების განვითარებისათვის მეტად დიდი მნიშვნელობა ჰქონდა პარტიის ცენტრალური კომიტეტის დადგენილებებს იდეოლოგიური მუშაობის საკითხებზე. ისინი განსაზღვრავდნენ პარტიის პოლიტიკის უმნიშვნელოვანეს ამოცანებსა და ძირითად პრინცი-

პებს ლიტერატურისა და ხელოვნების განვითარებისათვის, რომლებიც დღესაც ინარჩუნებენ თავიანთ ძალას. ამ დიდმნიშვნელოვანი პარტიულ-საზოგადოებრივ განუხრელი განმარტებით გახდა შესაძლებელი ის თვალსაჩინო წარმატებები, რომლებიც საბჭოთა ლიტერატურამ და ხელოვნებამ მოიპოვეს გარკვეულ პერიოდში ომის შემდეგ.

განვითარების თანამედროვე ეტაპზე ლიტერატურისა და ხელოვნების აღმავლობაში უდიდეს როლს ასრულებს ისეთი ღირსშესანიშნავი პარტიული დოკუმენტი, როგორცაა „ხალხის ცხოვრებასთან ლიტერატურისა და ხელოვნების მჭიდრო კავშირისათვის“. მან ლიტერატურისა და ხელოვნების ყველა მოღვაწე იღუქვარევიზიონიზმისა და ბურჟუაზიული იდეოლოგიის სხვა გამოვლინებათა წინააღმდეგ ბრძოლის მძლავრი იდეური იარაღით. მასში ნათქვამია, რომ „კომუნისტურ პარტიას ლიტერატურისა და ხელოვნების მოღვაწეები მიაჩნიათ თავის ერთგულ მეგობრებად, თანაშემწეებად, საიმედო დასაყრდენად იდეოლოგიურ ბრძოლაში“. მითითებულია, რომ „ლიტერატურისა და ხელოვნების მაღალი საზოგადოებრივი დანიშნულებაა ხალხის დარაზმვა კომუნისტის მშენებლობაში ახალი წარმატებებისათვის საბრძოლველად“ და განსაზღვრულია განვითარების მთავარი ხაზი — ლიტერატურისა და ხელოვნების განუყრელი მჭიდრო კავშირი ხალხის ცხოვრებასთან, კომუნისტური პარტიის პოლიტიკასთან, რომელიც საბჭოთა წყობილების სასიცოცხლო საფუძველს შეადგენს.<sup>1</sup>

ამრიგად, პარტიულობის პრინციპით თავის გამოხატულებას პოელობს იმაში, რომ ლიტერატურა ემსახურება ხალხს, პოლიტიკას და რომ მის განვითარებას ხელმძღვანელობს და წარმართავს კომუნისტური პარტია.

\* \* \*

სამწუხაროდ, ამ ბოლო დროს აღმოჩნდნენ მწერლები, რომლებსაც არასწორად ესმით შემოქმედის თავისუფლება, რომელთაც თურმე აწუხებთ პარტიული ხელმძღვანელობა ლიტერატურისა და ხელოვნების განვითარებისადმი და ფაქტიურად გამოდიან ლიტერატურის პარტიულობის პრინციპის წინააღმდეგ, პრინციპისა, რომელიც დიდმა ლენინმა წამოაყენა და გენიალურად დაასაბუთა. იუგოსლავიელი მწერალი მლადენოვიჩი, მაგალითად, იქამდე მივიდა, რომ ერთ-ერთ თავის გამოსვლაში განაცხადა, თითქოს ლენინს არც კი წამოეყენებინოს

1. ნ. ს. ხრუშჩოვი, „ხალხის ცხოვრებასთან ლიტერატურისა და ხელოვნების მჭიდრო კავშირისათვის“, გვ. 26, 27.



ლიტერატურის პარტიულობის პრინციპი. ჩინეთში ღინ-ლინმა და ზოგიერთმა სხვა მწერალმა აგრეთვე განაცხადეს, თითქოს ლიტერატურა და ხელოვნება დამოუკიდებელი უნდა იყვნენ პოლიტიკისაგან, მიიჩნიეს რა პარტიის ხელმძღვანელობა და კონტროლი შემოქმედის კებალად. იმათ შორის, რომლებმაც გალაშქრეს ლიტერატურისადმი პარტიული ხელმძღვანელობის წინააღმდეგ, აღმოჩნდა საბჭოთა პოეტი მ. ალიგერიც.


ძნელი არ არის შევნიშნოთ, რომ მსგავს არაქანსად შეხედულებებს საფუძვლად უდევს ბუჩუქაზიული ინდივიდუალიზმი. საესეებით ამკარაა, რომ იგი, ვინც უარყოფს პარტიული ხელმძღვანელობის უდიდეს მნიშვნელობას ლიტერატურისა და ხელოვნების განვითარებაში, შემოქმედებას განიხილავს როგორც თავის კერძო საქმეს, როგორც ღიდების მოპოვებისა და კარიერისტულ მისწრაფებათა განხორციელების საშუალებას და სურს ეს მიჩქამოს მწერლისა თუ ხელოვნების მუშაის აბსოლუტური თავისუფლების მოთხოვნით. მაგრამ განაცხადი არ არის, რომ „სოციალისტური საზოგადოების პირობებში, სადაც ხალხი ნამდვილად თავისუფალია, თავისი ბედის ნამდვილი ბატონ-ბატონი და ახალი ცხოვრების შემოქმედია, მხატვრისათვის, რომელიც ერთგულად ემსახურება მათთვის ხალხს, არ არსებობს საკითხი იმის შესახებ, თავისუფალია, თუ თავისუფალი არ არის იგი თავის შემოქმედებაში. ასეთი მხატვრისათვის სინამდვილის მოვლენებისადმი მიღჯომის საკითხი ნათელია, მას არ სჭირდება ეგუებოდეს, საკუთარ თავს აძულებდეს, კომუნისტური პარტიულობის პოზიციებიდან ცხოვრების მართალი გაშუქება მისი სულის მოთხოვნილება, იგი მტკიცედ დგას ამ პოზიციებზე, იცავს მათ თავის შემოქმედებაში“.

ლიტერატურის პარტიულობის მოწინააღმდეგენი, რევიზიონისტები ბრალად დებენ ჩვენს ლიტერატურას აგრეთვე, რომ იგი თითქოს ერთფეროვანია, რაც, თურმე ნუ იტყვიოთ, ლიტერატურისადმი პარტიული ხელმძღვანელობისა და სოციალისტური რეალიზმის შედეგია. თავისთავად ცხადია, ეს „ბრალდებაც“ საესეებით უსაფუძვლოა, ფაქტებს არ ემყარება და ვერაველთარ კრიტიკას ვერ უძლებს.

საყოველთაოდ ცნობილია, რომ მას შემდეგ, რაც ლიტერატურაში შემოვიდა ახალი გმირი, ადამიანი, რომელიც თავადღებით იბრძვის ახალი ცხოვრებისათვის, კაცობრიობის ბედნიერე-

ბისათვის, რომლისგანაც განუყოფელია მისი პირადი ბედნიერება, მწერლობის წინაშე გადაიშალა განვითარების არნახული პერსპექტივები, იგი გახდა გასაოცრად მრავალფეროვანი და მდიდარი. და მხოლოდ, განა ოდესმე წინათ ლიტერატურისა ჰქონდა ისეთი მდიდარი მასალა, როგორიც დღესა აქვს? საბჭოთა ადამიანის სულიერი სამყარო უაღრესად მდიდარი და ლამაზია. არც ერთი სხვა ეპოქის ადამიანი არ შეიძლება შეეძაროს მას ამ მხრივ. იგი მთელი თავით მალდა დგას ყველა დრძისა და ქვეყნის ადამიანზე მაღალი იდეურობით, საუკეთესო მორალური თვისებებით და ინტერესების მრავალფეროვნებით. მაშასადამე, ლიტერატურაც, რომელიც ამ ახალი ადამიანის ცხოვრებას, მის ფიქრებსა და გრძობებს, შრომასა და ბრძოლას ასახავს, არ შეიძლება არ იყოს უაღრესად მრავალფეროვანი, უაღრესად ნოვატორული, უაღრესად მდიდარი ხასიათებითა და ტიპებით. უკვე იმით, რომ სოციალისტურ სინამდვილეს ასახავს, საბჭოთა ლიტერატურა ისე მრავალფეროვანია, როგორიც არც ერთი ლიტერატურა არ ყოფილა წინათ და არ არის ამჟამად, რადგან თვითონ ცხოვრება, თვითონ სინამდვილე არ ყოფილა უფრო მრავალფეროვანი, ვიდრე ჩვენი დღევანდელია, ვიდრე ჩვენი საბჭოური სინამდვილეა.

რა თქმა უნდა, ბუჩუქაზიული იდეოლოგიებისათვის ხელსაყრელი არ არის აღიარონ ეს უცილობელი ფაქტი. იყო დრო, როცა ისინი ცდილობდნენ დაემტკიცებინათ, თითქოს სოციალიზმი ახდენს ადამიანთა ნიველირებას, ერთფეროვანს ხდის მათ, აცლის ინდივიდუალობას, გასაქანს არ აძლევს პიროვნების განვითარებას. მაგრამ ყველაფერი ეს ფუჭ ლაყბობად დარჩა. ამიტომ ახლა მათ შეცვალეს დარტყმის მიმართულება და თანამედროვე რევიზიონისტებთან ერთად „ამტკიცებენ“, თითქოს საბჭოთა ლიტერატურა ერთფეროვანია იმიტომ, რომ ლიტერატურის განვითარებას ჩვენს ქვეყანაში ხელმძღვანელობს პარტია, ხოლო საბჭოთა მწერლები თავიანთ შემოქმედებით მეთოდად აღიარებენ სოციალისტურ რეალიზმს, რომელიც დიდი ხანია იქცა პროკრუსტეს სარეცელადო. მსგავსი შეხედულება განავითარა ზოგიერთმა ლიტერატორმა იუგოსლავიაში, პოლონეთში, უნგრეთში და სხვ. ისინი, ეს ლიტერატორები, ფიქრობენ, რომ რაკი საბჭოთა მწერლების დადებითი გმირების დიდი უმრავლესობა იმარჯვებს სიმწიფეებთან, დაბრკოლებებთან ჭიდილში და პირად ბედნიერებას პოულობს საერთო ბედნიერებისათვის ბრძოლაში, ეს უკვე პროკრუსტეს სარეცელია, ერთფეროვნება.



ილშქრებენ რა სოციალისტური რეალობის წინააღმდეგ, რევინიონისტები მისაბაძად სახევენ იუგოსლავიელი ე. წ. მოდერნისტების შემოქმედებას, ამტკიცებენ, თითქოს ეს მოდერნიზმი ახალი სიტყვა იყოს ლიტერატურაში. ნამდვილად კი მოდერნისტი მწერლების შემოქმედებაში შინაარსობრივად ახალი არაფერია. მასში გაბატონებულია პესიმიზმის, ადამიანის ურწმენობის, ცხოვრებაში ადამიანის ჩაურევლობის მოყირკებული და გაცვეთილი მოტივები.

გამოიყენო სოციალისტური რეალობა, — ეს ნიშნავს ასახო ცხოვრება მართლად, სრულად, მთელი მისი მრავალფეროვნებით. სწორი არ იყვნენ ის ლიტერატორები, რომლებიც ვერ იცნობდნენ რა ცხოვრებას, არ ჰქონდათ რა საჭირო პოლიტიკური გამოცდილება და იმის უნარი, რომ შეენიშნათ მთავარი და განმსაზღვრელი, შეუდგნენ უარყოფითი ფაქტების შეგროვებას, ყველგან და ყველავერსი ეძებდნენ ნაკლოვანებებს, განსრახ ამუქებდნენ ფერებს და არსებითად ქმნიდნენ ცინიკურსა და მწიკურს ნაწარმოებებს. ამავე დროს მათ ჩირქი მოსცხეს იმ პატიოსან საბჭოთა მწერლებს, რომლებიც წერდნენ დადებითზე, ჩვენს წარმატებებზე და სრულიად უსაფუძვლოდ მიაკერეს ასეთ მწერლებს „შემლამაზებლის“ სალანძღაო სახელი. პარტია, რა თქმა უნდა, ვერ შეურიგდებოდა ამას. მან განმარტა, რომ ლიტერატურამ უნდა გვიჩვენოს ჩვენი სინამდვილე მთელი მისი მრავალფეროვნებით და დაუშვებელია რაიმე ცალმხრიობა, სიყალბე. საბჭოთა ადამიანები უარყოფენ ისეთ ცილისმწამებლურ წიგნს, როგორიცაა დუდინცევის „არა პურითა ერთითა“, და ისეთ სიყალბესაც, როგორსაც შეიცავს კინოფილმები „დაუფიქრარი 1919 წელი“ ან „ყუბანელი კაზაკები“.

პარტია გვასწავლის, რომ მწერალს, ხელოვნების მუშას მხოლოდ მაშინ შეუძლია სწორად, სრულყოფილად, მრავალფეროვნად ასახოს სინამდვილე, როცა იგი სისხლბორცულად უკავშირდება პარტიას, ხალხს, როცა მტკიცედ მიჰყვება ლიტერატურისა და ხელოვნების განვითარების მთავარ ხაზს. ეს ხაზი კი ის არის, რომ ლიტერატურა და ხელოვნება, როგორც ამხანაგი ნ. ს. ხრუშჩოვი ამბობს, „მუდამ განუყრელად იყონ დაკავშირებული ხალხის ცხოვრებასთან, მართლად ასახავდნენ ჩვენი სოციალისტური სინამდვილის სიმდიდრესა და მრავალფეროვნებას, მკაფიოდ და დამაჯერებლად გვიჩვენებდნენ საბჭოთა ხალხის დიდ გარდამქმნელ საქმიანობას, მის მისწრა-

ფებათა და მიზანთა კეთილმოხერხებულ მორალურ თვისებებს“.<sup>1</sup>

ხალხთან. ცხოვრებასთან მჭიდრო კავშირი კი არ უპირისპირდება ლიტერატურის პარტიულობის პრინციპს, როგორც ამას ზოგიერთი გზააბნეული ლიტერატორი „ამტკიცებდა“, არამედ, პირიქით, გარდუვალად გულისხმობს მას. ჩვენს სოციალისტურ საზოგადოებაში პარტია არის ხელმძღვანელი და წარმმართველი ძალა, იგი წინ მიუძღვის მშრომელებს, მთელ ხალხს სანუკვარი მიზნის — კომუნისმის განხორციელებისათვის ბრძოლაში და საბჭოთა ადამიანები სამართლიანად უმადლიან მას ჩვენი ქვეყნის ყველა წარმატებას. ნახევარსუკუნოვანი პირადი გამოცდილებით ხალხი დარწმუნდა, რომ კომუნისტური პარტია გამოხატავს და ბოლომდე იცავს მის ძირეულ სასიცოცხლო ინტერესებს, რომ პარტიას არა აქვს არავითარი სხვა ინტერესები, გარდა ხალხის, მშრომელების ინტერესებისა. ამიტომ ხალხმა საკუთარი ნებით, საკუთარი სურვილით მიანდო კომუნისტურ პარტიას თავისი ბედი და უყოყმანოდ უქერს მხარს მის პოლიტიკას, რომელიც წარმოადგენს სოციალისტური საზოგადოებრივი და სახელმწიფოებრივი წყობილების საფუძველს. სწორედ ამიტომ განა სისულელე არ არის ფიქრობდნენ, რომ შეიძლება ემსახურო ხალხს ისე, რომ უაღრესად აქტიურად არ მონაწილეობდე პარტიის პოლიტიკის განხორციელებაში, არ იზიარებდე პარტიის შეხედულებებს, არ მიგაჩნდეს ისინი, ეს შეხედულებები, ხალხისა და პარტიის შეხედულებებად? პარტია და ხალხი განუყოფელია, მათი კავშირი ურღვევია და არავითარ ძალას არ შეუძლია შეარყიოს მისი სალიკლიდისებური სიმტკიცე. ვინც ხალხთან არის, ის პარტიასთანაც არის, ვინც პარტიასთან არის, ის ხალხთანაც არის.

საბჭოთა ლიტერატურის ძალაც ის არის, რომ იგი განუყრელად დაკავშირებულია პარტიასთან, ხალხთან, ცხოვრებასთან. ბურჟუაზიულმა იდეოლოგიებმა, რევინიონისტებმა ამაოდ სცადეს შეერყიათ ჩვენი იდეოლოგიური და ისტორიული პოზიციების სიმტკიცე, საბჭოთა ლიტერატურა და ხელოვნება აეცდინათ სწორი გზიდან, იდეოლოგიური ფრონტი გამოეყენებინათ სოციალიზმის ძალების შესასუსტებლად. მაგრამ ეს ცდა, როგორც მოსალოდნელი იყო, სრული მარცხით დამთავრდა. საბჭოთა მწერლებმა, ხელოვნების მუშაკებმა, რო-

1. ნ. ს. ხრუშჩოვი, „ხალხის ცხოვრებასთან ლიტერატურისა და ხელოვნების მჭიდრო კავშირისათვის“, გვ. 27.

მლებიც აქტიურად მონაწილეობენ საყოველთაო-სახალსო ლაშქრობაში კომუნისმისათვის, ცხადყვეს, რომ მათ ბოლომდე შეგნებული აქვთ ლიტერატურისა და ხელოვნებისადმი პარტიული ხელმძღვანელობის უდიდესი მორგანიზებული და მამობილიზებული მნიშვნელობა და თავიანთი შემოქმედებითი მუშაობა ვერც კი წარმოუდგენიათ ამ ხელმძღვანელობის გარეშე. მათ ერთსულოვნად დაგმეს ყველა ისინი, ვინც ცდილობდა ლიტერატურასა და ხელოვნებაში გაეპარებინა საბჭოთა ადამიანების სულისკვეთებისათვის უცნო ბურჟუაზიული შეხედულებანი, ვინც ილაშქრებდა პარტიულობის პრინციპის წინააღმდეგ ლიტერატურასა და ხელოვნებაში, ვისაც სურდა დაეჩლუნგებინა იდეოლოგიური ბრძოლის, მასების აღზრდის ისეთი ბასრი იარაღი და ნაცადი საშუალება, როგორიცაა ჩვენი ლიტერატურა და ხელოვნება.

საბჭოთა მწერლების წინაშე გადაშლილია ნაყოფიერი შემოქმედებითი მუშაობის უდიდესი პერსპექტივები და შესაძლებლობანი. და ეპვი არ არის, პარტიის მზრუნველობითა და

დახმარებით ისინი ამომწურავად შეძლებენ ამ შესაძლებლობებს, კიდევ უფრო გასწავლიან თავიანთ წვლილს კომუნისმის მშენებლობაში. „საბჭოთა მწერლების მთელი მრავალეროვანი კოლექტივის სახელით, — ნათქვამია სსრ კავშირის მწერალთა კავშირის გამგეობის IV პლენუმის მიმართვაში სკკ ცენტრალური კომიტეტისადმი, — ჩვენ პირობას ვაძლევთ ცენტრალურ კომიტეტს, რომ ვეშაადებით რა მწერალთა III ყრილობისათვის, ლიტერატურის განვითარებისათვის მაქსიმალურად სასარგებლოდ განვახორციელებთ ცხოვრებაში პარტიის მიერ მოცემულ რჩევა-დარიგებებს. ჩვენ ყოველი საბჭოთა მწერლის მოვალეობად მიგვაჩნია, რომელი ეროვნებისაც არ უნდა იყოს იგი, განუყრელ კავშირში იყოს ხალხის ცხოვრებასთან და, აიღებს რა მასალებს თავისი შემოქმედებისათვის ხალხის გმირული შრომიდან, შექმნას იდეურად და მხატვრულად სრულყოფილი ნაწარმოებები ჩვენი განუმეორებლად მშვენიერი დროის შესახებ, რათა უფრო გაამდიდროს და განავითაროს სოციალისტური რეალიზმის მეთოდი“.



ღარო ასათიანი

დამავიწყდა... უნდა მეტყვა\*

თეთრი ღამე, მთვარის თენთვა...  
ჩნდება ჩუმიად ჩრდილთან ჩრდილი,  
მესმის შენი გულის ფეთქვა,  
როგორც ახლა, ისე დილით.

დამავიწყდა, უნდა მეტყვა,  
მზეა, წყნარი დარი არი, —  
ვერ დადნობს შენს სინათლეს  
შავი ღამე დარიალის.

ბევრჯერ უთქვამთ სხვებს წინათ ეს,  
დამავიწყდა, ვერ გითხარი,  
რომ ქარი ფრთებს ატკაცუნებს  
და ირხევა ხე, ვით ქალი.

კვლავ გაისმის ვაჟკაცური  
შენი ხმა, და ხმებს კრიალას  
მოაქვს ვარდის სურნელება  
ბარდებით და ეკლიანად.

ამ დროს სხედან სულელები  
და ცის თაღზე ჰკრეფენ მთვარეს,  
დამავიწყდა და ვერ გითხარ,  
მზე ვერ დასწავს, დავ, შენს თვალებს  
და იელვებს იგი დიდხანს.

დამავიწყდა, უნდა მეტყვა,  
როგორც ახლა, ისე დილით,  
მესმის შენი გულის ფეთქვა,  
მიმზერს შენი სახის ჩრდილი.

1938 წელი.

\*ღარო ასათიანის ეს ლექსები ქვეყნდება პირველად. ხელნაწერები მოგვაწოდა პოეტის მეგობარმა ნელი ღუმბაქემ.





\* \* \*

„ქრიზანტემები, თეთრი ვარდები  
მოგაგონებენ წარსულის ღიმილს“.

ვნახე წარსულის ერთი ფურცელი,  
„ქრიზანტემები, თეთრი ვარდები“,  
თუ მწუხარებას ვერ გავუძელი,  
წავალ და კლდეზე გადავვარდები.

ვნახე წერილი, სადაც ვარდია  
ისევ ცოცხალი, ისევ მზიანი,  
ჩემი გრძნობის და სიყრმის გვარდიავ,  
სალამი ჩემგან იმედიანი.

დაჰანგებული გული გიგონებს,  
გული — ვარამის მარმამიანი.  
ნაძვნარში ვჩმახავ მე ამ სტრიქონებს, —  
არ მიატოვა ქარმა შრიალი.

თითქოს ათასი წელიწადია,  
რაც არ მენახოთ, ისევ დარდია.  
ო, თქვენი ნახვა როგორ მწადია,  
ჩემი გრძნობის და სიყრმის გვარდიავ.

ჩემი ვარამის დამტირებელი  
გულზე მაწვება ეს თვე მთლიანად,  
სექტემბერში კი მატარებელი,  
ალბათ, მოიტანს ღიმილს კრიალას.

სხვა არაფერი მინატრია-რა.

1935 წელი, 24 ივლისი.





## საინტერესო ნაშრომი მხატვრულ ლიტერატურაში ხალხთა მეგობრობის ასახვის საკითხზე

ხალხთა მეგობრობა მეტად აქტუალური თემაა. თუ როგორ არის იგი ასახული თანამედროვე ქართულ მწერლობაში, ამ საკითხს ეხება ა. მირიანაშვილის ნაშრომი „ხალხთა მეგობრობის ასახვა ქართულ საბჭოთა ლიტერატურაში“, რომელიც საქართველოს სსრ მეცნიერებათა აკადემიის გამომცემლობამ გამოსცა.

ნაშრომი შედგება შესავლისა და ოთხი თავისაგან.

შესავალში ავტორი არკვევს მხატვრულ ლიტერატურაში ხალხთა მეგობრობის ასახვის ზოგად თეორიულ საკითხებს და მოკლედ ჩამოთვლის იმ ძირითად ფორმებს, რომლებიც თავიდან დაიწყო რევოლუციამდე ქართულმა მწერლობამ ხალხთა მეგობრობის გამოსახატავად. განსაკუთრებით ვრცლად არის დახასიათებული ის ძირითადი ფორმები, რომლებიც გააჩნია ქართულ საბჭოთა ლიტერატურას ხალხთა მეგობრობის იდეის ხელოვნების ენაზე გადმოსაცემად: სხვადასხვა ეროვნების წარმომადგენლების დამეგობრება, ნაწარმოების მიძღვნა მთლიანად მოძმე ხალხებისადმი და სხვ. რასაკვირველია, საბჭოთა ლიტერატურა იყენებს ზოგიერთ იმ ფორმასა და ხერხს, რომლებიც ახასიათებდა რევოლუციამდე ლიტერატურას, მაგრამ მას გააჩნია სპეციფიკური ფორმებიც ხალხთა მეგობრობის გამოსახატავად. მაგალითად, სოციალისტური შრომითი გმირობის გამოცდილების ურთიერთგაზიარება მხოლოდ სოციალისტური რეალობის ლიტერატურას ახასიათებს, რადგან საბჭოთა ხელისუფლების დამყარებამდე არ იყვნენ სოციალისტური შრომის გმირები. საბჭოთა ხელისუფლება, კომუნისტური პარტია ხელს უწყობენ გმირობის ვაგრელებას, რათა ერთი ერის შრომითი გმირობის გამოცდილება განზოგადდეს და იქცეს ყველა მოძმე საბჭოთა ერის კუთვნილებად, რაც კიდევ უფრო განამტკიცებს ხალხთა მეგობრობას. დასასრულ ავტორი დაასკვნის:

„რევოლუციამდე და თანამედროვე ქართულ ლიტერატურას შორის ძირითადი განსხვავება იმაშია, რომ ძველად ჩვენი მწერლები გამოხატავდნენ ძირითადად სურვილს სხვა ხალხებთან მჭიდრო ურთიერთობისა, რის საშუალებასაც მათ არ აძლევდა არსებული სახელმწიფოებრივი წყობილება. ახლა კი სხვაგვარი მდგომარეობა გვაქვს: ქართველი ხალ-

ხი მტკიცე ლენინური მეგობრობით არის დაკავშირებული სხვა ხალხებთან. აი ეს ცხოვრებისეული განსხვავება იწვევს განსხვავებას მხატვრული ფორმების თვალსაზრისითაც“ (გვ. 13).

ნაშრომის პირველი თავი „ხალხთა მეგობრობის მოტივები რევოლუციამდე ქართულ ლიტერატურაში“ ეხება იმ ტრადიციებს, რომლებიც დაგვიტოვა ქართულმა კლასიკურმა მწერლობამ ხალხთა მეგობრობის ასახვაში. მოკლედ განხილულია შ. რუსთაველის, დ. გურამიშვილის, ალ. ჭავჭავაძის, ნ. ბარათაშვილის, ილია ჭავჭავაძის, აკაკი წერეთლისა და სხვათა შემოქმედება. ეს თავი, ჩვენი შეხედულებით, მეტად მოკლეა და სქემატური. მართალია, ხალხთა მეგობრობის მოტივი სწორად არის დახასიათებული, მაგრამ ზოგიერთი ნაწარმოები გამოტოვებულია. მაგალითად, ი. ჭავჭავაძის „ქართვის დედა“, კერძოდ, ამ ნაწარმოების ის ადგილი, სადაც შვილი ეუბნება დედას:

მოვიდა დიდ ხნის სანატრული,  
დედაე ამბავი:  
ჩვენი ქვეყანა, საქართველო,  
დავღიძუეულა,  
მთელ ქვეყასი,  
მტერაზე რისხვით აღმოქმეინავი,  
ერთისა აზრით,  
ერთის გრძნობით აღელვებულა.

როგორც აქედან ჩანს, მთელი კავკასიის ბრძოლა, ესე იგი კავკასიის ყველა ერის ერთიანობა, ილიას მიაჩნია თვითმპყრობელობის დამოხრის პირობად. ეს არის ერთი მეგობრობის ქადაგების ბრწყინვალე გამოხატულება და იგი ხაზგასმით უნდა ჩანდეს ნაშრომში.

ნაშრომის მეორე, მესამე და მეოთხე თავებში ავტორი შესაბამისად განიხილავს ხალხთა მეგობრობის ასახვას ქართულ საბჭოთა პოეზიასა, პროზასა და დრამატურგიაში, კერძოდ, გ. ტაბიძის, ნ. ეული-ქურიძის, გ. ქუჩიშვილის, ნ. ზომლეთელის, ს. ჩიქოვანის, გ. ლეონიძის, ი. გრიშაშვილის, ა. მირცხულავას, ი. მოსაშვილის, ალ. აბაშვილის, ზ. ბერულავას, ი. ნონეშვილის, გ. ვაფინდაშვილის, შ. დლიანის, ლ. ქიანელის, მიხ. ჯავახიშვილის, ი. ლისაშვილის, ს. შანშიაშვილის, ბ. ჩხეიძის, ა. ჭეიშვილის, რ. გვეტაძის, ელ. ზედგინიძის, თ. დონჯაშვილის,



თ. გოგოლაძის, კ. გოგიავას, კ. გამსახურდიას, კ. ლორთქიფანიძის, დ. შენგელიას, ს. კლდიაშვილის, ს. თავაძის, დ. ბაქრაძის, ა. ბელიაშვილის, გ. ნახუციშვილის, ვ. დარასელის, ი. ვაყეილის ნაწარმოებებში, რომლებიც ეხებიან ხალხთა მეგობრობას. მაგრამ, სამწუხაროდ, ზოგი ნაწარმოები მხოლოდ მოხსენიებულია, ზოგი მოკლე არის განხილული, ზოგი კი ვრცლად და ღრმად. ამ შემთხვევაში მოტანილია სათანადო ტექსტობრივი მასალები და წარმოდგენილია ღრმა მეცნიერული ახალიზი. წიგნის დიდი ღირსებაა, რომ თავიდან ბოლომდე გასდევს ღრმა ანალიზი იმ ნაწარმოებებისა, რომლებშიც ასახულია ქართველი ხალხის მეგობრობა დიდ რუს ხალხთან, გვიჩვენებს ამ მეგობრობის დიდ პროგრესულ მნიშვნელობას.

მხატვრული ნაწარმოების ანალიზის დროს ავტორი ყოველთვის წინ წამოსწევს არსებითს, დამახასიათებელს, ტიპობრივს და ამის მიხედვით გვაძლევს სათანადო დასკვნებს. ეს დასკვნები სწორი და მისაღებია.

აქვე უნდა აღვნიშნოთ წიგნის ორი ძირითადი ნაკლი.

ავტორი, მართალია, ეხება ნაწარმოების მხატვრულ ფორმასაც, მაგრამ ზოგჯერ ეს ანალიზი მეტად მოკლეა, ზოგჯერ კი მის შესახებ არაფერს ამბობს.

ავტორი მართებულად უსაყვედურებს ჩვენს მწერლებს იმის გამო, რომ სამამულო ომის პერიოდის პოეზიაში იყო შემთხვევები, როცა „ხშირად ლექსების ღრვიკული გმირები... სრულიად მშვილად, აუღრვებლად, ყოველგვარი გულსტაკიეილის გარეშე ტოვებენ ოჯახს, ცოლ-შვილს, მოხუც მშობლებს, სატარფოებს და სხვა ახლობელ ადამიანებს. შინ დარჩენილნიც ასევე გულდინჯად აცილებენ მათ, თითქმის არც კი წარმოუდგენიათ, თუ რა საფრთხე მოელოს მათ საყვარელ ადამიანს ბრძოლის ველზე“ (გვ. 46). აქვე შევნიშნავთ, რომ კარგი იქნებოდა ავტორის ასეთი „ლირიკული გმირის“ ანუ „ლირიკული პერსონაჟის“ რამდენიმე კონკრეტული მაგალითი დაესახელებინა.

ავტორი იქვე დასძენს: „ზემოთ აღნიშნული ერთფეროვნების ფონზე თავისებურად გაისმის ალ. მირცხულავას ლექსში ფრონტზე წასული ვუკაიკის დედის სიტყვები:

„მუდამ გიგონებ დარდით სნეული,  
თვალწინ მიდგახარ-ყოველ ცისმარე,  
აღარ მასვენებს შემოსეული  
დღისით ფიჭვი და ღამით სიხმარი“  
(გვ. 47).

ჩვენი აზრით, ავტორი ამ შემთხვევაში არ უნდა დაემყარებინა მხოლოდ ერთი მწერლის ერთი ლექსის ანალიზით, მას უნდა დაესახელებინა და განეხილა სხვა მწერლების ნაწარმოებებიც და, კერძოდ, არ შეიძლებოდა უყურადღებოდ დაეტოვებინა აჭარაში მომუშავე პოეტ ნესტორ მაღაზონაის ისეთი ბრწყინვალე ლექსი, როგორც არის „მოდინა შეილო ვარისკაცები“.

... „მეორე ზარი — შენაც წახვედი,  
გულში კი მიმე ჰქიდილო განჩნა:  
აქაც მიხდილი, აქაც მიხდილი,  
ბოლოს შეერთდა ეს ორი განცდა.  
... და ყველაფერი გახდა ძვირფასი,  
რასაც კი შენი უგრძნია თითი —

შენი სურათი, წიგნი თუ თასი,  
შენი მაგიდის ყოველი ნივთი,  
დღეღამე პირველ გვეყრა ყველაფერს,  
შენი სახელი და მაგალითი. მის წინაშე

ვაიკლებს დროს მშობელმა გულის მიმე:  
ქიდილი განიცადა, მაგრამ როდესაც შინ დაბრუნდა და სახლის კარი შეაღო, პატრიოტი მშობლის განცდით თქვა:

გულში ჩამოღვა სხვა სიამაყე:  
მტიცივდ მეჩვენა ეზო და ბინა  
და შევიღო სახლში, წარის გარეშე  
წუთითაც ვეღარ ვარბომეღვინა.

ჩვენ შემთხვევით არ დავგვისახელებია ქ. ბათუმში მცხოვრები მწერლის ნ. მაღაზონაის ლექსი. საქმე ისაა, რომ ზოგიერთი მკვლევარი კრიტიკაში რომელიმე თემის გაშუქებას დროს აანალიზებს მხოლოდ იმ ნაწარმოებებს, რომლებიც ეკუთვნის თბილისში მცხოვრებ მწერლებს. ეს ტენდენცია ახასიათებს სარეცენზიო ნაშრომსაც. ა. მირიანაშვილი არ ასახელებს და არ განიხილავს არც ერთი იმ მწერლის ნაწარმოებს, რომლებიც ბათუმში ცხოვრობენ და აშუქებენ ხალხთა მეგობრობის თემას. ნაშრომის სათაური კი არის „ხალხთა მეგობრობის ასახვა ქართულ საბჭოთა ლიტერატურაში“. ცნობილია, რომ ქართულ საბჭოთა ლიტერატურაში შედის ყველა ის ნაწარმოები, რომლებიც დაიწერა სუხუმში, სტალინგრადში, ბათუმსა თუ ქუთაისში. კერძოდ, აჭარაში მუშაობენ მწერლები, რომლებიც დიდი ხანია ცნობილი არიან თავიანთი ნაყოფიერი შემოქმედებით, მაგრამ ზოგიერთი კრიტიკოსი ამ გარემოებას რატომღაც ანგარიშს არ უწევს.

ხალხთა მეგობრობის თემაზე დაწერილ ნაწარმოებთა შორის გამოირჩევა, მაგალითად, ნ. მაღაზონაის ისეთი ლექსები, როგორიცაა „მეგობრები“, „პუშკინის სურათთან“, „ვლადიმერ მაიაკოვსკის“ და სხვ. ბევრი კარგი ლექსი აქვს პოეტ ფრიდონ ხალვაშს ხალხთა მეგობრობის თემაზე: „თურგი“, „ლერმონტოვი პატივგორსკში“, „ვიეტნამელი სტუმარი“, „წინ“, „ეს ბავშვი ცხოვრობს ბერძნულ ციხეში“, „იულიუს ფიჩიკი მშვიდობის ფესტივალზე“, „რობსონი მღერის“ და სხვ.

ხალხთა მეგობრობა და მშვიდობის დაცვა განუყოფელია. ხალხთა მეგობრობა მშვიდობის ბურჯია, რადგან ხალხთა მეგობრობას, მის მძლავრ გაქანებას შეუძლია ალაგმოს პირსისხლიანი აგრესორები და მშვიდობა ვანახტკიცოს. ამ თემისადმი მიძღვნილი პოეტ გიორგი სალუქვაძის ლექსი „რუკასთან“. ამ ლექსში მოცემულია მხატვრული სახე ლამაზი ბიჭუნასი, რომელიც რუკას შესცქერის და საზღვარს ხაზავს. ბიჭუნა გმობს იმ თურქს, რომელიც კორეაში ასკერს ზვანებს და ომის ხანძარით ემუქრება

შრომის,  
სიკეთის,  
მშვიდობის მხარეს.

როგორც ცნობილია, აჭარა სამი საუკუნის განმავლობაში განიცდიდა თურქების ბატონობას და მათი ბარბაროსული მოქმედების შესახებ ბევრი თქვეს და დაწერეს აჭარის როგორც პოეტებმა, ისე პროზაიკოსებმა და დრამატურგებმა. მაგრამ ამასთან ერთად ისინი ავლენენ დიდ პატივისცემას თურქი ხალხისადმი და



მისი სსახელო მოღვაწეებისადმი. ამის მიჩვენებელია ლექსების ციკლი, რომელიც შეიქმნა თურქი ხალხის საამაყო შვილის ნახში პიქციონის შესახებ. ამ მხრივ ყურადღებას იპყრობს პოეტ მამია ვარშანიძის ლექსები „შეხვედრა“, „ნახშიის სიტყვა ახალგაზრდებთან“, „ნახვამდის“ და სხვ.

დასკვნის სახით უნდა ითქვას შემდეგი: აქარაში არსებობს მწერალთა კავშირის განყოფილება, რომელსაც უკვე გააჩნია თავისი ბეჭდვითი ორგანო, სახელგამი უშვებს ბათუმში მომუ-

შავე მწერლების წიგნებს, თეატრებში ეგვიპტე მათი პიესები. შეიქმნა არაერთი ჟღერაობა, რომლებიც უკვე შევიდა ქართულ საბჭოთა ლიტერატურაში. ამ მოვლენამ თავისი ასახვა უნდა პპოვოს უპირველეს ყოვლისა ისეთ წიგნებში, რომლებშიც ესა თუ ის თემა განხილულია მთელი ქართული საბჭოთა ლიტერატურის მასალებზე.

დოც. ალ. ჩავლიშვილი

## აჭარის მკვიდრი მოსახლეობის ანთროპოლოგიისათვის

ეთნოგენეზის საკითხი, რომლის ერთ მხარესაც — ხალხის ფიზიკურ აღნაგობას, ანთროპოლოგია შეისწავლის, საისტორიო მეცნიერების ერთ-ერთი ურთულესი პრობლემაა. იგი ძირითადად ეთნოგრაფიის კომპლექტშია შედის, მაგრამ ეთნოგრაფია მას ვერ გადაჭრის ისტორიის, არქეოლოგიის, ენათმეცნიერების, ანთროპოლოგიისა და მეცნიერების ზოგიერთი სხვა დარგის დაუხმარებლად. მხოლოდ ყველა ამ დარგის მონაცემთა კომპლექსური გამოყენებით არის შესაძლებელი ეთნოგენეზის საკითხის მართებული მეცნიერული გაშუქება.

აჭარის ასრ მკვიდრი მოსახლეობის ანთროპოლოგიურ თავისებურებათა გამოკვლევა-დადგენასა და ამავე მოსახლეობის ეთნოგენეზის ზოგიერთი საკითხის გაშუქებას ისახავს მიზნად ო. ახვლედიანის წიგნი „К антропологии коренного населения Аджарской АССР“, რომელიც აჭარის სახელგამმა გამოსცა.

აჭარის მოსახლეობის ანთროპოლოგიური კვლევა ოთარ ახვლედიანმა სარფისა და გონის ჭაენების (ლაზების) შესწავლით დაიწყო 1951 წელს. აქედან მოკიდებული ავტორი წლების მანძილზე გულმოდგინედ სწავლობდა სამხრეთ-დასავლეთ საქართველოს მოსახლეობის ანთროპოლოგიურ თავისებურებებს და მნიშვნელოვანი წარმატებისთვისაც მუღლწევა.

სარეცენზიო წიგნი მიღიარ მასალებს ემყარება. ავტორს შეუწავლია აჭარის მოსახლეობის რვა ტერიტორიული ჯგუფი 732 კაცის რაოდენობით და ერთი კრანოლოგიური სერია (61 თავის ქალა). გარდა ამისა, ანთროპოლოგს გამოუკვლევია და შესაძარებლად გამოუყენებია გურული ეთნოტერიტორიული ჯგუფების მასალები, რომელიც 297 ინდივიდს შეადგენს. სულ მკვლევარმა შეისწავლა 1.029 ინდივიდი.

წიგნი ავტორს იქვს თავად დაუყვია, რომელსაც უძღვის შესავალი და ერთვის მოკლე დასკვნები, დამატებაში წარმოდგენილია სომატოლოგიური და კრანოლოგიური მასალების ცხრილები და ფოტოტაბულები.

ნაშრომის ძირითადი ნაწილი (IV-V თავები) ეძღვნება ავტორის პირველი მთავარი ამოცანის — აჭარის მოსახლეობის ანთროპოლოგიურ თა-

ვისებურებათა დადგენას. მკვლევარი დიდი გულსყურით ეყიღება ამ საკითხს და ანთროპოლოგიური ნიშნების საუფქლიან ინფორმაციულ დიდერენციაციას გეაძლევს (თავი IV, § 6-17). მკვლევარს რომ ძირითადად დიდი და ფაქიზი ანთროპოლოგიური კვლევა-ძიება ჩაუტარებია, ეს უდავოა, განსაკუთრებით აღსანიშნავია, რომ ო. ახვლედიანი ამა თუ იმ ანთროპოლოგიური თავისებურების განსაზღვრის დროს თითო-ორთი ინდივიდით კი არ კმაყოფილდება, როგორც რეკოლუციამდელი ავტორები იქეოდნენ, არამედ მრავალი ინდივიდის გულმოდგინე შესწავლაზე აფუძნებს თავის დასკვნებს.

გამოკვლევაში რიგიანად არის დახასიათებული სომატოლოგიური და კრანოლოგიური მასალები (თავი III), აჭარის ცალკეული ეთნოტერიტორიული ჯგუფების მორფოლოგიური თავისებურებანი და მთელი რიგი სხვა საკითხები.

ანთროპოლოგი ენერგიულად იკვლიებს აგრეთვე ეთნოგენეზის საკითხებს (თავი VI) და მეტწილად სწორ დასკვნებსაც იძლევა.

თურქთა სამსაუყუნოვანმა ბატონობამ აჭარაში ზოგიერთი ცვლილება შეიტანა ამ მხარის ეთნოგრაფიულ ყოფაში, ზნე-ჩვეულებებში, ლექსიკაშიც შევიდა უცხოური წარმოშობის სიტყვები, მაგრამ ქართულმა ენამ გაუძლო თურქულის ასიმილაციურულ მოძღვებას და შეინარჩუნა თავისი გრამატიკული, წყობა და ძირითადი ლექსიკური ფონი.

მნიშვნელოვანი გავლენა ასიმილაციას არც აჭარის მკვიდრი ანთროპოლოგიურ ტიპზე მოუხდენია. მოსახლეობამ აქაც მამაკცურად გადაიტანა განსაცდელი. საფუძქლიან ანთროპოლოგიურ გამოკვლევას ემყარება ავტორი ამ საკითხში და სწორ დასკვნამდეც მიდის (გვ. 150).

განსაკუთრებით საყურადღებოა ო. ახვლედიანის დებულება აჭარის მკვიდრთა ავტოქტონური წარმომავლობის შესახებ (გვ. 139).

ეს დებულება ჯეროვან ანთროპოლოგიურ

მონაცემებს ემყარება და სარწმუნოც ჩანს, თუმცა უნდა ითქვას ისიც, რომ მას აუცილებელი ისტორიული დასაბუთება აკლია.

სწორი და მართებულია ავტორის დებულება ქობულეთის რაიონისა და მახარაძე-ლანჩხუთის რაიონების მცხოვრებთა უახლოესი ეთნიკურ-ანთროპოლოგიური მსგავსებისა და ამ ეთნოტერმინოლოგიულ ჯგუფთა საერთო გენეტიკური წარმომავლობის შესახებ (გვ. 146).

ქობულეთის რაიონში, ისე როგორც მთელ ისტორიულ ქვემო გურიაში (მდინარე ჩოლოქიდან ჭოროხამდე), ძველთაგანვე გურული ეთნოტერმინოლოგიული ჯგუფის მოსახლეობა იყო. ეს ისტორიული ქვეშაობებია, რომელიც შეუძლებელია ანთროპოლოგიურადაც არ დადასტურდეს. ამიტომ მოსალოდნელი იყო, რომ ბათუმის რაიონის ჩრდილო-აღმოსავლეთი ნაწილიც, რომელიც აგრეთვე ამ ეთნოტერმინოლოგიული ჯგუფის ძველსძველ სამკვიდრებელს წარმოადგენდა, ანთროპოლოგიურად ძირითადად იმასვე მოგვეცემდა, რაც ქობულეთმა გამოავლინა. თუმცა ავტორის თავისა სომატოლოგიური გამოკვლევით დღეს ასეთი შედეგი არ მიუღია, მაგრამ ისტორიული, ეთნოგრაფიული და ენობრივი თავისებურებანი ცხადყოფს, რომ წარსულში ამ კუთხის მოსახლეობა უაღრესად მახლობელი იყო ქობულეთ-გურიასთან.

წიგნში ვხვდებით შეცდომა-უზუსტობათა ცალკეულ შემთხვევებს, როგორც ამა თუ იმ ისტორიული მოვლენის თარიღში, ისე სხვა საკითხშიც.

მაგალითად, წინა აზიაში თურქ-ოსმალთა შემოსევების დაწყების თარიღად წიგნში დასახელებულია XI საუკუნე (გვ. 17), ნამდვილი კი ამ დროს მოდიან თურქი-სელჩუკები, ხოლო თურქ-ოსმალები შემოიჭრნენ უფრო გვიან, XIII საუკუნეში.

გურიიდან აჭარა-ჭანეთის ჩამოცილება რომელიც მზეჭაბუკ ათაბაგმა (1502-1516 წ.) განახორციელა 1511 წელს, ავტორს თურქთა მიერ ამ ოლქების ოკუპაციად აქვს მიჩნეული (იქვე).

იმავე გვერდზე ო. ახვლედიანი ვახუშტი ბაგრატიონის დამოწმებით აცხადებს, რომ ვახუშტი ძველად აღმოსავლეთ საქართველოს სუბიექტში იყო და მხოლოდ VIII საუკუნის შემდეგ ნახევარში უერთდებოდა აფხაზეთის სამეფოსო, ასეთი შეხედულებაც მცდარია. აღმოსავლეთ საქართველოს ფარგლებში გურია არასოდეს არ ყოფილა. აფხაზეთის სამეფოს შემადგენლობაში შესვლამდე მერმინდელი გურიის მიწა-წყალი ჯერ კოლხეთის, ხოლო შემდეგ ლაზიკის სამეფოს ფარგლებში ერთიანდებოდა.

ოსმალთა მიერ ქობულეთის მიტაცების თარიღად ავტორი მიუთითებს 1710 წელს (გვ. 19). სინამდვილეში თურქებმა ქობულეთი დაიპყრეს XVIII საუკუნის 60-იან წლებში.

უზუსტობას იჩენს აგრეთვე ავტორი, როცა წერს, რომ თანამედროვე აჭარის ასსრ მხოლოდ ზემო და ქვემო აჭარისა და გურიის ნაწილისაგან შედგებოდა (გვ. 19-20). ისტორიული აჭარისა (აჭარისწყლის ხეობა) და ქვემო გურიის (ქობულეთის რაიონი და ბათუმის რაიონის ჩრდილოეთ-აღმოსავლეთი ნაწილი) გარდა, აჭარის რესპუბლიკაში შევიდა ისტორიული შავშეთის ნაწილიც — ქვემო მაჭახელი, ასევე ნივალის (ლივანა) ნაწილი (კირნათ-მარადიდიდან მირვეთამდე), გონია (ახლანდელი თხილნარისა და გონიის სასოფლო საბჭოები) და ჭანეთის უკიდურესი ჩრდილოეთი ნაწილი მსიბუღალ-ტიბაშიდან კვარიათამდე.

ეს შენიშვნები ვერ ამცირებენ ო. ახვლედიანის ნაშრომის მეტწიერულ ღირებულებას. იგი უფთოდ საყურადღებო გამოკვლევაა, რომელიც მნიშვნელოვნად შეუწყობს ხელს სამხრეთ-დასავლეთ საქართველოს მოსახლეობის ეთნიკურ თავისებურებათა და ეთნოგენეზის საკითხების შემდგომ ღრმა შესწავლას. სასურველია იგი ქართულადაც დაიბეჭდოს.

იური სიხარულიძე



აღმასხანდი სამსონია

მეზობლები

აღმასხანმა არაყი დაასხა და ერთი ჭიქა მე გადმომაწოდა.

— აბა, დაილოცე, სტუმარი კაცი ხარ.

სანამ არ დავცალე, არ მომეშვა.

— ტირილი თუ იცოდი, ჩემო ბიძიკო, სიღერის დასაფლავებაზე რა ღმერთი გაგიწყრა, მუნჯივით რომ იღიქი იმდენ ხალხში.

— მე, აღმასხან ბატონო, ახალგაზრდა კაცი ვარ და ტირილი არ მეხერხება. სიღერის დასაფლავებაზე კი არა, ბავშვობაში ჭინჭრის შოლტებით რომ ამიხურებდა დედაჩემი კანჭებს, მაშინ არ გადმომვარდნია ცრემლი.

მასპინძელმა ხელახლა შეაგსო ჭიქიბი.

— რამდენი წლის ხარ, ბიძია შენ?

— ოცდახუთისა გავხდი იანვარში.

— ჯერ მართლა რეგენი ყოფილხარ, კინალამ კაცური კაცი მიგონე. ხომ არ გეწყინა, ბიძიკო? ლაპარაკი ვიცი ასეთი, თორემ ისე ძან ჩვილი გული მაქვს. ხო, ოქრო, დამაყურე ახლა, რა გითხრა: მე რომ შენხელა ვიყავი, მეზობლებს სატირალში დავყავდი. მოუკვდებოდა ვიღაცეს ყევის ჩხიკვის მამიდაშვილი და ჩემთან მობობდნენ — გვიშვილი, აღმასხან, შენს იქით გზა არ გვაქვსო. იცოცხლე, ხმა ძალუანი მქონდა. ახლა რაა, დავბერდი, შენ ახალგაზრდობაში უნდა გენახა! როგორც მოგეხსენება, ჩვენ დროს რადიო არ იყო და, თუ რამე

გამოსაცხადებელი იქნებოდა სოფელში, მე უნდა მეთქვა ხალხისათვის. იმ ჭადარს ხომ ხედავ? ახლა მეხმა გახლიჩა, თორემ წინათ ძან მაღალი იყო. ავიდოდი, შენ ხარ ჩემი ბატონი, მაგის წვერში და... რად მინდა ახლა ამის მოყოლა. როგორ გამოაბეჭუტურებს სიბერე კაცს! თავიდან რაზე დავიწყე, ბიძიკო?

— მეზობლებს დავყავდიო სატირალში.

— ხო, მაგას ვამბობდი. მიეუახლოვდებოდი თუ არა მიცვალებულის სახლს, წავიშენდი. თავში ხელს და ავტეხდი ღრიალს — ვაიმი ძმაო, ან დაო, ან ბებია, ერთი სიტყვით, ეს მკვდარზე იყო დამოკიდებული. ჩემი ხმის გაგონებისთანავე წამოიშლებოდა ფეხზე ჭირისუფალი — არიქა, ქვედაუბნელები მოვიდნენო. სხვებიც შემმატებდნენ ხმას, ატყდებოდა ტირილი, მაგრამ ჩემი მოთქმა ყველაფერს თარავდა. ვინ მკითხავდა ახლა მე? ვინ მრჩიდა ამას, მარა რეგენი ვიყავი შენსავით და... არა ისე კაცმა ყველაფერი უნდა იცოდეს!

აღმასხანმა ჯიბის პატარა დანით მსხალი დათალა.

— ახლა ეს დააყოლე, ყარამანის ნახელავია, შექარავით ჩავადნება პირში. თითქოს ნაქურდალზე შემასწრეს, ყარამანის სახელის გაგონებისთანავე პირთან მიტანილი ნაჭერი უკანვე დავდე და შეშინებულმა მეზობელი სახლისკენ გაიხედე.

— რამ შეგაშინა, შე კაცო, ხომ ვით-  
ხარი ნახელავია-მეთქი. ამ დილით სა-  
კუთარი კალათით მომიტანა ოჯახში.

— ყარამანმა?

— ხო, ყარამანმა. რა მაქვს ახლა შენ-  
თან სატრაბახო.

— რაღაც არ მჯერა მაინც.

— თუ არ გჯერა, ვინ გეხვეწება.  
გეუბნები ასეა-მეთქი. იმ ამბის შემდეგ  
სულ გამოიცვალა კაცო.

— რომელი ამბის შემდეგ?

— რაჟა, შენ არაფერია იცი? ასეა, ბა-  
ტონო, სოფელი აღარ გაინტერესებთ.  
გადაიკარგებთ ამ ქალაქში. რა დრო  
დაგიდგათ! მე ქალი რომ მოვიყვანე, მა-  
ტარებელი მაშინ ვნახე პირველად. მოი-  
ჩირა ახლა აქეთ, ჩემი მეზობლის ამბავს  
გეტყვი.

სკამი ალმასხანისკენ მივწვი.

— ძუნწი რომაა ყარამანი, მე კი არა,  
რაიონში იციან. მკვდრებიდან ნესტორა  
იყო, საწყალი, უამი და ცოცხლებში ეგ  
დარჩა. მამა არ ყავდა ხელმოჭერილი და  
ბაბუა. ვასაკვირია, ვისში გამოვიდა  
ამისთანა. აგერ, შენ თვითონ გემახსოვ-  
რება, მსხლის გულისთვის რას აკეთებ-  
და. რაც მართალია მართალია, კარგი  
მსხალია. მაგრამ რად გინდა მერე, თუ  
არ მოიხმარე. მაგ მსხალმა დააგლახა  
უბედური, ძილი დაავიწყა და ჭამა, არ-  
შიყობის თავი აბა არც ახლავაზრობა-  
ში ჰქონდა. ხო, მსხალმა დააგლახა-მეთ-  
ქი. სულ იმის შიშში იყო, არ დამიკრი-  
ფონო. ნაყოფს გამოიტანდა თუ არა,  
სამგლე ძაღლი ჰყავდა ერთი, ნემსი ვადა-  
აყლაპვინა ვიღაცა აშენებულმა, იმას  
დაბამდა ძირში. მწიფობაში რომ შევი-  
დოდა მსხალი, ძაღლსაც არ ენდობოდა,  
გამოქონდა ლოგინი და ხის ქვეშ ათე-  
ხებდა. დაილოცა, ღმერთო, შენი სახე-  
ლი! ხილი იმისთვისაა ამ ქვეყანაზე, რომ  
პირი გაისველო, ისიამოვნო. სხვას თუ  
არ აქმევ, რა ვქნათ ახლა, მარა შენ  
რომ ვერ მოიხმარ, მაგაზე უარესი  
არაფერია. ვუთხარი, ვის უნახავ, დალ-  
პა ხეზე ნაყოფი, ვაცინებს ვიღაცა  
მეთქი. დაგიჯერა მერე?

— მეზობელი. შენ ბაღანას მოუარო,  
იგი ჯობია, დამრება რაღაც აქეთ და,  
მსხალზე თუ დავიჭირე, ცუდად წავა  
შავის საქმე.

ბაღანა კი არა საცოლე კაცია, შენი  
კბილაა სწორედ. ძრომით რომ დასჭრე-  
ბა, სულ ცოდვილო. მეც კი შეუძნებ-  
მარა მსხალი რათ უნდა, სახლში იმ-  
დენი გვაქვს, ღორებს ვუყვრით საჭმე-  
ლად. აქ რაღაც სხვა ამბავია. ყარა-  
მანის ქალიშვილს ხომ იცნობ? ვასაკვი-  
რია ასეთი ანგელოზი შვილი ჰყავდეს  
მაგისთანა მამას. ახლა მოხუცდა და ქვა-  
ზე დახატულ ეშმაკს რომ ჰგავდეს, არ  
გაემტყუნება, მაგრამ წინათაც არ იყო  
დიდი ბედაური. ხოდა, მაგას გეუბნებო-  
დი, ჩემო ბიძიკონა, შევატყვე რაღაც  
ბიძს ამ ქალისკენ უჭირავს თვალი. არ  
გამიხარდებოდა, ახლა, მე შენ გეტყვი!  
გადავუკარი მამამისს სიტყვა. ავარდა,  
მაგრამ როგორ! მსხალიბარია კაცს  
ქალს რაჟა გაგატანო.

გამეცინა გუნებაში. მსხალს კი და-  
ჯერდები, ქალი არ მოგბარონ-მეთქი.

საქორწინოთ ვემზადებით ჩემი ქკუ-  
ით, მაგრამ ჯერ დიდა თურმე, სადა  
ხარ!

ბეგლარა მჭედელს, აგერ რომ ცხოვ-  
რობს, გზის პირას, შორეული ნათესავი  
ჩამოუვიდა თბილისიდან. იქ სწავლობს  
თურმე.

ვერ გეტყვი, რა მოეწონა მაგ თბი-  
ლისელში ყარამანს. ალბათ, ნასწავლი  
რომია, იმან გადარია. კი ბატონო,  
გადარია ნამდვილად. ერთხელ ნახა და  
გათავდა — ამაზე უკეთეს სიძეს ვერ-  
სად ვიშოვიო, შეუჩნდა ბეგლარას,  
გავაკეთოთ როგორმე ეს საქმეო.

შევატყვე, აიმღვრა წყალი.

— შე დოყლაპია, პირი რომ დაგილია,  
ქალს ვეართმევენ ხელიდან-მეთქი, —  
ვუყვრე ჩემს ჭიჭიკას. დიდად არ შეუ-  
წუხებია თავი, ალბათ, რაღაცას იმედი  
ქონდა.

ერთ საღამოს, აგი დრო იყო სწორედ,  
ვზივარ ასე კიბის ძირში. ჩიბუხს მოვუ-  
კიდე, შენ ხარ ჩემი ბატონი, და ატყდა  
ყარამანისას ყვირილი — მეზობლებო,  
მომეხმარეთ, ხალხი ხართ ქვეყანაზეო.

დამეკარგა თვალში სინათლე, დამარ-  
ცხდა ნამდვილად ბერიკაცი-მეთქი. ძუნ-

წი კია, მარა რაც უნდა იყოს, მაინც შენი მეზობელია.

გადავვარდი ღობეზე. ახალნაყიდი შარვალი მქონდა ერთი, წამოვდევი სარზე და მივაფხრინე. ვინ მიაქცია ყურადღება!

შვირბინე ეზოში და რას ვხედავ — დაუკავებია ყარამანს ჭოკი ხელში და მსხლის გარშემო დარბის.

მშიშარა კაცი არა ვარ. ცხრაას ხუთში კახაკებს დავხვდი ნასაკირალზე, მარა ყარამანს რომ შეგხედე, ზარი დამეცა. გაგიჟებულა ნამდვილად ეს უბედური-მეთქი. რომ გამოგიშალოს ახლა ეს ჭოკი თავში, მე შენ გიტყვი ჭკუა დაუშლის თუ გონება, სად მიხვალ მერე?

დამინახა თუ არა, წამოვიდა ჩემკენ. ცუდადაა შენი აღმასხანის საქმე. გაქცევას ველარ მოვასწრებ. სხვა ვერაფერი მოვიფიქრე და გავუცინე ერთი გაცინება. ცხონებული ბებიაჩემისგან მქონდა გაგონილი, გიჟი რომ შეგხვდებოდა, გიჟურად თუ მოეჩივი, არაფერს გიტყვისო.

— დაკყანვა გაკლია, შე უბედურო? ციგნები ხართ მამაც და შვილიც. აგერ მყავს, ხეზე, გამოჭერილი შენი საცოლე ბიჭი. ტკბილი მსხლია, ხომ? სანამდი უნდა დაიმალო, ჩამოდი-მეთქი, მე შენ გელაპარაკები! მეზობლებო, მოდით, ნახეთ სეირი — იგა გაფუჭებული მთხოვდა ქალს, მსხლის ქურდი იგა!

ამივარდა თავში სისხლი. ეს მინდა ახლა მე? თვითონ ხომ მოეჭრა თავი,

მარა მე სად გავახილო თვალი მიდენ ხალხში.

გამოვტაცე ჭოკი ყარამანს და მე დავუწყე ყვირილი, ჩამოეთრე იბრში შე მამაძალო-მეთქი.

რა შვილი, ჩამოვას! ტოტების შრი-ალზე ვატყობ, უფრო მალა ადის.

მოვიტანე კიბე და, რომ დანიხნა ხეზე ასვლას ვაპირებდი, მხოლოდ მაშინ იკადრა ჩამოსვლა. კი მოდის, მარა ვხედავ არ გაგს რადაცა ჩემს ჭიჭიკას. ჩამოაღწია როგორც იქნა და არ იკითხავ, ვინ შეგვჩა ხელში? — ჩვენი ბეგლარას მეზობელი, ის ნასწავლი კაცი.

ჯერ სიცილი ამიტყდა.

— ყარამან ჩემო, რას იღანძღებოდი, თურმე სიძე ბატონი ავიშვია მსხალზე.

შემდეგ ტირილი კინაღამ დავიწყე, იმ საწყალს რომ შევხედე სახეზე, ვანუგე-შე ვითომ ჩემი ჭკუით.

— შე კაცო, რამ შეგამინა, იხუმრა ყარამანმა-მეთქი.

აბა რა დაამშვიდებდა. დაკრა თეხი და გადავარდა ეზოდან. იმის შემდეგ მისი ლანდი აღარ გვინახავს სოფელში.

საუბარში მსხლები შემოგვიჭამა და აღმასხანმა ახალი ამოიღო კალათიდან.

— მერე რა მოხდა, აღმასხან ბატონო.

— ისეთი არაფერი, ჩემო ბიძიკო, თვის ბოლოს ქორწილი მიაქვს. თუ მოიც-ლი და პატარა პატივს დამეღებ, ძაან გამახარებ ამ სიბერეში.



ხელმოწერილია დასაბუქდად 31/III—58 წ. ნაბეჭდ ფორმათა რაოდენობა 6.  
ნომ00701. შეკვეთა № 1882. ქაღალდის ზომა 70x108. ტირაჟი 3000

საქ. სსრ კულტურის სამინისტროს  
მთავარბოლიგრაფსამმართველოს ბათუმის სტამბა-ლითოგრაფია  
(ბათუმი, ლუქსემბურგის, 22).

Батумская типо-литография Главполиграфиздата  
Министерства культуры Грузинской ССР  
Батуми, ул. Р. Люксембург, 22.



4 856.



ЛИТЕРАТУРНО-ХУДОЖЕСТВЕННЫЙ  
И ОБЩЕСТВЕННО-ПОЛИТИЧЕСКИЙ ЖУРНАЛ

*„ლიტერატურული ადჯარა“*

ОРГАН АДЖАРСКОГО ОТДЕЛЕНИЯ  
СОЮЗА ПИСАТЕЛЕЙ ГРУЗИИ